

SEX THESES DE SACRA SCRIPTURA, ET ECCLESIA.

*PUBLICIS IN ACADEMIA
OXONIENSI DISPUTATIONIBVS,
PROPOSITAE, EXPLICATAE, DE-
FENSÆ, A IOHANNES
RAINOLDO.*

- 1 Sacra Scriptura docet ecclesiam, quicquid ad salutem est necessarium.
- 2 Ecclesia militans errare potest, & moribus, & doctrina.
- 3 Maior est authoritas sacræ Scripturæ, quàm ecclesiæ.
- 4 Sancta catholica ecclesia, quam credimus, est cœtus vniuersus electorum Dei.
- 5 Romana ecclesia, nec est ecclesia catholica, nec sanum membrum catholicæ.
- 6 Ecclesiæ reformatæ in Anglia, Scotia, Gallia, Germania, cæterisque regnis & rebus pub. seipsas a Romanâ, iure segregarunt.

IEREM. 51. 9.

Curauimus Babylonem, & non est sanata: derelinquite eam, & eamus vnusquisque in terram suam.

LONDINI,
Excudebat Henricus Middletonus,
impensis Georgii Bishopi.

ANNO. 1580.

~~B. 11~~
~~De~~
B: 4
21.



VIRIS IN CHRI

sto mihi reuerendis, Oxoniensis a-
lumnis Academia, Praefectis Collegiorum,
& studiosorum cœtui, Iohannes Rainoldus gratiam
& pacem a Deo Patre nostro, & Do-
mino Iesu Christo.



SAMUELEM su-
um, quem Anna, mi-
nuendo sterilitatis suae
probrio, precibus arden-
tissimis a Deo rogaue-
rat atque impetrarat;
Anna mater, in lucem

eductum & educatum, coram Eli sacerdote 1. Sam. 1. & 2.

Deo consecrauit, vt viueret & ministra-
ret in templo Iehouæ. Ego quoque meum
quasi Samuelem & primum partum indus-
triae, diuino beneficio sterilitati concessum
meae, quum templo Iehouæ consecrare cupe-
rem: offerendum Deo coram vobis censui.
patres, & fratres, in Christo charissimi, qui-
bus cura templi siue commissa est, siue com-
mittetur, vt ministraret, siquid posset, tem- 2. Cor. 6. 16.
plo Dei viui. Temerarium fortassis opus, &
paulo cupidius susceptum quàm consul-
tius: praesertim, cum tantum a perfe-
ctione Samuelis absit. Et quidem eo
semper hactenus eram animo, vt ea

A.ij. quorum

4 Præfatio ad Academiam Oxoniensem

quorum fecerā potius abortus, vereor, quā
partus, intra priuatos parietes cōtineri, quā
in lucem edi, & in atrio quasi templi, quā
in templo versari mallet. Egerunt enim me-
cum, & sæpenumero, & vehementer, & a-
micissimi, ut excudi typis paterer ac in pu-
blicum euulgari, cū alias leniculas lucu-
brationes, quibus ad palæstram potius quā
ad pugnam meipsum exercueram: tū in
primis Orationes, quas, quum in nostro colle-
gio professor essem linguæ Græcæ, de studiis
humanitatis atque philosophia ad auditores
meos habui. Quod ego facere declinavi,
neque inuidiā, qui meipsum consecraui stu-
dio iuuandæ ecclesiæ & reipublicæ; neque in-
gratitudine, quasi minus cupide gratificarer
illis quibus plurimum debebam: sed partim
verecundia, ne gloriolam cuiquam aucupa-
ri viderer, quam iuuenes ardentius iusto
consectantur; partim conscientia infirmita-
tis meæ, cuius nec ingenium, nec ætas, nec e-
ruditio, satis erant matura producendis fru-
ctibus, qui proponerentur omnibus gustandi.
Nam et si prodesse studeo quam plurimis, ut
qui non mihi soli sed patriæ me natum a
Platone didicerim: nec vlla re magis pro-
desse possum patriæ, quā si tradam vias
optimarum artium, ut rectè visum est Ci-
ceroni: tamen verebar, ne peccarem vulga-
ri vitio, prurigine scribēdi, quā Horatius
suo

Plat. epist. 9. ad
Archyt. Tarent.

Cic. lib. 2. de Di-
uinat.

Horat. epist. li. 2.
ep. 1. ad August.

suo tempore vocavit insaniam, quid fecisset nostro? in quo tanta messis est & eminentium ingeniorum & operum excellentium, ut nihil admodum in lucem, non ingenio perfectum, non limatum iudicio, non politum industria, non opportunum fructu, non usu necessarium, emittendum esse, viris sapientibus iure videatur. Veruntamen, postquam illius professionis humaniorum artium onere sum leuatus, quo liberius Theologiae studio vacarem: quod prius in rebus lenioribus perpetuò pudore & iudicio facere declinàram, ne minus facerem maturè quàm faciendum censebam: id in re grauissima ut facere cogitarem, quamuis immaturius, officij religione erga Deum & ecclesiam sum incitatus. Cuius consilij & cogitationis, piorum, partim suasu partim desiderio mihi suscipienda, occasionem praeiuit Ricardus quidam Bristòus, natione nostràs, sede Duacensis, religione Romanus: qui venenatum opus aduersus Iesu Christi religionem & ecclesiam, religionem quam profitemur, ecclesiam cuius sumus, nostrate lingua scripserat. Quod inscriptum De Motiuis ad fidem Catholicam, quum ederetur primò; postea contractum in libellum Quaestionum proponendarum hæreticis a catholicis, curauit recudendum: & eandem Cramben, bis à seipso, milles a Pontificis administris co-

6 Præfatio ad Academiam Oxoniensem

Etiam, magno conuiuiarum, vel periculo, vel fastidio, periculo vescentium, abstinentium fastidio, nobis apposuit. Quantam in eo fecerit iniuriam ecclesie Anglicanae, nec eius toti modo corpori, sed etiam membris singulis, falsas & impias excitando suspiciones, ingerendo contumelias, hæreses obijciendo; fiet, ut audio, planum propediem, interim iudicandum pijs relinquo: dum Serenissimam Reginam nostram, alumnæ pietatis, propugnatricem fidei, conseruatricem pacis, nutricem ecclesie, custodem reipublicæ, parentem patriæ, non solum a comparat Pharaoni, sed etiam b innuit esse prætensam, (c ut eam nominant Papistæ) non legitimam Reginam: d fideles subditos, qui Regina sunt obsequentes, non officij vinculo, sed humanitate quadam, ait obsequi: e proditores perfidos, quos sustulit rebelles contra Reginam, adscribit in numerum piorum Christi martyrum: f viros principes totius regni religionem nostram esse plusquam impiam expertos agnoscere calumniatur: g Pastores esse maculis scelerum notatissimos, h nec ullos existere ferè qui doceant, & qui doceant, esse mutos in fidei mysterijs: i Populos, ut quisque maximè pastorum recipit doctrinam, ita maximè facinoribus & flagitijs opertos esse, salutis certos è sola fide, quantumuis viuant perditissime: k in Acade-

mijs

a Motiu. 47.

b Mot. 15. & 40

c Bulla Pij

Quint. contr. reg.

Angl. Nicol. Sander. de visib. Monarch. eccles. li. 7.

Laurent. Sur. in

cōment. rer. gest.

d Motiu. 40.

e Motiu. 15.

f Quæst. 48.

g Motiu. 39.

h Motiu. 31.

i Quæst. 48.

k Motiu. 31.

mijs aut nullum omnino coli studium,
 aut studium loquentiae non sapientiae,
 aut sapientiae non uniuersae, sed exiguae
 particula: ^l Rempubicam inundare non ¹ Quast. 41. ² Moriu. 31.
 hominibus, sed monstris hominum, qui
 neque Deum, neque Christum, ne-
 que vitam magis hominis animae quàm pe-
 cudis, postquàm e corpore migrauerit,
 esse credunt: denique, (ne ceteras * ¹¹ ^{*} Psal. 120. 4.
 niperorum prunas, quas & in ordines
 totos generatim, & sigillatim in pios pluri-
 mos atque doctos iaculatur, ex illis sulphu-
 ris cauernis eruam,) ipsum quasi corpus
 ecclesiae nostrae, non unam aut alteram
 heresin fouere, ^m sed excitasse multas hæ- ^m Quast. 38.
 reses antiquas, ⁿ mille nouas ad minimum, ⁿ Quast. 51.
 addidisse de suo; non unum aut alterum
 peccatum committere, ^o sed aperire publi- ^o Moriu. 39.
 cam scholam peccandi, discipulis ne-
 quissimis, nequioribus magistris; ^p nullam ^p Quast. 48.
 esse prorsus salutem credere, nullam re-
 ligionem, quod horreo referre, sed iste ba-
 siliscus ore virulento, nostram ecclesiam,
 nullam, nullam prorsus credere salutem, re-
 ligionem habere nullam, dixit, dixit? im-
 mò verò scripsit, & scripsit stilo ferreo,
 scripsit ad eternum calumniae monumen-
 tum. Ac istis calumnijs aduersus eccle-
 siam, quae passim intexuntur operi qua-
 si gemma, substernuntur rationes aduersus

ligionem, eodem patre sata, calumniarum germana : re quidem ipsâ scopæ dissoluta, sed tamen in speciem acuta & solida : quæ possent imperitos aculeo ledere, quamvis a peritis eliderentur sine noxa : non secus atq; scorpio, si sauciârit hominem, infixio nocet aculeo ; sin allidatur statim, & illinatur parti saucia, nihil infert mali. Quamobrem ut iste scorpio Bristoi, non uno sed gemino pungens aculeo (more scorpionum nocentissimorum) altero calumniarum, altero cauillorum, nihil inferret mali nostris hominibus, quos vel in Academijs, vel in alijs regni partibus sauciâsse creditur : multi pietatis studio flagrantés optarunt vehementer eum allidi ; ut illineretur, si non omnibus membris saucijs, at quibuscunque saltem Dei gratia, quæ sola sanat, salutem largiretur. Idque videntur eo vehementius exoptasse factum, quia nonnulli, homines medicina nimium imperiti, scorpionis huius ictus insanabiles esse arbitrantur. Nam & ipse Bristôus, ut Thraso Terentianus sua dicta prædicans, Denique metuebant omnes iam me ; similiter elatè querit, Ecquis e magnis magistris libello meo respondebit ? quasi nullum haberemus, aut scutum in ecclesia, quod ignita Satana tela restingueret, aut medicum in Israëlè qui pharmacum sanandis saucijs adhiberet : & nescio quis Gnatho, famosis

carmi-

Terent. Eunuch.

Quæst. 34.

carminibus pridem in Academia nostra disseminatis, Contremuisse duces Bristoi *Famos. libell. Oxon. 1577.*

fulmine motos, quasi principes copiarum non modo milites exanimasset, insolenter gloriatus est. Sed admonendus est Bristous se nec ab omnibus formidari, utcumq; Rhodium adolescentem tetigerit in conui-
uio: nec metuendum esse Chremi, licet armatus vecti & peniculo, se virginem erepturum, & ædes expugnaturum & malè mulctaturum Thaidem minetur. Quod si

parasiti Pontificis Romani fulmen esse putant, quod ab eo vibratum est ad Angliam concremandam: sine dubio tale fulmen est, quale fuisse canitur fulmen Salmonei, qui lampada quassans, Est sonitus Iouis, & *Virg. Aeneid. lib. 6.* flammam imitatus Olympi. Ceterum id

genus fulmina, quamuis sint terrori leuibus Græcis & Elidis vrbi, quæ regem habet Salmonem: tamen non terrent inuictos Christianos & ciuitatem Dei viui, quæ Rehæm habet Iehouam. Atque caueat sibi serio, si sapiat, qui vibrauit, ne fulmen eius futile, (quomodo fertur accidisse fulminanti

Salmoneo) vero summi Dei fulmine vindicetur, & ipsius & vrbis & ciuium interitu. Ecclesia quidem, quam Sanctus Dei Spiritus in omnem ducit veritatem, ut ab eo *Apollodor. de orig. Deor. lib. 1.*

iam edocta est e sacris Scripturis, ita porro docebitur, fauente Deo, quantum intersit *Iob. 16. 13.*

A.v.

inter

inter fulmen Bristôi, & lucem Iesu Christi:
 fulmen Bristôi, cuius ardor affligit corpora
 quæ contingit: lucem Iesu Christi, cuius
 splendor delectat homines quos illustrat:
 fulmen, pestiferum, quod cecitatem affert
 videntibus, mortem viuīs, lucem, saluta-
 rem, quæ visum impertitur cæcis, vitam
 mortuis. Neque verò deficiunt multis vi-
 ris pijs, autoritate, doctrina, iudicio præstan-
 tibus, inter illos ipsos quos per contumeliam
 Tertullus iste nominat magnos magistros:
 a quibus id iam pridem doceri potuisset.
 Quamquam id facere diu distulerunt: siue
 quia indicabant ineptias Bristoi prius refu-
 tatas fuisse quàm scriptas, quòd more scri-
 ptorum Pontificiorum nihil recens afferret,
 obsoleta recoqueret, ut ex illis q̄ unus olim
 obseruârat: siue quia statuebant eos refellere
 primùm, qui scripserant & prius & nervosi-
 us, ceteros suo tempore deinceps aggressuri:
 ut & alter se cogitare nuper admonuit: siue
 quia cōtrouersijs satis explicatis operâ mul-
 torum, putabant sibi finem faciendum huius
 opera, tametsi nullum finem Papistæ facerent
 impudentia, ut s̄ Ieremias, ubi semel respon-
 derat Hanania, repetenti pristinum errorem
 non respondit: siue quia, fortassis, alijs non va-
 cabat à curis grauioribus ecclesiæ pascendæ,
 alijs non libebat in certamen se committere
 cum homine tam maledico, alij dum alios
 aggres-

Quæst. 34.

Alexand. No-
 well, confut.
 Dorman. &
 Sander, in ca. 33.

Gulielm. Fulk,
 præf. libr. contr.
 Hesk. Sander. &
 Rastell.

Her. 28. 11.

aggressos suspicantur, curam abijciunt, om-
 nes, aut & stultō non semper responden-
 dum, ne fias ei similis se moneri memine-
 runt, aut u si respōdendum esset ei in prae-
 senti, ne sibi sapiens videretur, quis id fa-
 ciat pendent animi. Ego verò, ne diutius aut
 insolescerent Palæstini, quasi nullus esset in-
 ter Israelitas qui conferere manum auderet
 cum Golia, aut ingemiscerent Israelitæ,
 quum audirent acies Dei viuentis ab in-
 circumciso Palæstino probro affici: de-
 creueram, Dei gratiā, tametsi forsitan à Go-
 lia fuissem, ut puer, habitus despectui, sed ta-
 men decreueram eum adoriri in nomine Ie-
 houa exercituum, Dei acierum Israelita-
 rum. Verum quum meipsum ad certamen
 comparassem, ac e torrente verbi Dei le-
 ues lapides elegissem, qui diuinitus sunt
 validi ad euertendas munitiones & om-
 nem sublimitatem quæ extollitur ad-
 uersus cognitionem Dei, audio confectum
 esse negotiū a forti & fideli milite Iesu Chri-
 sti, qui multos Palestinos ante debellauerat,
 cuius opus etiā, intellexi postea, cōmissum es-
 se praelo, in lucē breui proditurū. Quamobrē,
 abiecto priore consilio, conuertebā animū ad
 eam Bristoi postulationē & promissionē, quā
 pronocat ad pugnā de scriptura & Ecclesia, se
 paratū offerens ad hoc certamē ineundum.
 Cū enim quidā ē nostratibus, sub indocti
 Chri-

Prou. 26.

Vers. 4.

Vers. 5. 5.

1. Sam. 17. 10.

2. Cor. 10. 4.

Ret. Gul. Fulke.
 contr. Mot. Brist.

Quæst. 34.

Matth. 23. 7.

Brist. Quæst. in
Titulo libri.

Christiani nomine, suppresso suo, librum edidisset, De sacræ scripturæ authoritatē, & ecclesiæ: postulat Bristous, ut edat libellum, adiecto suo nomine, cum approbatione Rabbiorum & priuilegio, ac ei propediem responsum iri pollicetur. Mihi, neque librum, cuius exemplaria fuerant, ut auguror, omnia distracta, inuenire contingit: nec authorem libri, quia nomen suum, non dubito quin certo consilio, suppresserat, conuenire licuit. Sed ut satisfacerem, si non ex omni parte, saltem quoad possem, Bristoi postulatu: paruum hoc opusculum quo res tractatur eadem, præfixum habens authoris nomen, & approbatum, non a Rabbiniis, (quos ei linquimus synagoga, cuius principes amant vocari Rabbi, Rabbi, Magistri Nostri,) sed a viris grauibus & doctis quorum interest, in lucem emisi. Quod eo fore gratius homini confido, quia non solum illam, quam volebat edi, questionem de scriptura & ecclesia, sed etiam finitimas, de ecclesia præsertim, cuius nudo nomine triumphat, completitur. Eo verò citius responsum expecto, quia iam elapsum est quadriennium, ex quo promisit nobis opus latinum: cui, siue iam edito, siue mox edendo, poterit responsum, nisi molestum est, ad istas Theses attexere. In quo si laborandum sibi iudicauerit: tria sunt, & factu facilia, nec iniqua, uti mihi persua-

deo,

deo, qua ab eo petam. Vnum, ut mearum
 Thesium contextum intertexat integrum
 suae responsioni, (quod in eius Questionibus
 ego facere decreueram:) quo videant lecto-
 res, quid, quo modo, refellatur. Alterum, ne
 calces, quod aiunt, contra stimulos: ut cedat
 veritati, neque tenebras offundere luci ma-
 nifestae Solis iustitiae, canillationibus & ca-
 lumnias moliatur. Tertium, ut, si pudeat eum
 dicere, vincor veris: saltem, in refellendis
 qua refellenda suscipiet, agat sanius & soli-
 dius, quam egit in principys suis Doctrinali-
 bus, opere pleniore verborum, quam verita-
 tis, Thomas Stapletonus. Qui, ut refutaret
 nostram sententiam, ^x ecclesiam esse coe- ^x Princ. fid. doct.
 tum eorum qui sunt electi, quod de catho- ^{lib. 1. cap. 4.}
 licâ docemus, & verum est: docet ^y in eccle- ^y lib. eod. ca. 5.
 sia permixtos esse malos bonis, reprobos
 electis, quod ipsum quoque verum est, in ec-
 clesia militante. Sed verum vero consonat, nec
 una veritas evertit alteram. Statuitur a
 nobis, Ecclesiam catholicam, quæ tradi-
 tur in symbolo Christianæ fidei, coetum
 esse vniuersum electorum Dei. Occur-
 ritur a Stapletono, Ecclesiam militantem,
 cuius etiam in sacra scriptura fit men-
 tio, neque cunctos, neque solos electos
 comprehendere. Ac isto responso nostrum
 errorem & heresim Hussitarum se refutasse
 gloriatur. Sed illud usu venit, quod dicitur
 pro-

Theſium ratio
& argumētum.

¶ Motiu. 31.

proverbio, falces rogabam, & illi negant
ligones. Caterū, *Theses meas*, (ut re-
uertar ad institutum) prout erant descriptæ
versibus, & explicatæ præfationibus, de more
publicarum nostræ Academiæ disputatio-
num, emittendas censui: vel eâ causa liben-
tius, quod ab exteris gustari cuperem dispu-
tationum nostrarum genus: quas, & nostra
omnia, sic abicit & Bristōus, quasi cum ipsis
solis & nata & moritura esset sapientia.
Complectuntur autem sex istæ Theses, fon-
tes præcipuos, & quasi fundamenta contro-
uersiarum, quæ nobis intercedunt cum
ecclesia Romana: ut earum lumen ali-
cui futurum hominibus non præfractis &
cæcis adiumento, cū ad utrasque Bristoi
nebulae, tū ad omnes caliginosas canil-
atiunculas similium Bristōi, dissipandas, spe-
rem.

1. Thesis.
¶ In catechismo
Conc. Trid.

¶ Ibid. in exord.
catechism.

Nam cū evidenti ratione constet, ut ipsa
a Romana ecclesia fatetur, doctrinā uniuersam
religionis veræ, quæ vero Dei cultu pios
ad salutem ducit sempiternū, contineri verbo
Dei: Romani, quo stabiliant superstitiones &
errores suos repugnātes scripturæ, Dei ver-
bum in Scripturam & Traditiones distribu-
tum esse volunt: ut quæ nō inveniūt in scrip-
to Dei verbo, è verbo Dei traditio sancita
esse canillentur. Antiquum stratagēma fi-
liorum Satana: quo per insidias olim sunt ad-
orti,

orti, Scribae Iudeorum atque Pharisei, Christum servatorem, c ut Evangelista scriptum reliquerunt: heretici, d Tatianus, e Valentinus, Marcion, eorumq, assecla servos Iesu Christi, ut docent Hieronymus & Irenaeus.

Ac ab his parentibus illa peruersa de Traditionibus, quae tanquam Apostolica iactantur ab hereticis, f ut priscis, g ita novis, orta est opinio: quam ut filiulam exosculatur suam ecclesia Romana, parum considerans ipsam esse spuriam, non susceptam à Christo Iesu, sed ab hereticis priscis surreptam. Nisi fortè potius eam adoptavit à Marco Antonio: h qui quum acta Caesaris Senatus approbasset, adscripsit actis Caesaris quaecunque collibuit, & ea non minus rata esse voluit, quam si Caesar ipse vivus approbasset. Sed opinionem ipsam esse spuriam, a quocunque sata sit, seu heretico, seu ethnico, eoque secludendam ex Ecclesia Iehoua, i quam ingredi vetantur adulterinae proles, ostendi prima Thesi: qua feci manifestum, è sacra Scriptura doceri Ecclesiam quicquid ad salutem est necessarium.

Ab huius autem arcis quasi propugnaculo deiectioni Romani, confugiunt ad ecclesiam, k quam errare posse negant, ut quamvis ipsorum Traditiones, id est errores, a Christo non manarint, tamè nequeant habere vitiū, quòd ab Ecclesia teneantur. Cambysem, regem

c Matth. 15. 2.

Marc. 7. 5.

d Hier. comment.

in Agg. cap. 1.

e Iren. cont. ha.

res. li. 3. cap. 2.

f Maxime de Tatiani radice crescentibus. Hieron.

in Agg. ca. 1.

g Brist. Quaest.

29. Mot. 9.

h Cic. in Anton. Philipp. 2.

i Deut. 23. 2.

2. Thesis.

k 24. q. 1. c. 2.

recta. In glossa.

Catechis. Trid.

in expos. Symb.

* In Thalia.

regem Persia, refert * Herodotus, quum impio sororis amore conflagraret, consuluisse iudices Persarum, an ex iure regni liceret cum sorore contrahere matrimonium. Cui responderunt illi, re deliberata, Se nullam quidem inuenire legem, quæ permittat fratri ducere sororem: veruntamen aliam inuenisse legem, quæ permittat Persarum regi, facere quicquid libeat. Male iudices Persarum, si finxerunt istam legem: male Persæ, si sanxerunt. Ceterum, ex eo iudicum responso Cambyses incestas cum sorore germana confecit nuptias. Hoc, ut impium, in Cambyse reprehendunt Ethnici: & nonne Papistarum factum est simillimum? Romana ecclesia, Regina Babylonis, sacrilego, non fratris, ut Cambyses sororis, sed superstitionum & idolorum exarsit desiderio. Consulti sunt Episcopi, Romanorum iudices, an ex iure Christi liceret cum idôlis & superstitionibus connubio iungi. Curarunt Episcopi Scripturas euoluendas, nec ullam legem inueniunt, qua permittatur superstitio & idolorum cultus: veruntamen aliam inuenerunt legem, qua tantum sit, ecclesiam errare non posse, quicquid constituerit. Male iudices Romanorum, qui finxerunt istam legem: malè Romani, qui probarunt. Ceterum ex ista iudicum sententia, Romana ecclesia nefandum cum idôlis & superstitionibus,

bus, prætexit coniugium, committit adulterium. Et tamen huius legis, quam in aedificij sui fundamento ponit Bristôus, mentionem facit, quasi legis Augustini, quasi legis Christi: sed impudenter & mendaciter; ut se nec verba Christi, nec Augustini mentem intellexisse doceat. Ruinosis ergo tam aedificij quam fundamenti parietinis subuertendis secunda Thesis adhibita est: qua manifestò probat, ecclesiam militantem errare posse cum moribus, tum doctrina.

Quaest. I. C. 34.

Ea verò stabilita videtur suis viribus stabilire tertiam: qua pronuntiatur sacram

3. Thesis.

scripturam maioris auctoritatis esse quam ecclesiam. Mirarer equidem venire potuisse cuiquam unquam in mentem, ut sentiret secus: nisi prædixisset Apostolus futurum, ut homo sceleratus, perditionis filius federet in templo Dei tanquam Deus, atque adeò seipsum efferret supra Deum. Cuius vaticini viderunt complementum, qui viderunt Antichristum anteponi Christo. viderunt autem antepositum Christo Antichristum: qui viderunt plus ecclesiae tribui quam scripturae. Nā, quod detrahitur scripturae, Christi verbo: reuera detrahitur auctori verbi, Christo. Quod autē ecclesiae tribuitur in speciem: re ipsa Pontifici Romano arrogatur. Vtrumq; manifestū est ex¹ Alberto Pighio: cuius de scripturâ,

2. Thess. 2. 4.

¹ Ecclesiast. hier. rar. lib. 1. C. 4.

B.

voces,

voces, & ecclesia, quamvis insolentes sint admodum & impia: tamen inter eos, qui præcessere Pighio, non defuere Principes ecclesie Romana, ut m Cusanus Cardinalis, ut n patres Constantienses, qui loquerentur insolentius. Qui verò Pighium sunt sequuti, quamvis retineant ipsos quasi nervos Cusani & Pighij, dum in scripturarum interpretatione deferunt ecclesie potestatem pratoriã, aut Verrinam potius, ut o Cardinalis Hosius: tamen induxerunt novos colores, & de summo iure nonnihil remiserunt; ut p Bristonus noster, sequutus suum q Hosium, non postulet maiorem, authoritate pari scriptura ac ecclesia contentus esse videatur. Quanquam ita loquitur nescio quo modo: ut ipsum id sentire non ausim assenerare. Nam et si par utrique vinculum obedientie, parem veritatem, vacuitatem ab errore parem attribuat: in eo tamen quod adiungit, credi scripturae propter ecclesiam, si quàm est affinis verbis r Cusani, tam sit affinis sententiae, ut authoritatem scripturae ab ecclesia pendere arbitretur, & ecclesiam impertiri, ut expresse dicit s Pighius, authoritatem canonicam scripturae duriores habet frontem quàm putaram.

Andræ quidem, explicator, & defensor fidei Tridentinae, multo modestius, (ut suam ei laudem tribuam) & religiosius, de authoritate scripturarum loquitur: quam agnoscis

m Epist. 2. & 3.
ad Bohemos.
n Conc. Constant.
Sess. 13. Hoc non
obstante.

o Lib. de express.
Dei verbo.

p Quest. 34.

q In confess. pe-
trici. cap. 15. &
16. & 19.

r Epist. 3. ad Bo-
hemos.

s Ecclesiast. bie-
rarch. li. 1. cap. 2.

t Defens. f. d. Tri-
dent. lib. 3.

scit, primum, eas habere, non ab hominibus, sed a Deo; non ab ecclesia, sed a Sancto Spiritu: ex quo, deinde colligit, esse nefas, tradere, posse iudicio Potificum & ecclesie, vel profanos libros fieri canonicos, vel quos esse constat sacros repudiari; quorum alterum insignis ait esse impudentia, alterum insania, & impietatis non ferenda. Quam vellem Andradius in ceteris similiter abominatus esset poculum meretricium abominationum! aut, (quoniam Andradius fato concessit) ut cuncti Christiani, qui pia mente improbant in meretrice quaedam, (quis autem quaedam non improbat?) reliquas eius omnes impuritates improbarent: nec Christiani modo propemodum, ut Agrippa, sed quod optavit Agrippa Paulus, & propemodum & admodum Pauli similes efficerentur.

Act. 26. 29.

Quam ad rem ut illis asferrem adiumentum quantum possem maximum: medicinam facere periculosis vitijs opinionum studui, quibus miserorum gustus ita leditur, ut panem cœlestem esse putent venenum, & dulcissimum vitæ pabulum tanquam absinthium auersentur. Ea verò vitia, sunt errores pravi, quibus abducuntur a via veritatis in illo articulo Christianæ fidei, Credo sanctam ecclesiam catholicam. Nam quibusdam est persuasum, nomen ecclesie sanctæ, pertinere, non ad cunctum cœtum Christi-

4. Thesis.

ani populi, sed tantum ad ecclesie ministros
 & episcopos : ne ad ministros quidem cu-
 iusvis ecclesie, sed ecclesie Romanae, Pa-
 pam, & Cardinales. Quos ex usu quo-
 dam obtinuisse dici ecclesiam, & eccle-
 siam egisse, recepisse, ordinasse, quod
 egissent, recepissent, ordinassent ipsi :
 notavit, suo seculo, ¹ *Marsilius Patavi-
 nus*, & natu grandioribus nimis est cogni-
 tum. Quidam autem, & illi quidem erudi-
 tiores, agnoscunt ecclesiam significare cœ-
 tum hominum fidelium : sed eum cœtum
 volunt ² esse plebem ab episcopo suo
 congregatam, & adhærentem capiti,
 Romano Pontifici, ne quid Respublica de-
 trimenti capiat. Itaque quoscunque fidem
 profitentes, bonos & improbos, sanctos &
 profanos, pios & hypocritas, in eum cœtum
 includunt. Sunt etiam qui sentiant, hoc ip-
 so credere sanctam ecclesiam, authorita-
 tem nobis ecclesie commendari, ut ec-
 clesie credamus, confidamus, pareamus.
 Quod insinuare videtur voluisse, quanquam
 obscurius & diffidentius, ³ concilium Tri-
 dentinum. Sed eius reipalman tulit ⁴ *Bri-
 stons* : qui, quo facilius, si minus omnes An-
 glos, simplices saltem, in fraudem impelle-
 ret, ambiguitate vocum dolos consuit : perin-
 de interpretans credo ecclesiam, ac si cre-
 do ecclesiam, esset credo ecclesie : quæ dis-
 crimen

¹ In defensore
 pacis, part. 2. ca. 2

² Francisc. Tur-
 rian. de eccles. &
 ord. min. li. 1. ca. 2

³ Catechism. Con.
 Trident. in expo-
 sit. Symb.

⁴ Quæst. 34.

crimen habent in Grecis, & Latinis, mani- Πιστεύω τὸ ἐκ-
κλησίαν. πιστεύω
τῇ ἐκκλησίᾳ.
festissimum; in nostro sermone vernaculo, nō
item. Et tamen hic homo creatus est Doctor
in Schola Duacensi: & vir quantivis pre-
typutatur a nonnullis. O miseros Duacenses,
qui talem creauerunt; miseres Papistas,
si talem audiunt, Doctorem: insigniorem so-
phistam an sycophantam, nescio. Nullū qui-
dem medicis esse remedium contra morsum
sycophantæ, dixit nescio quis philosophus. Sed
quia possibilia sunt apud Deum, quæ sunt Luc. 18. 27.
apud homines impossibilia: propterea, di-
uina fretus bonitate, remedium contra mor-
sum huius sycophantæ, simulumq; sum cona-
tus adhibere, quartâ Thesi: quâ, reiectis, &
ecclesiæ Romanæ Prelatis, & misturis omniū
cum hædis, declaravi, sanctam catholicam
ecclesiam quam credimus, esse cætum uni-
uersum electorum Dei.

Porro, ne Romana fucus ecclesiæ pellice- 5. Thesis
ret imperitos rerum adolescentes in amorem
sui, quum audirent eam, in delicijs, ut Catho-
licam, Apostolicam, Orthodoxam, a plurimis
haberi: ut istam quoque laruam Romæ de-
traherem, & fucum abluerem aqua sancti
Spiritus, adieci quintam thesin, quæ demon-
straret, Romanam ecclesiam, nec ecclesiam
esse catholicam, nec sanum membrum ca-
tholicæ. Res evidens, veritate: sed difficilis
persuasus: præsertim amatoribus: nam Cupi-

In Bucoliast.
eid. v. 5.

do cæcus est : & ut ait ille apud Theocritum
Quæ minimè sunt pulchra, ea pulchra
videntur amanti.

Quæst. 44.

Catechism. conc.
Tri. in exp. Sym.

In Symbolo Con-
c. l. Cōstantinopo-
lis.

Brist. Mor. 12.

Id Daphnis, in poëta, canit Polyphemo :
nos, in Bristôo, re experti sumus. Nam insa-
tuatus amore meretricis, si diceret eam unā
esse Catholicam, erraret tolerabilius, haberet
saltem errorem communem cum multis: sed
eo non contentus, affirmat ecclesiam hac
tantum de causa & dici potuisse, & esse
dictam Apostolicam, ut ea quasi nota re-
ctā nos dirigeret ad ecclesiam Romanā,
fundatam ab Apostolis Petro & Paulo,
solam ex Apostolicis ecclesijs superstite.
Quam huius amatoris assentatiunculam, ip-
se Pontifex Romanus Ecclesie sue sponsus,
quanquam amore captus, tamen aspernatur:
agnoscens ecclesiam a Patribus in Sym-
bolo fuisse dictam Apostolicam ad sig-
nificandam originem ecclesie quam du-
cit ab Apostolis: quod eius doctrina sit
ab Apostolis olim tradita, & in omnem
orbē terrarū disseminata. Qui verò Catho-
lica titulū ecclesie tribuūt Romana, viderint
quemadmodum suam audaciam a sacrilegi
crimine defendant, qui sponsa Christi spolijs
ornant adulterā; aut, ut optimè sentiamus de
ecclesia Romana, qui matris spolijs, ornant fi-
liā, eamq; non optimā, cum insigni caterarū
sororū iniuria. Nec enim catholicæ nomen
huic

huic aut illi, sed vniuersali cōpetit ecclesię,
per omnes nationes, ætates, prouincias,
ab humani generis primo parente ad nos
& nostros posteros continuatæ: ut ^a Tri-
dentina Synodus ^b eiusq; interpretes, (tāta vis
est veritatis) liquido fatentur. Sed eorum er-
ror in primis minuendus est, qui Romanā esse
putant orthodoxā: & ita orthodoxā, ut nulla
peste inuadi, nullo infici contagio, nulla
macula perfidiæ posse pollui arbitrentur.
Cuius sententię præcipuos patronos (ut cate-
ros omittā minorum gentium) citant Patres:
^c Iacobus Andradius, consideratius, qui coa-
ceruat testes sine testimonijs, Augustinos,
Hieronymos, Basilios, Athanasios, Chry-
sostomos: sed multo gloriosius ^d Nicolaus
Sanderus, qui testimoniorū congeffit tantam
molem, ut, si numerari, non ponderari sen-
tentias oporteret, cadendū nobis causā foret
necessario. Caterū, omnes Patres, quos iste le-
guleius producit aduocatos suę Monarchię,
vel negant errasse, vel negant errare posse,
Romanam ecclesiam: errasse, ut ^e Irenæus,
In ecclesia Romana semper cōseruata est
ea quæ ab Apostolis est traditio: errare
posse, ut ^f Cyprianus, Eos esse Romanos,
quorū fides Apostolo prædicāte laudata
est, ad quos perfidia non possit habere ac-
cessū. Qui negant errasse Romanā ecclesiā:
nō repugnant nobis. Nō enim dicimus eā er-

B.iiij.

rasse,

^a Catechism. Tri.

in exp. Symb.

^b Andr. defens.

fid. Trid. lib. 2.

Petr. a Soto. con-

tr. confess. W. ar-

tenb. cap. de ec-

clesia.

^c Defens. fid. Tri-

dent. lib. 2.

^d De visib. Me-

nar. eccle. lib. 7.

^e Aduers. hæres.

lib. 3. cap. 3. San-

der. argumen-

to 20.

^f Lib. 1. epist. 3.

aut epist. 55. e-

dit. Pam. Sander.

argum. 42.

B Psal. 48. 2.

h Esai. 1. 21.

i 1. Reg. 3. 20.

k Matth. 31. 13.

Esai. 1. 21.

Matth. 21. 13.

Rom. 1. 8.

rasse, Irenæi tempore; sed errare, nostro. Ille negat errasse: nos dicimus errare: num contradicimus? Ierusalem, a g Psalte vocatur Dei ciuitas, cuius in palatijs colitur Iehoua: ab h Esaiâ vocatur meretrix. Templum Domini nominatur à i Solomone domus Dei, domus precationis: a k Christo dicitur spelunca latronum. Num Esaias repugnat Psalti? num Christus Solomoni? Nihil minus. Sed narrat Psaltes, quid Ierusalem fuerit suo tempore: Esaias, quid suo. Facta est meretrix vrbs fidelis: fuit vrbs fidelis, sed facta est meretrix. Docet Solomon quid esse debeat: Christus, quid effecta sit, domus Dei. Vos fecistis eam speluncam latronum: non erat Solomoni, sed vos fecistis eam. Ita Patrum tempore Roma fuit sana: sed facta est meretrix vrbs fidelis: amisit sanitatē, incidit in leprā: Dei fuit domus, latronum est spelunca: Christi fidem coluit, sed ab ea decidit. Traditionem semper eam conseruârat, quæ est ab Apostolis, ad tempus Irenæi: sed ad nostra tempora traditionem semper ab Apostolis seruasse, num est ex eo consequens? Nisi fortè, meretrices, quæ Romæ se prostituunt, Aulici Romani probabunt esse virgines, quia fuerunt virgines, quum essent infantule. Nobis itaque non repugnant, qui negant errasse Romanam ecclesiam. Qui negant eā errare

in Theses de sacra scriptura & Ecclesia. 2,

re posse: repugnāt quidē nobis, sed & sancto spiritui. Cuius instinctu, Paulus ecclesiā admonēs Romanā ne cōtra Iudaorū gētē insolēscat: Ne effertor, inquit, animo, sed time. Rom. II. 20.

Nam si Deus naturalibus ramis non pepercit: caue ne tibi quoq; nō parcat. Vide igitur benignitatē & seueritatē Dei: in eos quidem qui ceciderunt, seueritatē: in te verò benignitatem, si permanseris in benignitate. Alioquin, & tu excideris. Potest igitur excidi Romana ecclesia.

Quid? Et Cypriano secus est visum? Da veniam Cypriane: libenter tibi crederem, nisi tibi credens non crederem verbo Dei. Sed utri potius sit credendum, Deo an homini: iudicent Papistæ. Saltem, si credant homini, potius quàm Deo: credant suorum hominum rationi & iudicio. Nam ecclesiam quam-

cūque particularem errare posse: ^l Sotus, ^m Alfonsus, ⁿ Hosius, ^o Verratus, Pontificiorum lumina, testantur. At ecclesiā Romanam esse particulare: affirmat idem ^p Verratus, neque ceteri negare possunt. Quare, si Romanam ecclesiam errare non posse sensit Cyprianus: in eo, sententia Pontificiorum, erroris ipse condemnandus est. Ita, cū omnia Patrum testimonia sint duorum generum, altera vera, sed prorsus aliena: altera satis apposita, sed falsa: conficitur, ecclesiā Romanæ valetudinem nullis medicamentis Patrum

^l Petr. a Soto
contr. confes.
Wirtenb. cap. de
concilijs.
^m Alfons. à
Castr. aduers.
hæres. li. 1. cap. 8.
ⁿ Confes. Petrie.
cap. 24. & contr.
Brent. lib. 2.
^o Disputatio-
num aduersus
Lutheranos
Tom. 6. De au-
thorit. & potest.
vniuers. eccle.
cap. 5.
^p Ibid. cap. 1.

B.v.

adin-

¹ Iren. l. 3. cap. 3.
Sander. argumen-
to 4.

² Dionys. epist.
ad Soter. apud
Euseb. l. 4. c. 22.

Sander. arg. 15.

³ Episcop. Orient.
in ep. ad Iul. a-
pud Sozomen. lib.

3. cap. 7. Sander.
arg. 109.

⁴ Ignat. in inscri.
epist. ad Rom.

Sander. arg. 5.

⁵ Platin. Onuph.

Sabell. Guicci-
ardin. Theodoric.

⁶ Niem. Abbas
Vrsperg. &c.

⁷ Frater Baptista
Matuanus, Car-
melita, Theolog.

⁸ Ecloga 9.

⁹ Ecloga. 5.

¹⁰ De calamitat.
tempor. lib. 3.

¹¹ Sylvar. lib. 1.
Ode ult.

6. Thesis.

adiuuari. Quid ergo nobis, cum illis, quorum
laudibus Roma prisca, q Christianos ad pa-
cem congregans, & reparans eorum fi-
dem, r subsidia vitæ fratribus & ecclesijs
ministrans, s Apostolorum Schola, Me-
tropolis pietatis, t Ecclesia sanctificata, e
innumera id genus, esse prædicatur? Nobis
negotium est cum Roma noua, quæ, bellorum
nutrix, parens perfidia, spoliatrix fratrum, cul-
trix idolorum, sedes auaritia, regina super-
bia, fomes & flamma libidinum, furorū, abo-
minationum, u suis historijs, factis, monumē-
tis, esse conuincitur: cuius x filius amantissi-
mus de matre sua queritur, x antiquā ma-
nere famā, vtilitatē recessisse; pastores in
effigiē luporū versos esse, quo magis ap-
propinquas, eo magis sordere omnia: y dari
nugas, aurum accipi, regnare solam pecu-
niā, z ecclesiæ bona scurris, altaria cinedis,
Ganymedibus feruire tēpla, a negari fas
& iura, homines & Deum falli, profligari
sanctimoniā, pietatē sperni, abijci, affligi.
Viueret qui factē cupitis, discedite: Romæ
Omnia cum liceant, non licet esse piū.

Ac ista quidem graues, nec iniusta, spero,
videri possunt causæ: cur Ecclesia reformatæ
(ut ad extremā Thesin veniam) in Anglia,
Scotia, Gallia, Germania, ceterisq; regnis &
rebus publicis, seipsas à Romana tabe segre-
garint. Quanquam, si tantummodò sanctē
nobis

nobis vivere Roma non liceret, si non liceret
 esse pium, ut asserit Mantuanus: ab urbe
 quidem Roma, ut Mantuanus consulit, dis-
 cessissemus, sed non secessissemus ab ecclesia
 Romana. Si leuiuscula tantum infirmitates,
 eius, in fide valetudinē tentassent, quales re-
 tauerunt, etate Patrum, nonnulla: doluisse-
 mus, at tulissemus: & homines in errato
 praeoccupatos miseri, eorum onera por-
 tassemus. Sed, quum in ecclesia Romana cō-
 munionem non liceret nobis, vel sanctē Deum
 colere, vel sanctē Deo credere, conuenienter
 praecepto Dei: quum ea correpta contagiosis
 morbis & mentis delirio, monitores flammis,
 amicos ferro, fratres capitalibus poenis iugu-
 laret, fidem Christi cōuitijs, creaturas honore
 Domini, Dei cultū inficeret idololatria: se-
 cessionē fecimus a Pontificijs, ut ab homini-
 bus, nō libenter, ut ab haeticis, non inuiti: &
 nostras ecclesias, ad Dei normam reforma-
 tas, ab ecclesia Romana contagio segregau-
 mus. Quo in opere, quia nostri nihil aliud fe-
 cerunt, quā Apostolus, vas electum sancti
 Spiritus, ^b & fecit, ^c & faciendum docuit,
 quemadmodum in ipsa Thesi comprobauit:
 inter ecclesias nostras, & ^d Bristōm, qui cō-
 demnat eas schismatis eiusdem, cuius Do-
 natistas, iudicabit Dominus: qui nos ex sui
 verbi praescripto, id est, iure, fuisse ab ecclesia
 Romana segregatos, in illo die pronuntiabit.
 At communionem relinquere non oportuit
 eorum

Gal. 6. 2.

^b Añ. 19. 9.

^c 1. Tim. 6. 5.

2. Cor. 6. 17.

^d Quaest. 1.

Rom. 1. 7.

* 1. Pet. 5. 3.

† Andræ. lib. 1.
defens. fid. Trid.‡ Gent. Heruet.
de reparand.
eccles. disciplin.
§ Ephef. 4. 3.

¶ Cic. Philipp. 13.

‖ Ephef. 4. 12.

‡ Phil. 4. 2.

‡ Cic. Philipp. 12

‡ Iphigen. in
Aulid.Συνομο φρίνειν
οὐ βέλομι, ἀλλ'
ἐκ συνουσίαν.

eorum cui sunt Romæ, dilecti Dei, vocati sancti, quorum fides annuntiata est in toto mundo. *At isti Romani, non sunt Romani, sunt cadavera Romanorum: alius est Milo, Lacerti sunt mortui: alius est Hector, Quantum mutatus ab illo? At Romano Pontifici, Optimo Maximo, Christi vicario & Petri successori, parendum fuit, non repugnandum. At si ei repugnandum, si iubeat iniusta & perniciofa: at si esse Principum, in illicitis ei resistere, Pontificij docent ipsi. At Christiani si seruare debent vnitatem spiritus in vinculo pacis: & si Pacis nomen dulce est, res verò cū iucunda, tū salutaris. At vnitatem spiritus decet coalescere in vnitatem fidei: & si itidem affectos esse, sed in Domino. Cum Pontifice & Pontificijs ut cum Antonio & eius affeclis, si facta pax, non erit pax, sed pactio seruitutis, immò impietatis. Quare, quod Agamemnō, apud Euripidem, respondit Menelao fratri, postulati, ut se praberet fratrem in impio nefarij sceleris consensu, idem ego fratri meo respondeo, sollicitanti ad ecclesiæ Romanæ communionem, cuius fides est impura, cuius sacra sunt impia:*

Sanitatis esse tecū particeps, frater, volo: Sed furoris esse tecū particeps abhorreo. Et hic præfandi finis esto. Nihil restat, nisi,

ut orem & obtester, omnes Christianos, qui
 legendis istis operam insument, ut omnia
 Christiano, legat, expendant, interpretentur,
 animo: prauidicatas opiniones exuant: exa-
 men spirituum, an ex Deo sint, instituāt:
 veritatem inuenire studeant, inuentam a- ^{1. Iob. 4. 1.}
 ment: siquid a me peccatum esse putent, ad-
 moneant: breuitatem, quia fuit necesse mul-
 ta paucis, excusatam habeant: quantam ego
 fidem & diligentiam in exponendis & pro-
 bandis Thesis adhibui, cuius Deus mihi
 testis est, qui reuelabit arcana sensuum, tan-
 tam equitatem & candorem ipsi, in obser-
 uandis & censendis quae legent, adhibeant,
 tanquam coram Domino, qui censor erit
 censorum. Imitentur denique pios Beræen-
 ses, qui, Paulo predicante, sermonem rece-
 perunt cum omni alacritate, quotidie ^{Act. 17. 11.}
 scrutantes scripturas, an illa ita se habe-
 rent: non pertinaces Luciferianos, ° de qui-
 bus confitetur, qui suorum mores noue-
 rat apprimè, Facilius eos vinci posse,
 quàm persuaderi. <sup>° Hieron. in dia-
 log. aduersus
 Lucifer. cap. 9.</sup>
 A vobis autem, patres
 & fratres dilectissimi, quorum nomine labo-
 rem meum quantulumcunque templo Dei
 dedicati, quaeso & obsecro per Dominum
 Iesum Christum, qui nos redemptos suo pre-
 tioso sanguine sanctificauit sibi: ut Dei glo-
 riam propagare, pietatis fouere semina, salu-
 tem ecclesiae promouere, plantas alere fru-
 ctuosas,

30 Præfatio ad Academiam Oxoniensem

Rom. 2. 29.

Eph. 4. 4.
Ier. 32. 39.

Phil. 4. 8.


1. Sam. 19. 20.

*Stuofas, augere laudem Academiae, laudem
quæ non est ex hominibus, sed ex Deo,
modis omnibus enitamini. Refellite Bristôis
maledicta, factis: & crimina, quæ nobis obji-
cit, esse calumnias, operibus docete. Audien-
do, legendo, disputando, meditando, dicendo,
scribendo, bonas horas in bonis artibus bene
collocate. Coniunctis, & animis, & consilijs,
& operis, opus Domini conficite: vnum cor-
pus, vnus Spiritus, cor vnum, via vna.
Excitate studia, penè dixeram iacentia, sed
spero meliora. Extinguite Sirenes a studijs a-
uocantes, desidiam, dulce malum: delicias,
escam veneris: conuiuiorum luxum, vanita-
tem vestium, ludos illiberales, symposia intē-
pestina, pestes scenicoꝝ, Theatralia specta-
cula. Postremo, vt Apostoli verbis cōcludā,
quæcunq; sunt vera, quæcunq; venerāda,
quæcūq; iusta, quæcunq; pura, quæcunq;
amabilia, quæcunque bonæ famæ: si qua
virtus est, & si qua laus est, hæc cogitate.
Siqua virtus est, & siqua laus est: fratres,
hæc cogitate. Deus optimus Maximus
nobis vniuersis gratiā sui sancti Spiritus il-
lucescat: vt collegiorum capita, more Sa-
muelis, adstent vt præsent, præsent vt pro-
sint commissio sibi cœtui: collegiorum mem-
bra, more Prophetarum, prophetare, Dei
laudibus canendis & prædicandis, sub Sa-
muele discant: iuuenes humanis artibus stu-
dentes*

dentēs, alijs in rebus Saulis diſſimiles, ſimiles ſint Saulis inter prophetas: ut ipſa collegia, & omnes noſtri cœtus, ſint congregatio- nes non modò prophetarum, ſed etiam pro- phetantium, atque prophetarum dictis ob- ſequentium, ad honorem Dei, piorum ſo- latium, & ſalutem noſtram in Domi- no Ieſu Chriſto. Valete. E Colle- gio Corporis Chriſti. Febr. 2.

1 5 8 0.

Veſter in Chriſto Ieſu,
Iohannes Rainol-
dus.



33
THESES TRACTA-

TAE COMITIIS ACADEMI-

CIS, IN TEMPLO D. MARIAE.

IVL. 13. 1579.

- I Sacra Scriptura docet ecclesiam,
quicquid ad salutem est
necessarium.

*Scripta ab ore Dei diuina oracula Moses,
Quum peteret Solymos, numine ductus, agros.
Adiungere sacri sacrata volumina vates,
Quos bonus aethere amouit ab arce Parens,
Virgine natus adest, Patris sapientia summi,
Coelestis Sophia quem rigat imbre Deus:
Virgine natus adest, eterni sermo Iehoua,
Qui Patris arcanas voce recludit opes.
Discipuli Christi, coelestia verba magistri,
Ore, prius: scriptis, post docuere libris.
Spiritus humanis sanctus dedit ista tenebris,
Ut doceant sanam cum pietate fidem.
Cedite, qui nugas, qui spectra profana refertis,
Qui premittis veterum tradita scita patrum,
Sacra, viam monstrant vitæ, monumenta beata:
Prodit ab excelso, scripta, Sione, salus.*

- 2 Ecclesia militans errare potest, &
moribus & doctrina.

*Militat omnis homo, qui Christi castra frequentat:
Militat omnis homo, qui gerit arma Dei.*

C.

Miles,

Miles, habes corpus, quod spicula nulla cruentent?

Corpus, quod fugiant vulnera, miles habes?

Sancta Sionais ecclesia fulsit in oris:

Non caruit maculis sancta caterna suis.

Pura, Corinthus, erat; celebres, viguere, Philippi;

Claruit & Christi Thessalonica fide.

Pura Corinthus, iaces; celebres cecidere Philippi;

Turca tuum minuit, Thessalonica, decus.

Tu quoque, Romuleo qua culmine celsa superbis,

Vulnere lethali sancita, Roma, ruis.

Dum colit in terris luteas ecclesia sedes,

Fallor? an errori subdita corda gerit.

3 Maior est autoritas sacrae Scri-
pturae, quam ecclesiae.

Impia turba sui flammata cupidine sceptri

Aurea Romanum tollit ad astra thronum.

Tollit ad astra? Leue est. Tollit super astra: corona,

Subiciens Domini sceptrum tremenda, sua.

Affectasse ferunt regnum caeleste Gigantes.

An noua Tartareo gurgite bella mouent?

Sancta sibi dotes ecclesia vindicet amplas.

Esto magna; licet: sed minor esto Deo.

Cedat homo, Christo; cedant humana, Iehouae:

Sponsa, viro; Domino, subita; terra, polo.



Tſi non ſim neſcius , audito-
res ornatiffimi , repre-
henſum fuiſſe à Cenſorio
Catone Romanum illum
hiſtoriæ Græcæ ſcripto-
rem , qui deprecari culpam , quàm va-
care culpa maluit : tamen ita mihi , ce-
denti dicā , an repugnanti , ſubinuito qui-
dem certè , ſed ita mihi venit uſu , vt qui
vacare culpa non potuerim , deprecari
culpam cogar neceſſariò. Nam , & infir-
mitas vocis , qua laboro , quia non implet
amplitudinem huius loci , futurum eſt
fortaſſis vt illis diſpliceat , a quibus non
audior : & immaturitas facultatis meæ ,
quæ vereor vt reſpondeat celebritati
tanti cœtus in illis explicandis quæ diſ-
ceptabuntur , incurret , vt veriſimile eſt , in
reprehenſiones eorum à quibus audior.
Quo mihi vehementius eſtis obſecran-
di , qui auditis , voce ; voluntate , qui non
auditis : vt aut Cenſores eſſe nolitis , aut
Cenſores ſitis Catone leniores ; ne vel
imprudēter feciſſe vobis videar , qui cul-
pa non vacarim , vel inuerecundè , qui cō-
mittam culpam , & ne culpetis poſtulem.
Neq; verò dubito , quin vocis infirmitas ,

C.ij.

huma-

humanitatem vestram, apud quos ago :
 facultatis immaturitas, causæ bonitatem
 quam agendam habeo, nactura sit patro-
 nam. Humanitas vestra ne me condem-
 net eius culpæ quam euitare non potui,
 non est quod extimescam. Causæ porro
 bonitas ea luce veritatis & splendore ful-
 get : vt etiam sine patrono se defensurā
 esse magnopere confidam. Ac in eo vos
 ipsos meo iudicio vestrum suffragium
 vel adscripsisse spero , vel ad scripturos
 esse : si trium quas defendo Thesiū sentē-
 tiam, perfectionē Scripturæ, infirmitatē
 ecclesiæ , authoritatē vtriusq; , q̄ potero
 breuissimè vobis aperuero. Nā, laudare
 quidem sacram Theologiā, origine cœ-
 lestem, maiestate diuinam, officio serua-
 tricem generis mortalium : institutam a
 Deo patre, reuelatam a Iesu Christo, a
 Sancto Spiritu scriptis consignatam: pro
 dignitate, vt velim, non possum: pro fa-
 cultate, vt possum, non debeo : quorum
 in altero, probatis, spero voluntatem : in
 altero, iudicium vt consulatis boni, rogo.
 Non enim, vt orator fingit de Cæsare,
 plausum idcirco minus ei datum, quòd
 ab hominib⁹ obstupefactis admiratione
 cōpressus esset: ita mihi licet simulatè di-
 cere, laudē idcirco me tacere Theologiæ,
 quòd eius admiratio, tanq̄ Solis splendor
 animi

Cic. pro Deiotar.

animi præstringat acie: sed vt Propheta *Esa. 6. 5.*
testatur de Iehoua, se, quum illius gloriã
videret, attonitum fuisse, quod esset vir
pollutus labijs, indignus qui Dei gloriã
oculis usurparet: ita mihi fas est ex animo
profiteri, me, quum verbi Dei maiestatem
reputo, stupefactum tacere, quod homo
sim pollutus labijs, impar dignitati rei tam
tæ vel attingendæ. Itaque relinquo libens
istas hederas vino philosophorum, iuris
prudentium, medicorum: quorum discipli-
nas perutiles quidem, sed vitæ perituræ:
præclaras, sed humanas, laudabiles, sed
mortales: eminentes, sed caducas: non du-
bito quin hætenus virorum præstantium in
ista quasi palæstra disputationum, doctrina
& eloquentia vobis approbarit. Ego ve-
rò, tametsi nec ingenio, nec iudicio ma-
iore, quam illi, quibus in certaminis acie
succedo: tamen in ipsius rei amplitudine,
de qua certamen instituitur, maius opus
moueo. Annibalem refert Liuius cum Ro- *Liui. lib. 21.*
manis pugnaturum, antequam instrue-
ret aciem ad prælium, in certamen com-
misisse quædam paria captiuorum: vt ex
illo quasi ludicro captiuorum conflictu
Carthaginienses ad conditionem serij cer-
taminis, & attenderent sagacius, & ala-
crius armarentur. Similiter coram vobis,
auditores optimi, commissæ sunt in certa-
men

men opiniones variæ variarum artium, quasi paria captiuorum: quæ siue viuant, siue pereant, siue sic, siue secus habeant, nō est in magno res discrimine, non sunt in eo positæ fortunæ Græciæ. Nunc ab illo ludicro quasi conflictu, committetur statim in certamen seriū exercitus cū exercitu, veritas cū mendacio, religio cū errore: in quo, siquid à recto ad prauū deflectatur, nō captiui pereunt sed Carthaginienses; non hominum opinio, sed Dei veritas periclitatur; non vita, non valetudo, non possessiones, sed hæreditas cœlestis, & æterna salus agitur. Quamobrem, adeste mihi quæso animis, & ad ea quæ dicentur patienter attendite: nec agi ludicra, vt in theatro, sed maximè seria memineritis. Atque adeò, quoniam agimus de rebus diuinis, sanctificet oro sanctus Dei Spiritus, & linguas nostras & aures vestras, & mentes omnium: vt neque nos aliò spectemus disputando, quàm vt veritatem collatione rationum in lucem producamus; neque vos aliud agatis audiendo, quàm vt veritati productæ & probatæ fidem adiungatis.

I. Thesis.

Vt igitur initium à prima Thesi faciam, & deinceps cæteras paucis perstringam: Sacra Scriptura docet ecclesiam quicquid ad salutem est necessarium.

Deus

Deus æternæ parens bonitatis & misericordiae delegit ante iacta mundi fundamenta, pro singulari sua gratia, magnam partem hominum quos æterna donaret vita, & cœlestis gloriæ faceret hæredes. Hæreditatem istam vt electi consequerentur, erant in Dei filios adoptandi per Iesum Christum : qui fuit semper solus aditus ad salutem. Quo nomine sanctus Spiritus cœtum designans electorū Dei, modò vocat ^a Dei filios, adoptione, non naturā, cohæredes tamen Christi ; modò ^b Sponsam Agni, quæ thesauris omnibus ornatur sui sponsi ; modò ^c corpus Christi, cuius quasi capitis vi regitur & mouetur ; modò ^d ciues cœlorum, destinatos incolas nouę Ierusalem ; deniq; Christus ipse, ne cætera percenseam, eos appellat ^e suam ecclesiam, aduersus quam ne portę quidē inferi præualebunt. Hanc igitur ecclesiā, cœtum electorum, filios Dei, sponsam agni, corpus Christi, ciues cœlorum, id est, ecclesiam sanctam catholicam : Deus vt elegit ad vitam sempiternam, ita suo verbo semper edocuit viam salutis, qua perduceretur ad eius vitæ possessionem. Verbum autem vitæ multis olim modis a Deo patefactum, tandem ab eo scriptis exaratum est : ex quo est effectū, vt sacra Dei scripta docerent ecclesiā ea quibus

C.iiiij. cogni-

^a Rom. 8. 16.^b Rev. 21. 9.^c Ephe. 5. 23.^d Rev. 21. 2.^e Matth. 16. 2.

2. Tim. 3. 16.

cognitis est opus ad salutē æternā consequendā. Quis enim reuelare potuit rationem cœlestis hæreditatis regni Dei cōsequendæ, nisi solus Deus? Ac Deus ecclesiæ reuelauit eā, vt primum sine scriptis, quibus modis visum est eius sapientiæ: ita scriptis deinceps, per seruos suo sancto spiritu afflatos: sine scriptis Adamo, & ab Adamo ad Moysen vsq; scriptis autē Moysi, & a Moysi ad finem sæculi. Itaque scriptis istis, dictatis a Sancto Spiritu, exceptis a seruis Dei, quę per excellentiam Apostolus ad Timotheum nominat Scripturam: via salutis, per quam ad cœlum peruenitur: lux animorū, quę præluet in mundi tenebris: pabulum vitæ quod alit fideles, vt in Christo crescant, exhibetur ecclesiæ. Quod vt liquidius elucescat, diuidamus ecclesiam in veterē & Nouam: veterem, ante Christum: Nouam, a Christo nato. Veterem ecclesiam in viā salutis erudierunt Prophetæ: Nouam erudiunt vberius & plenius cū Prophetis Apostoli. Doctrina Prophetarum & Apostolorum scripturā sacrā comprehenditur. Docet igitur ecclesiam sacra scriptura quæcunque conferunt ad salutem. Est enim ecclesia, coetus electorum. Sunt autem electi, domestici Dei. *Domestici verò Dei superstruantur*, vt scribit Paulus

Quicquid ad salutem est necessarium.

41

1. Thesis.

Paulus ad Ephesios, *super fundamentū Apostolorū ac Prophetarū, cuius imus lapis anguli, est ipse Iesus Christus.* At istud fundamentū Apostolorū ac prophetarum, est doctrina de Christo, quam prædicarunt ecclesiæ. Ea porro doctrina quā ipsi prædicarunt, scripturæ sacræ cōmissa est. Ergo sacra scriptura docet ecclesiam quicquid ad salutē vtile est cognitu. Moses, vt a primo Prophetarū ordiar, postquā dei legē promulgasset Israël: *Attende, inquit, Israël ad statuta quæ doceo. Non addetis ad illud verbū, quod ego vobis precipio, nec detrahētis de eo: sed quicquid ego precipio, id facietis obseruāter, vt seruetis precepta Iehovæ Dei vestri.* Iam elaborandum fuit Israëlī vt sēpiterna salute potiretur. Atqui nihil ei fuit faciendū, quod non esset lege dei præscriptū. Ergo scripta lege dei tradebatur quicquid ad salutē Israëlīs opus esset. Israëlēm autem ecclesiā fuisse non est controuersū. Lex igitur docebat, quicquid opus esset ad salutem ecclesiæ. Prophete, qui sequebātur, erant legis interpretes: vt quēadmodum eodem afflabantur spiritu, quo scribebat Moses, ita legi Moses nihil adjicerēt, nihil detraherent: tantū ad ecclesiā edificandā, pro eo ac spiritui sancto videbatur, eā explicarent. Dauidē prætereo, cuius singuli penē

Ephe. 2. 20.

Deut. 4. 2. & 12. 32.

Psal. 119. & 119. potiss.

C.v.

Psalmi,

Jerem. 19. 5.

Mal. 3. 22.
edit Tyem.

Ioh. 20. 31.

Psalmi, singula sūt testimonia *perfectiōis Legis*. Esaias examinat religionē & vitā, sacerdotum & populi, *ad legem & testimonium*. In Ieremia Dominus condemnat Baalistas, quòd ea faciant in sacrificijs, *quæ nunquam præcepit*. Apud Malachiam vltimum Prophetarū, Iehoua iubet suos *recordari legem Moſis*, vt eo pædago- go deducantur ad Christum quem præ- curret Elias. At ista nec a Deo, nec a ser- uis Dei potuissent dici : nisi lex Moſis integram salutis viā monſtrauiſſet. Pro- inde lex Moſis salutis viam integram monſtrauit eccleſiæ. Quòd ſi lex Moſis id effecit ſola: quanto magis Moſes, & omnes Prophete? Quis ergo dubitet ve- terem eccleſiam salutis viam integram e Scripturis edoctam eſſe? Iohannes, vt veniam à Prophetis ad Apoſtolos, poſt- quam exortus erat Sol iuſtitix, non vt aboleret ſed vt impleret legem, & clari- ore luce mundum illuſtraret : quo modo Seruator noſter Ieſus Chriſtus, fungens officio ſummi prophetæ, Sacerdotis, Re- gis, docendo, moriendo, reſurgendo, ſa- lutem hominum diuinitus conſummâ- rit, narrat in Euangelio. Salus igitur in Chriſto noſtra conſummâta eſt : ſed an ea ſcriptis à Iohanne tota tradita eſt? Au- diamus ipſum. *Hæc, inquit, ſcripta ſunt, vt*
cre-

credatis Iesum esse Christum illum, filium Dei: & ut credentes vitam habeatis per nomen eius. Quibus verbis Iohannes describit Euangelij summam atque finē: summam, ut credamus Iesum esse Christum, Christum illum, id est summum sacerdotem, Prophetam, regem, seruatores hominum: finem, ut credentes in Christū illum Dei filium, vitam, quę sola verē vita dicenda est, id est, æternam vitā per eum habeamus. Quę cum ita sint, ut ipse docet Euangelista: negari non potest quin ea, quę scripta sunt in Euangelio, nobis sufficiant ad vitę viam & vitam. Quantum ergo satis est ad fidem & salutem: tantum est scriptum in Euangelio. Quod nisi satis essent ad fidem & salutem ea quę sunt scripta: *fuerunt plura,* *Ioh. 21, 25.* quę potuissent scribi, *quanta ne mundus quidē capere potuisset.* At ista prætermisit Spiritus diuinus, quod illa satisfacerent eius consilio. Continetur itaque Iohannis euangelio, quantum est satis ad fidem & salutem. Porro, si Iohannes vnus habet satis: quā abunde consuluit Christus ecclesię, ut Dominus benignissimus suę familię, cui dedit tot Apostolos & Euangelistas testes & interpretes eiusdem doctrinę? Quamobrem Scriptura non solum docet ecclesiam, sed etiam

etiā abunde & cumulatè docet quæcūque conferunt ad salutem. Nam etsi substantia fidei Christianæ simplex est & vna, qua Dei famulitiū tanquam cibo pascitur ad vitam æternam: tamen, vt variæ famulorum sunt ætates, & ætatum variarum variæ conditiones: ; sic istius cibi diuidendi singulis & quasi condiendi, multiplicè oportuit esse rationem. Cuius vt expressam haberemus efficaciam ipsius Christi spiritu in verbo vitæ traditam ad pastum fidelium: idcirco dedit varios tanquam artifices, id est Scriptores suæ fidei, vt quamuis omnes idem alimentū traderent, non eodē tamen omnes appararent modo. Quo fit, vt scriptorū sacrosanctę fidei, & simplex varietas incredibile voluptatem pio ferat palato; & multiplex cōmoditas alimentum salubre cuiusq; stomacho ministret: & aperta simplicitas, in fundamētis fidei, facilitatē eius probet etiā fastidiosis: & recondita sapientia in arcanis scripturæ cūm exerceat firmissimos, tū auidissimis satisfaciat: & vt verbo cōplectar, quod nullis verbis potest exprimi, infinite dotes, infinitos fructus ad assequendam beatitudinē infinitam & immensā, fidelibus impertiantur. Quocirca, ecclesiā doceri ē scripturis, ab vniuersis vnā sancti spiritus ministris, que-

quęcunque conferunt ad salutem, ita clarum & certum est: vt id qui nesciat, imperitus; qui non agnoscat, improbus: qui dissimulet, ingratus: qui neget, plus quàm impius iure sit habendus. Quid enim tandē esse potest aut luce illustrius, aut pondere grauius, aut solidius firmitate, aut veritate certius: quàm illud axiōma, quod Paulus Apostolus, non vt Moses de lege, non vt Iohannes de Euangelio, sed de scriptura tota tradit Timotheo: *Tota scriptura diuinitus est inspirata, & utilis ad doctrinā, ad redargutionem, ad correctionē, ad institutionē quę est in iustitia: vt perfectus sit homo Dei, ad omne bonū opus perfecte consummatus.* Ita scriptura, si quęras authoritatem, diuinitus est inspirata: si spectes vsum, docet, redarguit, corrigit, instituit: si finem consideres, vt perfectus sit homo Dei. Officium nostrū, in Christo Iesu, est fides operans per charitatē. Fides complectitur sanam doctrinā: charitas requirit religiosam vitam. Doctrinę sanitas seruatur, si doceantur vera, falsa refellantur: vitę pietas retinetur, si declinentur mala, bonis studeatur. At verò, scriptura, docet veritatem: redarguit errorem: corrigit iniquitatem: instituit ad iustitiam: vt ex Apostoli verbis manifestum

2. Tim. 3. 16.

Gal. 5. 6.

tum est. Tradit igitur vniuersum hominis officium in Christo Iesu : hoc est, vt ego arbitror, quantum sufficit ad salutē. Nec enim illa præstat tantum vtiliter, vt quidam cauillantur: sed etiam sufficienter, vt homo sit perfectus. Immò verò, quod maius est, vt perfectus sit homo Dei, id est interpret Domini, minister verbi, doctor ecclesiæ, pastor gregis, Timotheus ipse: multo magis grex fidelium, in quo minor requiritur sapientiæ perfectio. Quanquam ne eo quidem sibi satisfaciens Apostolus quod dixisset, vt perfectus sit homo Dei: attexit, ad inculcandam absolutissimam Scripturæ plenitudinem, tot argumentis, quot verbis; vt perfectus sit homo Dei, ad omne bonum opus perfectè consummatus. Ex quibus est consequens; nihil esse prorsus quod desideretur vel ad fidei sanitatem, vel ad vitæ pietatē, id est ad hominis perfectionē, & sempiternæ salutis viam: quod inspirata diuinitus scriptura non doceat fideles seruos Iesu Christi. Visum est igitur spiritui sancto, cuius ego sententiam, vt debeo, defendo: sacram scripturam docere ecclesiam quicquid ad salutem est necessarium. Iam si quis fortasse requirat Patrum testimonia, quanquam quid opus est cum audieritis patrem pa-

patrum? veruntamen si quis aueat audire iudicium discipulorum post magistrum, audiet iudicium non huius aut illius de quo posset dubitari, sed ecclesie totius & sanctorum omnium. Quorum concordie & unanimi consensu libri scripturae dicti sunt canonici, à canone, id est norma: quia religionis, fidei, pietatis, normam & regulam, cui conformanda sit structura domus Dei, continent amplissimam. Quam de Scripturae canone sententiam, ab ipso ^a Andræ Triden-
tinæ fidei patrono comprobata, ita placuisse clarissimis ecclesie luminibus videmus: ut ^b Augustinus affirmet, *omnia*
que continent fidem & mores in illis inueniri, que sunt, non dico posita, sed a parte posita in scriptura: ^c Chrysostomus sententiam ferat non dissimilem, *nihil non esse clarum & euidentis e diuinis scripturis; quacunque necessaria sunt, esse manifesta:* ^d Tertullianus se dicat adorare scripturae plenitudinem, & ^e vadenūtiēt Hermogeni siquid ijs que scripta sunt vel detrahat vel adijciat: ^e Hieronymus, in controuersia quam habuit cū Heluidio, rationem vtrinque texat, *Credimus quia legimus, non credimus quia non legimus:* ^f Cyrillus admoneat, ea de Christi factis esse scripta, que scribentes sufficere putarunt ad mores & dogmata: ^g Basili-

^a Defens. fid. Trid. den. lib. 3.

^b De doctr. fid. chr. l. 2. c. 9.

^c In 2. ad Thesalon. hom. 3.

^d Contra Hermogen.

^e Cont. Heluid.

^f In euan. Ioh. lib. 12, ca. 68.

^g Serm. de Fid.

Basil. de sanct.
Spir. ca. 29.
Epip. cont. har.
l. 2. To. 1. hæ. 61.

a 1. Cor. 11. 2.

b 1. Cor. 15. 2.

2 Thes. 2.

us pronuntiet esse manifestam defectionem a fide, vel improbare quicquam eorum quæ scripta sunt, vel importare quicquam eorum quæ scripta non sunt: deniq; patres omnes, (nisi quū aliquid humanitus sunt passi) consentiant vnâ mente, & vnâ voce concinant, omnia quæ credenda & facienda præscripsit Deus, ea Dei verbo scripto cōprehendi. Nā, quòd ex illis aliquando, quidam vt idem Basilus & Epiphanius, quū omnē mouēt lapidē aduersus hereticos, non nulla Traditionibus contineri volūt, quibus ex ipsius iudicio scripture nō minor adhibēda sit fides, quā scripture: censurā mihi non assumo, sed ecclesie sit iudiciū, an Basilus & Epiphanius satis diligenter obseruarint & expenderint sententias Apostoli, quibus cōmoti haud scio an induerint hanc opinionē, asserere certē student. Etenim Epiphanius nititur illis Pauli verbis ad Corinthios *a sic tradidi vobis: & Sic tradidi in ecclesijs: & b Si retinetis, nisi frustra credidistis*. Basilus autē esse apostolicū, etiam non scriptis traditionibus inherere, colligit ē verbis ad Theffalonicenses *Tenete traditiones quas edocti estis, siue per sermonē, siue per epistolā nostrā*. Quòd si Paulus vtrobique, traditionū nomine significet doctrinā, viuā quidem voce traditā, sed & scripturā tamen com-

cōprehensā: negari non poterit, quin errore sint lapsi, qui traditiones nō scriptas approbari Pauli traditionibus sunt arbitrati. Verum autem est antecedens, Verū igitur & cōsequens. Nam Paulus ad Corinthios interpres est sui: cū & ipse scribat eorū summā quę tradiderat, & dā Domino quę tradidit accepisse moneat, & ea sunt scripta quę accepit à domino, & expresse doceat, se Corinthijs tradidisse, quod & acceperat, secundū scripturas, nempe Christum esse mortuum pro peccatis nostris, secundum scripturas, & sepultum fuisse, & excitatum die tertio, secundum scripturas. Ad Thessalonicenses verò, quæ sint ea quæ per sermonem tradita commemorat: habemus explicatum in Actis Apostolorū, vbi scribit Lucas, Paulum quum venisset Thessalonicam exposuisse Iudeis, ex scripturis, oportuisse Christum pati ac resurgere a mortuis, & illum Christum esse Iesum quem ego vobis annuntio. Quibus verbis aperitur, & quid & vnde Paulus Thessalonicensibus tradiderit per sermonem: Vnde? ex scripturis: Quid? oportuisse Christum pati ac resurgere, & Iesum esse Christum illum. Hęc est ergo traditio Evangelij, vt ab Ambrosio rectissimè nominatur, quā Thessalonicenses tenere iubet Paulus: quod

D.

cuincis

^c 1. Cor. 1. 23. &
¹ 1. 3. & 10. 31.
^d & 11. 23. & 14
⁴⁰. & reliq.
^{epist.}
^d 1. Cor. 11. 23.
^e Luc. 22. 19.
^f 1. Cor. 15. 3.

Act. 17. 2.

Ambr. in 2. ad
Thes. cap. 2.

1. Thes. 2.

2. Thes. 2.
ver. 14.

vers. 15.

Iren. adu. her.
lib. 3. c. 2.

Concil. Trid.
Sess. 4. Decr. 1.

50

Sacra Scriptura docet ecclesiam,

euincit ipsa ratio, quam notat Ambrosius, quam Paulus ibi colligit: *a Vocauit vos Deus ad salutem obtinendam per nostrum Euangelium, b Ergo state, & tenete traditiones, quas edocti estis siue per sermonem siue per epistolam nostram*: quasi diceret, Ergo state firmi in euangelio, quod partim viua voce, partim scripto vobis tradidi. Ita Pauli traditiones sunt traditum euangelium. Et euangelium, spero, scriptum est. Traditiones itaque Pauli sunt scriptae. Traditionibus autem Pauli per sermonem & epistolam continebatur salus Thessalonicensium. Ergo scriptura docet ecclesiam quantum ad salutem est necessarium. Faceffant igitur schola Christi, Valentiniani, Marcionite, Gnostici: quos refert Irenaeus negasse, veritatem esse sacris scripturis inueniri posse ab ijs qui nesciant traditionem. Faceffant Iudaei, qui Rabbino-
rum Cabalam: faceffant Montaniste, qui nouum Paracletum, faceffant Enthusiastae, qui visiones suas, faceffant Tridentini Patres & Papiste, qui traditiones praeter scripturam, ad salutem necessarias esse falso autumant. Salus nostra, Christus est: salutis via, fides: vitae dux, scriptura: cuius lumine diriguntur gressus, cuius pabulo nutriuntur animi, cuius antidoto profligantur morbi, cuius gladio iugulatur hostes

stes, cuius pharmaco sanantur vulnera, cui⁹ ductu deniq; eterna salus obtinetur.

Sequitur, vt doceā quod secundò queritur, Ecclesiam militantem errare posse, cum moribus tum doctrina. Errare posse moribus contra Catharos, qui singularem sibi puritatem arrogantes, *negabant lapsis penitentiam*. Errare posse doctrina, contra

August. de haeres. ad Quodvult de. cap. 38.

Papistas: qui suis erroribus obtendunt hanc Medusā, vt nos in lapides conuertant, *Ecclesia errare non potest*. Hic, vt explicatius euoluatur veritas, distinguēdū

Catechism. Concil. Trid. in ecpos. Symb.

est nobis nomen ecclesie. Nam, vt Thrasylaus homo phreneticus apud Athenensium, quascunq; videbat naues in Athenensem portum appellentes, suas esse putabat, earumq; merces in tabulas referebat, & magno venientes excipiebat gaudio: ita phrenetici quidā Romanistæ, vbi

Athen. dipnos. lib. 12.

cunq; vident in sacris scripturis ecclesiā nominari, suā esse arbitrātur: eiusq; dotes in libros referūt, & opes alienas venditāt pro suis, clamātes, Portę inferi non preualebūt aduersus eam. Sed vt istos phreneticos amoueamus à portu, & singulis mercatoribus suas naues vindicemus, & ecclesiā in ecclesie possessione ponamus: ecclesiā nomē habet Gręcis ab euocādo sonās quasi dicas cōtū euocatū: vt ecclesia Iesu Christi significet cōtū hominum e

Albert. Pigh. in eccle. hier. Bristo. in Mos. & Quäst.

Matt. 20, 16.

grege reliquorum mortalium euocatum ad vitam æternam per fidem in Christo Iesu. Sed eorum qui vocantur è vulgi quasi sordibus ad istam dignitatem, dispar est ratio. Nam alij vocantur efficaciter & veniunt: alij vocati non parent vocationi. Qui sunt electi, vocantur & veniunt: qui vocati non veniunt, non sunt electi: de utrisque est illud Christi. *Multi vocati, pauci electi.* Multi vocati, nominantur ecclesia, sed ecclesia, (docendi gratia) visibilis: quoniam coetus hominum, qui vocatur ad fidem christi, qui studium eternæ vitæ profitetur, videmus. Pauci electi, dicuntur etiam ecclesia, sed invisibilis ecclesia: non quod electos nequaquam videamus, sed quod oculis non dignoscamus qui sint electi: Solus Dominus novit qui sint sui. Huius autem ecclesiæ quam appellamus invisibilem, pars est adepta gloriam cœlestem, pars nondum adepta versatur in terris. Illa quæ migravit in gaudium sui Domini, vocari consuevit ecclesia triumphans. Ista quæ victoriâ in castris expectat, vulgo nominatur ecclesia militans. Sed ut in castris humanæ militiæ, fit aut cupiditate aut metu, aut gratia. ut cum militibus fidelibus commisceantur infidi, partim in prælium nunquam venturi, partim ad hostes transfugæ futuri, partim inter milites

lites seditionem moturi, partim ipsum fortasse ducē per scelus inuasuri: ita militans ecclesia, quę tantum fideles habet Christi milites, ut opponitur triumphanti, tamen dum in castris militiæ versatur, cōmiscetur cum infidis; qui se quoque milites Christi profitentur, sed nomen habent militum, animos hostium; quales erant illi, de quibus Bernardus, *Bern. in Cant. Sermon. 33.*
Ministri Christi sunt & seruiunt Anti-christo. Quandoquidem igitur eius est solius discernere fideles milites ab infidis, qui separabit tādē oues ab hoedis: nos ex sacramēto militiæ, quo tenetur, militem æstimantes, eam appellamus ecclesiam militantem, quę dedit nomen militiæ Christi; cuius pars fideliter gerit bellum Christi, pars sub Christi nomine gerit bellū Satane. Atq; ad istā ecclesiam militātem accommodo quod proposui: Ecclesiam militantem errare posse & moribus & doctrinā. Solius quidem Dei proprium est naturā, sanctum & veracem & perfectum esse, ab erroribus immunem: ut homo vicissim naturaliter est impurus, mendax, imperfectus, erroribus subiectissimus. *Rom. 3.4. Mar. 10.18.* Nam *omnis homo mendax:* solus Deus verax: & *nemo bonus nisi Deus*: malus igitur qui merus homo est. Ceterum ex gratia largitur
D. iij. Deus

Deus homini sanctimonie, veritatis, perfectionis donum : quasi radium è Sole, penetrantem in ædes luteas, ad lucem & calorem nobis impertiendū. Veruntamen iste radius, etsi quò magis ac magis sol iustitiæ nobis in singulos dies eleuatur, eò præbet ampliorem & lucem & calorem : tamen non prius plena luce veritatis & calore sanctimonie nos irradiabit, quàm è nostris ædibus luteis erepti, in apertū cœlum ad deū migrauerimus. Ecclesia militans habet solis radios, sed tanquam in ædibus, non aperto cœlo: quandoq; tenebris obfuscatur, quādoq; frigore languefcit. Ecclesia triumphans habet solē ipsum, non in ædibus, sed sub dio: non in solo, sed in cœlo: nec vllæ tenebræ lucē opprimunt, nec vlla frigora calorem minuunt. Fit ergo propriū ecclesiæ triumphantis omni vacare næuo & macula: sicut verbis sponsi significatur sponsæ in Cantico Canticorum, quū eam sic affatur: *Tota pulchra amica mea, & nullo vitio in te existente, mecum inde a Libano, o sponsa mecum inde à Libano venies.* Quum igitur Ecclesia ab omnium errorum labe liberata perfectionem summam consequuta fuerit, ad quā in ista vitā sensim expolitur: tum ex huius mundi Libano vindicata, beatis illis nuptiis coniungetur
spon-

Cant. 4. 7.

sponso, & æterna gloria cū Deo perfruē-
tur. At hanc perfectionē non adipiscitur
dū in terris militat. Ergo militās ecclesia
non est ab omni labe vitiorū libera. Quū
erit gloriosa, tum erit *ecclesia non habens*
maculam aut rugam, vt scribit Paulus ad *Ephē. 5. 27.*
Ephesios. Quare, quia gloriam in ista
vita polliceri, est canere triumphum
ante victoriam: consequens est, eccle-
siam quā diu militabit, tantisper habi-
turam maculam & rugam. Verū e-
nimverò, quia militans Ecclesia per-
mistos habet milites, infidos fidelibus,
quorum, vt dissimilium dissimilis est ra-
tio: idcirco, vt ecclesiæ membra sunt
distinguenda, sic etiā distinguenda sunt
errorum genera, quò melius intelliga-
tur, quibus erroribus quam ecclesiæ par-
tem obnoxiam esse dicam. Est igitur er-
rare, defletere de via, quam in verbo
vitæ sacræ scripturâ, præscripsit nobis de-
us. Quæ via, quia continet doctrinæ pu-
ritatem & pietatem morū, vt antè decla-
raui: ex eo cōsequitur eos qui labuntur
aut moribus, aut doctrina, errare à via. Er-
ratur ergo moribus quū malum cōmitti-
tur: erratur doctrina, quū falsum iudica-
tur. Horū autem errorū quibus animus
inficitur, eadē est ratio ad vitam æternā,
quæ morborū corporis ad vitā caducam.

D. iij.

Vt

Vt itaque morbi corporis, alij sunt sanabiles, qui vitam non eripiunt, alij sunt mortiferi, qui certam afferunt perniciem: sic errores animi, alij sunt sanabiles, qui nos salute non spoliant: alij mortiferi, qui sempiternam important pestem. In ecclesia militante, qui sunt electi, possunt errare cum moribus, tum doctrinâ: sed errore sanabili: mortifero non possunt. Qui verò sunt vocati tantum, non electi: possunt errare cum moribus, tum doctrinâ: & errore mortifero, qui non sanabitur in æternum. Electos errare posse moribus & doctrinâ, patet ex Apostolis: qui moribus errarunt quum reliquerunt Christum ab apostata Iuda proditum: errarunt doctrinâ, quando regnum Christi, non cœleste, sed mundanum: non futurum, sed præsens, non cunctis gentibus, sed Israël soli, promissum esse iudicarunt. Quin etiam post acceptum cumulatius & vberius e cœlo sanctum spiritum: Petrus nō recto incessit pede ad veritatem Evangelij: Iohannes Angelum semel & iterum adorandum sibi censuit: Apostoli & fratres, qui fuerunt in Iudæa, non putarunt fidem Christi gentibus promulgandam. Sed isti tamen omnes Apostolorum errores fuerunt sanabiles.

Nam

Matt. 26. 56.

Act. 1. 6.

Gal. 2. 14.

Rom. 19. 10. &
22. 8.

Act. 11. 2.

Nam & reuerſi ſunt ad Chriſtum, poſtquam à mortuis ad vitam reſurrexit; & naturam regni Dei cū agnouerunt ipſi, tū alios docuerunt; & Petrus a Paulo reprehenſus ei ceſſit; & Iohannes angeli monitis acquieuit; & apoſtoli ac fratres veritatem edoſti, letati ſunt ſalutem gentibus eſſe datam. In quo videmus illud præſtitum, quod à Chriſto promiſſum eſt, quum diceret Petro, poſt factam *Matth. 16. 18.* illam nobilem confeſſionem fidei: *Tu es Petrus, & ſuper hanc Petram ædificabo eccleſiam meam, & porta inferi non præualebunt aduerſus eā.* Porte inferi non præualebunt aduerſus eccleſiā: nō præualebūt. Valebunt igitur: ſed non præualebunt. Nā electi poſſūt cadere, ſed excidere nō poſſunt. Fortaſſe ſtipulas ædificant: ſed ædificant in fundamento. Fundamentum eſt Ieſus Chriſtus, à quo nunquam auellentur. Vt ergo Fabius apud Liuium. *Ins* *Liui. 46. 22.* *à veritate ſæpe laborare, nunquam extingui:* Similiter eſt verum, amicos iuris & veritatis ſæpe laceſſi, nunquam expugnari. *a* Errare poſſunt oues Chriſti in deſerto: *a* *Luc. 15. 14.* *b* perire non poſſunt. *c* Potest filius prodigus à patre diſcedere: ſed reuertetur. *b* *Ioh. 10. 28.* *c* *Luc. 15. 12.* Ipſius *d* Petri fides deliquium velut animi paſſa eſt: ſed non defecit. *d* *Luc. 22. 32.* Erat auerſus ad tempus a Domino, quem & abnegauit:

Psal. 129. 1.

Cant. 1. 5.

*16. vers. 15. &
vers. 8.*

*Bern. in Cant.
Cant. Ser. 38.*

*Iob. 14. & 15.
& 16.*

gavit: sed iterum conuersus est. Denique, fideles a multis & magnis hostibus premuntur: sed opprimuntur nunquam. *Sape me oppugnaverunt a iuuentute mea, dicat nunc Israël: sape me oppugnaverunt a iuuentute mea, sed non preualuerunt mihi.* Constat igitur electos, etsi Dei filios adoptione factos, errori nihilominus tamē esse subditos: sed ita rursus errori subditos, ut ab erroris reatu sint per Christum liberi, Deoque placeant ut sancti, quia coeperint sanctificari. *Nigra sum, o filia Ierusalem, inquit Sponsa, sed tamen formosa: ut tabernacula Kedarenorum, sed ut aulaa Salomonis.* Atque adeo a Sponso vocatur *Sponsa pulchra*; immo verò pulcherrima, sed *pulcherrima mulierum*: non simpliciter pulcherrima, ut scitè notat Bernardus, sed collata cum mulieribus, sed præ terrenis creaturis. Quo discat ecclesia, ne nimis efferatur, se, dum in corporis viuit tabernaculo citra perfectionem pulchritudinis adhuc proficere: ac proinde *non esse pulchram omnimodo*, ut Bernardi verbis utar, *et si laudem habeat pulchritudinis ex eo, quod ambulet secundum Spiritum, non secundum carnem.* Cæterum, obijciat hîc fortasse quispiam, (id quod a pontificijs ad nauseam agitur) Spiritum

tum sanctum electis esse datum ex promisso Christi: spiritum autem sanctum esse spiritum sanctitatis atque veritatis: ut ex eo consequens esse videatur, electos nec doctrina nec moribus errare posse. Quod si quis obiecerit, is habeat responsum, Spiritum Sanctum immensitate suæ gratiæ solum Christum impleuisse, ex cuius plenitudine omnes accipimus: electis quidem cum a Christo datum esse, sed *ad mensuram*, ut ita loquar cum Iohanne; non, ut errare prorsus non possint, sed ut errare non possint ad mortem. Etenim, ut axioma philosophorum utar, quod & experientia docet idiōtas: quicquid ab aliquo recipitur, recipitur pro modo recipientis. Recipimus itaq; dona Sancti spiritus, non pro maiestate spiritus diuini, sed pro humanæ infirmitatis modulo. Satis est aquæ in mari Oceano ad totius urbis incendiū reslinguendū: at exiguo vasculo nō potest satis recipi ad vnius domus flammās sedandas. Filij Adam, sunt incendiarij, ut loquitur Propheta: ardent & vrunt. *Psal. 57. 5.* Tametsi renascantur ex aqua & Spiritu: tamen aqua Spiritus non extinguit penitus omnes prauitatū scintillas & errorū. Nam, a & in pijs remanet *lucta spiritus* *Rom. 7. 23.* & *carnis*; & carnis reliquiæ in corde ac
mento

b 1. Cor. 13. 12.

c 2. Cor. 12. 9.

d Ier. 17. 14.

e Phil. 3. 12.

f Iac. 3. 2.

g Iob. 13. 10.

Iob. 16. 13.

Act. 20.

a ver. 27.

b vñs. 30.

2. Cor. 12. 9.

mente resident: ^b & ex parte scimus quam-
 diu viuimus: ^c & Dei potentia in infirmita-
 te perficitur: ^d & orat Ieremias, *Sana me*
Iehona, & sanabor: ^e & agnoscit Paulus
se contendere ad metam, nondum perfectum
esse: ^f & ait Iacobus generatim de fide-
 libus, *In multis omnes labimur*: & ^g attestan-
 te Christo, *qui lotus est, habet opus ut pedes*
lauentur. Quamuis igitur à Sancto Spiri-
 tu renouentur electi: tamen non ita pu-
 rificantur dum viuunt, ab omni cordis
 prauitate & cæcitate mentis, vt nec de-
 flectere ab officio, nec iudicio labi pos-
 sint. Nam Sanctus quidem Spiritus eos
 deducit, vt promisit Christus, *in omnem*
veritatem, addo etiam sanctitatem: sed
 ita, vt Apostolus Paulus Ephesijs ^a *om-*
ne consilium Dei profiteatur *se reuelauisse*.
 At omne consilium Dei reuelauit, non
 simpliciter, ^b sed *quatenus illis conducebat*.
 Sanctus ergo Spiritus illuminat & sancti-
 ficat animos electorum, quatenus ipso-
 rum expedit saluti. Expedit autem no-
 bis vt in quibusdam erremus: quò soli
 Deo summam tribuamus gloriam: quò
 noscentes nos ipsos alta ne sapiamus:
 quò doceamur alter alterius ferre onera:
 quo salutem quisque suam conficiamus
 cum timore: quò discamus cum Paulo
 sufficere nobis Dei gratiam, vt fiduciam
 acuamus,

acuamus, pietatem excitemus, oremus ex animo, Adauge fidem, Remitte debita: quò demum vniuersum vitæ nostræ stadium constantius decurramus. Quæ cum ita sese habeant, est concludendum, deduci pios a Sancto Spiritu in omne verum & rectum, eousque vt seruentur: at in hanc salutē eos ita duci, vt interim omni ruga & macula non vacent, vel morū, vel doctrinæ. In quo magnopere sunt lapsi, non sine turpi macula, quantum attinet ad mores, Sebastianus Castellio, cuius inter hereses legitur, *à renatis perfecte præstari posse legem Dei*: quod cuiquam tribuere nisi Christo, blasphemum est: quantum attinet ad doctrinam. Cardinalis Hosius, qui nugatur contra Brentium, *electos singulos errare posse*, vt Cypriani docet exemplo: *sed fideles omnes in unū congregatos errare non posse*: quod est ideam somniare, quæ nusquam sit in rerum natura. Est ergo certissimum, electos errare posse cum moribus tum doctrina: tametsi non errore lethali, sed salutari: sic vt ab erroribus suis sanentur. Eos autem qui vocati sunt tantum, non electi, posse errare cum moribus tum doctrinâ, etiam ad mortem: moribus, patet exemplo Iudæ proditoris, quem avaritia commouit ad flagitium: doctrinâ, planum faciunt

*Cast. de perfect.
obed. leg. Dei.*

*Hos. contr. Bren.
l. 3.*

Mat. 26. 15.

1. Iob. 2. 19.

• Ad Gal. 1.

• 1. Cor. 15.

• Rev. 2.

• Rev. 3.

Rev. 1. 12.

1. Tim. 3. 15.

Rev. 2. 5.

faciunt hæreticorum illa monstra, de quibus Iohannes, *E nobis exierunt, sed non errant ex nobis.* Quare, quoniam & electi & vocati errare possunt, electi, ad examen; vocati, ad exitium: ecclesia verò militans consistit vniuersa ex electis & vocatis: confectum est igitur quod institui probare, ecclesiam militantem errare posse non modò moribus, sed etiam doctrina. Cuius rei documēto si quis exempla desideret: habet ecclesias ^a Galatiæ, ^b Corinthi, ^c Pergami, Thyatirorum, ^d Sardiū, Laodiceę. Quas omnes, vt taceā exempla nostri tēporis, habemus in scriptura traditū, errasse, aliās moribus, aliās doctrina. Quid, quòd ecclesiam ipsam Ephesinam, quā Christus adumbravit Iohanni *candelabro*, quòd sustineret lucem vitæ, in qua Timotheus versabatur, quū Paulus ad eum scriberet *ecclesiam esse columnam & firmamentum veritatis*: tamē non solū fulgore & firmitate defecisse legimus, omisā prima charitate, verū etiam propterea minatum ei Christum *se candelabrum eius ē loco suo moturum, nisi resipuerit.* Non resipuit Ephesus, sed a malo sensim declinavit ad peius: & errorem cumulavit nouis erroribus morū & doctrinæ. Propterea mouit Christus eius candelabrum ē loco suo: electos ad se

se collegit, qui lucebant luce fidei, vocatos, qui lucem oderant, permisit tenebris & umbræ mortis; pios, columnas fecit in templo Dei sui; hypocritas, templi sordes, impiorum addixit cœtui; & urbem Ephesinam reliquit impio Mahometi. Potest autem cuius, ut aiunt, accidere, quod cuiquam potest. Potest itaque cuius ecclesiæ contingere, quod contingit Ephesinæ. At verò Ephesina, primò quassata est, deinde prorsus diruta; & esse desijt ecclesia, spoliata luce Christi. Nulla est igitur in terris ecclesia, quā tūcunq; sibi blandiatur titulis columnæ veritatis & candelabri Christi: cuius corpus, id est electos, non possit occupare languor & obscuritas; cuius fæces, id est hypocritas, non possit absumere putredo & interitus; cuius vniuersa deniq; cōpagēs non possit amittere firmitatem & fulgorē. Non ignoro responderi ab administris Pape, greges ecclesiæ militātis errare posse: pastores, quorū cœtui nomen ecclesiæ tribuitur a Christo, quū ait, *Dic ecclesiæ, errare nō posse.* Quod falsū est & ineptū. Quemadmodū enim greges ecclesiarū cōstant ex ouibus & hœdis: ita pastores ecclesiarum, teste Christo, *partim boni sunt, partim mercenarij, partim latrones.* Boni dormitant aliquādo, ut apostoli.

Matth. 18. 17.

Iob. 10. 1. 2. 12.

Mer-

Bern. in Cant.
Cant. Ser. 33.

1. Cor. 3. 10.

2. Pet. 2. 1.

^a Euseb. hist. eccl. l. 7. c. 22.

^b Theodoret. hist. eccl. l. 1. c. 2.

^c Socr. hist. eccl. l. 7. c. 29. & 32.

^d Theodoret. hist. eccl. l. 2. c. 16.

^e Hieron. dial. contr. Lucif. c. 7.

Mercenarij fugiunt, quamprimum venit lupus. Latrones in ecclesiam Dei grassantur. Nullus igitur est pastorum qui non aut leuius errare possit aut periculosus. Et quidem Pastores errare posse moribus, quid opus est docere ex prophetis & Apostolis? Recens est illa, atque utinam non nimis recens Bernardi querimonia: *Serpit hodie putida tabes per omne corpus ecclesie.* Quæ verba cum usurpet Bernardus de moribus præpositorum, id est episcoporum & pastorum ecclesiæ: non quivis morbus, sed tabes: nec ea levis, sed putida: & serpens latius, non consistens: potest inficere non modo quædam membra, sed etiam totum corpus episcoporum & pastorum. Errare verò posse pastores doctrinâ, docent pastores illi Corinthij, qui *ligna, fœnum, stipulam superstruxere fundamento*, quod Paulus posuerat: docent, quos Petrus vaticinatur *fore falsos doctores in nova ecclesia, ut in veteri pseudopphetas*: docent ^a Samosatenus, ^b Arius, ^c Nestorius, ecclesiarum illustrium pastores, faces hæresium teterrimarum: docent Episcopi totius orbis terrarum, qui fuerunt omnes propemodum Ariani, ^d quum pauci vix Catholici relinquerentur, ^e quum *ingessit totus orbis & Arianum se esse miratus est.*

est. At excipient Papistæ, se, quum ecclesiam errare posse negant, ecclesiam intelligere, quam repræsentatiuam appellant Scholastici: id est, ecclesiæ præfectos & episcopos repræsentantes ecclesiam vniuersam in Concilio generali. Quid igitur? An ea demum ecclesia, Concilium dico generale, errare non potest? Affirmant id quidem. Sed quid tandem dicent de tot Concilijs Ariano-
 rum? quibus est factum, vt Gregorius *Greg. Naz. in epist. ad Procop.* Nazianzenus desperaret quicquam boni concilij effectum iri. At ista Concilia legitima fuisse negant. Quid ergo respondebunt ad ea quæ legitima fuisse confitentur? Concilium ^a Laodicenum ^a Can. 59. approbatum a sexto generali Concilio ^b Constantinopolitano, statuit eundem ^b In Trull. Can. 6. Canonem Scripturarum, quem & ecclesia vetus habuit, & nos retinemus. Concilium ^c Carthaginense tertium, cui sub- ^c Can. 47. scribit Concilium ^d Tridentinum, adiecit ^d Sess. 4. Decr. 28. Machabæos librosque cæteros apocryphos ad Canonem veteris ecclesiæ. Concilium ^e Nicænum præscripsit suos limi- ^e Can. 7. tes, non minus autoritate Romani episcopi, quàm patriarcharum reliquorum. Concilium ^f Lateranense Romanæ ec- ^f Capit. 5. apud Innocent. 3. clesiæ super omnes alias, ordinariæ potestatis tribuit principatum. Concilium

8 Sess. 4. & 5.

b Ane. Sila de
Conc. Basil. Conc.
Flo. Ferr. in Conc.
indictione.

Brist. Mor. 3. &
Quest. 8.

g Constantiense subiecit authoritatē Romani Pontificis Cōcilio generali. Quod tātōpere displicuit Concilio ^bFlorētino, ut in ordinem redegerit Basileense Conciliū, & eius actiones oppreſſerit per cuniculos, quod in Eugenium tētasset idē. Ex quibus efficitur, nisi contraria simul esse vera posse statuerimus, alterutra ex istis generalibus Concilijs in errore fuisse, necessariō fatendum esse. Quamobrē, ut concludam, cū euidenter liqueat e clarissimis argumentis, & electos & vocatos, & populos, & pastores, & singulos & coactos in generalibus concilijs, errare posse: licebit mihi spero colligere quod probaui, cum bona gratia eorum qui veritatem amant, ecclesiam militantem errare posse, cū moribus, tū doctrina. Quorum altero, de moribus, nos ipsos defendo contra malitiosas calumnias Papistarum, qui Catharorum hæresin affingunt impudenter ecclesiæ Anglicanæ: altero, de doctrina, non attingo leuiter muros Babylonis, sed ab imis fundamentis penitus conuello molem vniuersam Romanę synagōgæ.

Cuius intolerabilis arguitur arrogantiā tertiā quoq; Thesi, qua restat defendendū: authoritatē sacre scripture maiorem esse q̃ ecclesiæ. Id autē, quamuis ea si

verita

Veritatis euidentia, vt propoſuiſſe tantū,
ſit probaſſe : tamen date quæſo veniam,
vt vnica ratione, (moleſtus non ero plu-
ribus) ita breuiter concludam. Verba
cuncta Scripturæ, ſunt verba veritatis.
Verba quædam eccleſiæ, verba ſunt er-
roris. At maior eſt authoritas veracis
perpetuò, quam mendacis aliquando.
Ergo maior eſt authoritas ſacræ ſcriptu-
ræ quam eccleſiæ. Verba cuncta Scri-
pturæ, eſſe verba veritatis, eſt extra con-
trouerſiam. Nam *tota Scriptura diuinitus*
inſpirata eſt : & Deus neque fallere poteſt,
neque falli. Verba quædam eccleſiæ eſ-
ſe verba erroris : ſi cui forſitan non per-
ſuadeant illæ rationes quas prius adhi-
bui, audiat acerrimum eccleſiæ patronū
idem conſitentem. Iacobus Andradius
Luſitanus, omnium Papistarum, meo iu-
dicio, facile doctiſſimus, libro primo de-
ſenſionis fidei Tridentinæ contra Kemni-
cium, enumerat quædam rerum capita,
in quibus & Concilia generalia errare
poſſint: vſque adeò vt ipſum Chalcedo-
nenſe concilium, vnum ex illis quattuor
primis Concilijs, quæ Gregorius profes-
ſus eſt ſe recipere vt libros quattuor ſan-
cti euāgelij, tamē Andradius erraſſe pro-
nuntiet, in eo, quòd *temerè & nulla ratio-*
ne, vt ipſius verbis vtar, *Conſtantinopolita-*

2. Tim. 3. 16
Tit. 1. 2.

Dieg. Andr. de ſe
ſid. Tr. l. 1.

Greg. epiſt. lib. 2.
c. 49.

nam ecclesiam Alexandrinam & Antiochenam duxerit præferendam. Neque verò tantum errasse pronuntiat Chalcedonense concilium, & pugnassee cum sanctionibus concilij Nicæni: sed rationem attexit etiam, cur in rebus eiusmodi Concilia labi possint; nempe, quòd *sequantur non afflatum Sancti Spiritus, sed inanem rumoris auram, & fallaces hominū opiniones*. Potest igitur Concilium aliquādo sequi fallaces hominum opiniones, non sancti spiritus afflatum. Cedat igitur Concilium sacrosanctis scripturis: in quibus homo nusquam, ubique Deus dominatur. Nam, si quis, ut eludat istam rationem, cauillabitur, errorem illum non habendum pro iudicio concilij Chalcedonensis, quòd episcopus Romanus eum suo calculo non approbaret: is primum velim reputet, Episcoporum Concilium ab vno quouis episcopo necessario distinguendum, ut id Concilij sit decretum, quod decernitur a pluribus: deinde consideret nomen ecclesiæ episcoporum cœtui & concilio posse tribui, non posse tribui Romano pontifici: postremo meminerit Pontificem Romanum Honorium primum fuisse damnatum hæresis a Concilio generali Constantinopolitanos quod approbavit Agatho pontifex Romanus. Quare

*Conc. G. gener.
Constan.*

re quocunque sensu nomen ecclesiae libeat usurpare, siue pro coetu aut electorum Dei, aut professorum fidei, aut pastorum ecclesiae, siue pro Romani Pontificis persona, quanquam ita loqui videtur perabsurdum : Romanus ipse Pontifex, si mihi iudex detur, negare non poterit, nisi fronte sit adamantina, quin ecclesiae verba, quaedam verba sint erroris. Quod si Pontifex & Pontificij cogantur ipsi confiteri, & ab ecclesia dici quaedam quae cum errore sint coniuncta, nec a Scriptura dici quicquam nisi liquidam veritatem : tamen ne quisquam reperietur tam aut stupidè imperitus, aut obstinatè impudens, qui maiorem ecclesiae quam Sacrae Scripturae auctoritatem esse asseuerare audeat? Albertus Pighius id est ausus, in ecclesiastica hierarchia. Vbi tamen conatur emollire speciosis pharmacis sacrilegam sui dicti peruersitatem, tamen ut extruat ecclesiae Romanae & Antichristi arcem e ruinis Christi & Sacrae Scripturae: primum affirmat, de *Scriptis Apostolorum*, ea fuisse data ecclesiae, non ut praessent fidei religionique nostrae, sed ut subessent potius; postea concludit non solum non inferiorem esse, non solum parem, immò & quodammodo superiorem auctoritatem ecclesiae auctoritate Scripturarum.

*Pigh. eccle. bioq.
l. 1. c. 2.*

E. iij.

Est

Plin. hist. natur.
li. 36. c. 10.

Est apud Plinium, fuisse quendam gnomonem situm in campo Martio ad designandas umbras solis: cuius observatio triginta iam annis cum Sole non congruerat. Eiusque rei rationem hanc reddit Plinius, quod vel ipsius Solis cursus esset dissonus, & aliqua coeli ratione mutatus, vel uniuersa tellus a suo centro dimota. Romana ecclesia simillima videtur istius gnomonis in campo Martio. Nam ea collocata est in agro Romano ad indicandas umbras Solis, Solis iustitiae, id est Iesu Christi: sed eius observatio permultis iam annis cum Christo non congruit. Non quod sit vllum vitium in gnomone, id est in ecclesia: (nam id fieri non potest, ut bellè docet Pighius) sed quod fortassis aut ipsius Christi cursus sit dissonus, & nescio qua Dei mutabilitate deflexus, aut tota Scriptura de suae stabilitatis centro dimota. Cæterum nobis, auditores ornatissimi, qui gnomones & horologia falli sæpe numero, cursum autem Solis constantem esse scimus: pluris sit authoritas Solis, quàm gnomonis: coeli, quàm Plinij: Zodiaci, quàm campi Martij: Dei, quàm hominum: Christi, quàm Pighij: scripturae sacrae, quàm ecclesiae. Absit enim ut vllum inter nos existat in huma-

na specie tam furiosum mōstrum, quod
 efferat Antichristum in templo Dei su-
 pra Deum: & vlli, vel homini, vel hu-
 mano cœtui, plus tribuat, quàm Christo,
 quàm cœlesti numini. At id faciunt si-
 ne dubio, qui tribuunt ecclesiæ plus
 quàm scripturæ. Auertat ergo Deus
 istum a nobis execrabilem errorem.
 Nam vox Scripturæ, vox est Dei: vox
 ecclesiæ, vox est hominum. Quod si
 maior est autoritas Dei quàm homi-
 num: profectò maior est autoritas scri-
 pturæ quàm ecclesiæ. Neque tamen
 inficior vocem ecclesiæ nonnunquam
 esse vocem Dei. Nam in peccatis corri-
 piendis, & placandis offensis fratrum,
Qui non audierit ecclesiam, sit tibi velut *Matth. 18. 17.*
ethnicus & publicanus, inquit Christus.
 Cæterum, sanctus Spiritus, Spiritus ve-
 ritatis, & solus & semper loquitur in
 Scriptura. Humanus autem Spiritus,
 Spiritus erroris, ex parte quandoque lo-
 quitur in ecclesia. Quorum vtrunque
 & ex verbo Dei, & ex rei euidencia, &
 ex aduersariorum confessionibus proba-
 ni. Quin igitur agnoscimus huius priui-
 legij prærogatiuam Scripturæ soli debe-
 ri, vt omnis omnino sit erroris expers:
 & fatemur cum Augustino contra Do-
 natistas, *proprium esse sanctæ canonice* *De bapt. con. 2.*
Scripturæ. *Donat. 2. 30.*

Scriptura, ut quicquid in ea scribitur sit verum & rectum : episcoporum autem literas, ut Cypriani, & ipsa Concilia, non modo quæ per singulas sunt provincias, sed etiam plenaria atque generalia, habere sæpenumero quod corrigatur. Ego verò libenter istam Augustini sententiam & probo, & probandam censeo, ut consonam veritati. Ob eamque causam concludo quod asserui : Multo maioris authoritatis esse Scripturam, quàm ecclesiam. Exposui vobis meam, viri doctissimi, sententiam de Thesisibus quæ vocantur in quæstionem: pluribus fortasse verbis, quàm vestra prudentia; paucioribus, quàm rerum gravitas desideraret. Verùm eatenus eas explicaui, quatenus cum bona Procuratorum venia, per temporis angustias, mihi permissum iri arbitrabar. Quæ restant enodanda, conabor aperire, quantum quidem potero, si feret occasio, quum inter disputandum argumenta proponentur.

THE-

73

THESES TRACTA-

TAE IN SCHOLA THEO-
LOGICA. NOVEMBR. 3.

1579.

- 1 Sancta Catholica ecclesia, quam
credimus, est coetus vniuer-
sus electorum Dei.

*Qui mare, qui terram, qui condidit aethera verbo,
Qui regit aeternā, condita cuncta, manu:
E genere humano delēgit ab orbe creato,
Quos sibi, quos cœli iungat in arce suis,
Ille Palaestina non clauditur aggere terra,
Sed pius e toto cogitur orbe chorus:
Quā iacet Aethiopis regio dominantis ad austrum;
Quā patet Arctoi terra sub axe poli;
Quā rutilans radios undis extollit Eois
Phœbus; & Hesperio gurgite tingit equo
Non capit ista caro mysteria lumine sensus:
Percipit at Christi lumine sancta fides.*

- 2 Ecclesia Romana, nec est ecclesia ca-
tholica, nec sanum membrum
catholicæ.

*Non bene Romanam concluditur orbis in urbem.
Floret enim Christi, quā patet orbis, honos.
Roma fuit, fateor, magnum decus huius honoris.
Roma fuit verax, sancta, pudica, pia.*


E.v.


Roma

*Roma fuit Christi sacro celeberrima verbo.
 Religione Petri splendida Roma fuit.
 Iam cinis est ubi Roma fuit. Capitolia squallent:
 Sanctorumque madet sanguine turpis humus.
 Templa superstitio, procures, scelus, agmina, luxus
 Polluit, impietas pectora supra toros.
 Infelix Babylon, pestis funesta Sionis,
 Tunc Sion a montis honore tumes?*

3 Ecclesie Reformatę in Anglia, Scotia,
 Gallia, Germania, ceterisque regnis
 & rebus publicis, se ipsas à Ro-
 manâ iure segregarunt.

*Tetra Venenatis Babylon iacet obruta monstribus.
 Esse cupis saluus? de Babylone migra.
 Roma sibi titulos sumit Babylonis & artes.
 Ergo migret Roma, qui volet esse pius.
 Nobilis id magno Germania pectore fecit.
 Anglia Germanos est imitata suos.
 Ecce Deus Gallos, Belgasque, Danosque Britannia
 Iunxit, & extremos ex Aquilone Scotos.
 O utinam Christo reliquus ferat orbis honores.
 Et sua dent reges regia sceptrâ Deo!
 Extrue sancte Parens turres & templa Sionis,
 Ut videas reduces è Babylone tuos.*




V M multa singularia Dei beneficia patres & fratres, in nostram Academiam sunt disseminata, quæ fructus edant vberes, ad propagandam Dei gloriam & ecclesiæ salutem, si diligenter excolantur: tum ex illis omnibus vix vllum præstantius, siquid ego iudico, quàm quòd inspiratam à Deo veritatem scriptura sacra consignatam, non solum aperiri publicè docendo, sed etiam confirmari disputando sancitum est. Præclarū sine dubio perutileq; institutū, & scholis Christianis, id est, diuinis indignissimum. Quid enim veritate, quæ magistra nobis est ad Dei cognitionem, æternæ vitæ fontem, magis pretiosum? Quid autem magis aptum ad roborandam veritatem, quàm vtrinque disceptatis partium rationibus, rerum comprobatio? Etenim, ut aurum è terræ venis effossum

ab

ab admixtis terre fecibus contundendo
 segregant fabri metallici; & agricolę fru-
 mentum quo sit aptum alendo corpori,
 perpurgare solent à paleis, cribrando: ita
 veritatis aureus thesaurus collisu rati-
 onum mundatur a fecibus, quas non e sa-
 cris venis contraxit vnde foditur, sed ex
 humanis vasis in quibus recipitur: &
 fruges ad pabulum animorum fatæ, quo
 fiant puriores ab errorum paleis, af-
 flatu sancti spiritus à celestis agri cultoribus ventilantur. Quod ipsum officium
 à nobis imprimis & alacriter subeundū
 & fideliter exequendum videtur res-
 publica suo quasi iure postulare posse:
 præsertim cum eximijs priuilegijs, ædi-
 ficijs, possessionibus ornâret hoc amplif-
 simum optimarum artium gymnasium,
 in eum finem potissimum, vt esset se-
 minarium pastorum ecclesiæ. Nam &
 ecclesiæ pastores eos esse conuenit, vt
 docet Apostolus, qui non modò possint
 fideles instituere sanâ doctrinâ, verum
 etiam conuincere contradicentes: & con-
 uincere contradicentes poterimus faci-
 lius, aptius, efficacius, si prius exercueri-
 mus in belli simulachro, quod post ad-
 uersum hostes in vero bello faciamus.
 Quod si res vlla est, in qua permagni
 referat, & milites Christianos esse vigi-
 lanter

lanter exercitatos contra nefarias molitiones hostium, & Christianę veritatis aurum a scoria, fruges a palea, sedulo purgari studio colonorum & opificum ecclesię: ista profecto, cuius est a nobis suscepta disceptatio, tantum importat, explorata, commodum: periculum, ignorata: vt ad assequendam eius notitiam omnes ingenij neruos contendere merito debeamus. Inuaserunt enim in ecclesiam iampridem, & passim grassantur, illi, quos Christus, vt caueremus monuit, quos Petrus vaticinatus est futuros in ecclesia, falsi doctores & pseudoprophetę: qui vestimentis ouium amicti, sed animis & factis rapaces lupi, sub ecclesię latentes velo, quasi soli sint oues Christi, docēt hereses exitiales, & veritatis blasphemant viam. Cuius pestilentis mali contagio, quo permānet latius in animos fidelium: vt Rabsakes Assyrius attentans Ierusalem, Iehovę nomen obtendit contra populum Iehovę; ita Rabsakes Romanus, hostis nouę Ierusalem, ecclesię nomen obijcit contra filios ecclesię. Catholicam ecclesiam credendam ait Christianis: Romanam autem solam esse Catholicam: nos ergo qui reliquimus ecclesiam Romanam, ab ecclesię Catholice communionē defecisse:

Matt. 7. 15.

2. Pet. 2. 1.

2. Reg. 18. 32.

cisse: porro spem salutis esse posse nullā extra ecclesiam: idcirco pereundum illis necessario, quicumque vel descuerint ab ecclesia Romana, vel ad vllam ecclesiam à nostris reformatam seipso aggregarint. Ista speciosa sed fucosa larua ecclesie Catholicæ, corda multorum minimè malorum à recto seducuntur: qui Catholicam fidem fugiunt, dum ne deficient à fide, metuunt; nec audent cum ecclesia Christi se coniungere, ne seiungantur ab ecclesie communione. Vsq; adeo quod olim ad episcopos Palæstinos à Romano scriptum est, id hodie Romanis episcopis à nobis iure dici potest: *Pro fide vos agere creditis Romani, & fidei contraitis: Ecclesie nomine armamini, & contra ecclesiam dimicatis*. Quamobrem, quum huius rei tractationem multum habiturā momenti iudicarem, ad imperitorum ignorantiam leuandā, & aduersariorū pertinaciam frangendam, & salutem electorum, quod caput est, promouendam: ego pro officio vel pietate potius, quā ecclesie Christi debeo, putavi mihi faciendum, (quū differendi tam idonea daretur occasio) vt de statu ecclesie Catholice, Romanæ, nostræ, verba facerem. Atque fundamenta quidem huius operis superiore nostra disputatione videntur

Leo epist. 83.
ad episc. Pal.

cur esse iacta: quâ declaratum est e verbo
veritatis, scripturam cuncta tradere, quæ
requiruntur ad salutem: ecclesiam er-
rare posse dum militat in terris, autho-
ritatem ecclesię subiectam esse scriptu-
ræ. Quibus constitutis, facilius erit adi-
tus ad ea quę suscepi superstruenda: ni-
mirum ad ecclesię catholicę naturam,
Romanę corruptelam, integritatem no-
stræ, patefaciendam. Sed antequam ag-
grediar ad explicationem horum trium
capitum, quæ pro ratione temporis, suc-
cinctè: muneris, sincerè; fauente Deo, pa-
tefaciam: principio à vobis omnibus,
auditores, quàm possum vehementissi-
mè peto & quæso, non, vt aures mihi
præbeatis attentas, quod vestra sponte
facitis, sed vt animum amplectendę ve-
ritatis auidum, ad audiendum afferatis.
Laudantur apud Ethnicos Athenienses
illi iudices Areopagitæ, quibus in mo-
re fuisse fertur positum, vt actorem qui-
dem causam agere iuberent sine proë-
mijs, & adigerent iure iurando se non
calumniaturum: ipsi verò causam sum-
mo silentio, dū ageretur, audirent: & sū-
ma æquitate quum esset acta, iudicarēt.
Tales vos mihi, qui Christianas nostras
Athenas incolitis, Areopagitas, fratres
esse velim. Ego, quod actoris est, sine
pro-

proemijs, quamvis iniussus, & sine calumnijs quamvis iniuratus, simpliciter & verè vobis rem expediam. Vos, quod est iudicium: sine præiudicijs errorum, audientiam, & sine peruersis affectibus, sententiam ex equo & bono pro veritate detis. Atque vtinam audiretis, vt audiuit Dionysius Areopagita Paulum Apostolum: cui prædicanti Deum ignotum, quanquā aduersus opinionem eam, quā attulerat præiudicatam, tamē euietus lumine veritatis assensit & credidit. Deus, Pater luminum, author veritatis, qui linguam igneam dedit Paulo, vt animos audientium illustraret & accēderet, qui Dionysio commouit animum, vt pietatis lucem cerneret flammāsque conciperet: dignetur sui sancti spiritus afflatu, & moderari mihi linguam, vt explicandis verbi mysterijs ancilletur, & emollire vobis animos, vt in agro fertili spargatur semē vitæ. Aperi nobis oculos, Iehoua, & videbimus: da nobis corda carnea, & assentiemus. Sit nobis spiritus tuus dux in omnem veritatem, & luceat verbum tuum lucerna pedibus nostris: vt credamus quæ doces: faciamus, quæ iubes: ad sempiternam tuæ bonitatis gloriam, & salutem nostram. Amen.

Act. 17. 34.

Aggre.

Aggredienti mihi sermonem instituere de statu ecclesie, cum vniuersè, tum in partibus, Romanâ, & reformatis variarum gentium: occurrit primò declarandum, quid sit ecclesia sancta catholica, quam in symbolo Christiane fidei nos profitemur credere. Est igitur ecclesia sancta catholica, coetus vniuersus electorum Dei. Qui dicitur ecclesia, id est coetus hominum, & multitudo populi in vnum congregati: sancta, quia Deus coetum hunc electum sanctificauit sibi: catholica, quia constat non ex vna gente, sed ex vniuersis, per vniuersum orbem terrarum dissipatis. Nam Deus, vt diuitias gloriose sue gratie cum humano genere communicaret, elêgit ab æterno certam hominum multitudinem, quasi populum peculiarem, qui coeleste regnum sibi preparatum à iactis mundi fundamentis cum ipso possiderent. Huius autem populi sui membra singula, quâuis disiuncta spatio locorum aut temporum, tamen in vnius quasi corporis societatem, & ciuilem siue potius spirituales communionem, spiritus sui vinculo coniunxit & colligauit tanquam in vnâ ciuitatem. Cuius ciuitatis, nomen est Ierusalem coelestis, noua, sancta, ciuitas Dei viui: Rex, est summus Deus, qui

*Eph. I. II.
Matt. 25. 34.*

*Heb. 12. 22.
Rev. 21. 2.*

E.

fun-

4. Thes. 1.

Psal. 87. 1. 5.

Iob. 10. 16.

Eph. 2. 19.

Rev. 15.

82

Sancta catholica ecclesia, quam credimus

fundauit, stabilit, gubernat ciuitatem
Leges, sunt Dei verbum, quod ciues au-
diunt & sequuntur vt oues pastoris vo-
cem: ciues sunt sancti singuli, qui prop-
tereà dicuntur conciues sanctorum &
domestici Dei: Tabulæ, quibus ciuium
nomina conscribuntur, vocantur liber
vitæ: cōmoditates denique, quibus fru-
untur ciues, sunt amplissima beneficia
vitæ præsens & futuræ, Dei gratia fons
bonorum: thesauri Christi hæredis om-
niū, peccatorum venia, pax conscientie,
dotes iustitie, pietatis, sanctimonie: vnus
spiritus, vna fides, vna spes vocationis, &
sacramenta sigilla spei: quæcunque de-
mum opus fuit ad vsus necessarios ter-
renę nostræ vite, & eternę tandem in
cœlis cœlorum, vite, beatitudinis, gloriæ
possessio. Cæterū, quia ciues huius æter-
næ ciuitatis Dei, damnati maiestatis pro-
pter nefariam aduersus Deum rebellio-
nem, ciuitatis ius amiserant, & amissio-
ne vite multati carceri tenebrarum ad
sempiternam mortem mancipati fue-
rant: Deus infinite pater misericordiæ,
vt eos gratis conseruaret qui suo merito
perierant, misit Iesum Christum suum
filium hæredem omnium, qui ciuitatis
Dei rex designatus, ciues redimeret à
potestate tenebrarum, è seruitute Sa-
tanæ.

tanæ ad quem defecerant, & in suum regnum de integro translatos prærogatiuis omnibus sanctorum Dei ciuium felicissimè bearet. Ac in istum finem visum est Deo nobiscum licet impijs perduellionibus ex sua mera gratia ferire foedus: quod vnum substantia, ratione geminum, prius, dictum vetus, in Christo promisso, posterius, nouum, in Christo exhibito, Deus in tabulis sui foederis expressit, quibus est pollicitus, *Ego ero vobis Deus, & vos eritis mihi populus.*

Gen. 17. 7.

Leuit. 26. 12.

Ier. 31. 33.

Heb. 8. 10.

Quæ sit ratio, quantus vsus, quàm ineffabile beneficium huius sacri foederis, icti cum patriarchis, cum prophetis, cum Apostolis, cum omnibus sanctis Dei: sacrosanctæ tabule veteris & noui foederis demonstrant. Quarum compendium summam Apostolicæ continens doctrine, habemus in articulis, & Symbolo, quod appellamus, Christianæ fidei, collectum e verbo Dei. Huius ergo Symboli duæ sunt partes, pro ratione foederis cuius vim complectitur: quarum altera fidem nostram instruit de Deo, qui dixit fidelibus, *Ego ero vobis Deus*: altera de Dei populo, id est de Ecclesia, cui dictum est a Deo, *Vos eritis mihi populus*. Deus credendus

F.ij.

nobis

nobis proponitur, vnus essentia, trinus personis, Pater creator : Filius redemptor, Spiritus sanctificator. Dei verò populum credere docemur, esse ecclesiam sanctam catholicā, cōmunionem hominum sanctorum, quibus peccatorū datur remissio, quorum à morte corpora resurgent, & iuncta cum animis æternā vitā perfruentur. Atque, vt euidentius & clarius elucescat, hunc electorum cœtum & Dei ciuitatem esse ecclesiam sanctam catholicam: principio, Dei populum efficaciter vocari è colluione reliquorum hominum ad Deum cognoscendum, venerandum, fruendum, à Christo qui mētes illuminat & corda mouet, virtute sancti spiritus & verbi ministerio, est extra controuersiam. Eorum verò cœtus, quos ita vocat Christus ad regnum cœlorum, per excellentiam dicitur ecclesia: non quæuis ecclesia, sed eminentissima: quippe quæ cōtineat omnes fideles, qui sunt, fuerunt, erunt ad finem temporum ab orbe condito. Quam Apostolus ad Hebræos appellat *ecclesiam primogenitorum qui conscripti sunt in cœlis*. Quam Paulus ad Ephesios *Deo charā & electā* esse docet ecclesiam: quam Christus ei datus a Patre, vt caput corpori, dilexit vt sponsam, redēmit a Satana, viuificat suo spiritu, seipsum morti tradidit, vt eam e faucibus mor-

Heb. 12. 23.

Eph. 1. 4. & 5.
23.

mortis liberaret. Porro, quemadmodum constat hanc ecclesiam esse vocatam e regno tenebrarum & mundi colluie ad participandam cœlestis regni sortem: item eam Sanctam esse decuisse liquet manifestò. Nec enim potest Deus, sanctus Israël, ferre filios iniquitatis: nec ullus Cananeus versabitur in domo Iehouæ exercituum: nec intrabit quicquā in cœlestem ciuitatem quod polluit & patrat abominationem atque mendacium. Christus itaque, seruator ecclesiæ, sui corporis, qui *vocatos iustificat*, quos *vocauit prædestinatos: ecclesiam à peccatis mundatam* suo sanguine, *renouat a sordibus carnis ad sanctitatem*: quam inchoat in hac vita, perficit in futura, quā *sponsam maculis & rugis vacuam gloriosā sistet sibi*. Vt merito dicatur ecclesia, & sancta, & sanctorum communio: quæ militans in terris, affectu sancta est; triumphans in cœlis, effectum sanctior; & militans & triumphans, in Christo sanctissima. Postremo, quia Dominus elegit & vocauit sanctam ecclesiam, non ex hac aut illa terra, non ex hoc aut illo populo, sed ex omnibus nationibus diffusis per orbem terre: idcirco nuncupatur ecclesia catholica, id est vniuersalis, non Iudaica, non Romana, non

Matt. 7. 23.

Zach. 14.

Reu. 21. 27.

Rom. 8. 30.

Ep. he. 5. 23.

Esai. 54. 20.

Act. apost. 1. 8.
& deinceps.

Act. 10. 28.

& 11. 2.

^b Galatin. de ar-
ca. cathol. ver. l.
9. ca. 1. & de-
inceps.

^c Eph. 2. 14. 20.

Psal. 87. 4.

Anglicana, non vnius gentis aut pro-
uincie: sed vniuersalis atque catholica
è cunctis generibus conditionum, sex-
uum, etatum, nationum, Iudæis, Eth-
nicis: Græcis, Barbaris; servis, liberis; viris,
fœminis; grādæuis, teneris; diuitibus ege-
nis; in vnū quasi corpus coagmentata,
Nam, & ecclesia vetus, ante Christū, quæ
vidit diem Christi venturi, ac seruata est,
primò Dei filios è quibusvis populis si-
bi collegit, post quum Dei gratia ful-
geret potissimum in populo Israël, et
profelytos è cæteris ad Israël adiun-
xit: & noua præsertim, à Christo nato
vocata, dilatauit, vt loquitur Esaias pro-
pheta, *sum tabernaculum* ad om-
nes nationes, exorsa à Ierusalem, Iu-
dæa, Samaria, progressa ad vltimos vs-
que fines terre. Non enim solam gentem
Iudeorum & populum circumcisum
vocauit sibi Deus in sanctam Ecclesi-
am vt olim ^a Apostoli minus scienter,
hodie ^b Iudæi nimis arroganter, sunt
opinati: sed ^c Christus crucifixus *soluit*
septum parietis intergerini, & factus est
imms lapis angularis in quo duplex mu-
rus surgit: & vt Dauid vaticinatus est,
Ægyptius, Babylonius, Tyrius, Ethi-
ops, Palestinus, gignuntur in Sione; &
vt illi senes qui coetum repræsentant
fide-

fidelium canunt Christo, *Redemisti* *Rev. 5. 9.*

nos Deo per sanguinem tuum, ex omni tribu, & lingua, & populo, & natione, & fecisti nos Deo nostro reges & Sacerdotes, & regnabimus super terram. Quamobrem, cum Ecclesia, quam sacrę scripturę nobis commendant, designet multitudinem piorum & fidelium, quos elegit Deus, sanctificauit Christus, & è cunctis gentibus vocauit ad cœlestis hereditatem regni: authore sancto spiritu, qui per prophetas & Apostolos loquutus est, concludo quod proposui, sanctam Catholicam Ecclesiam, quam credimus, esse coetum vniuersum electorum Dei.

Miramini fortassis, cur istum Christianę fidei articulum disputatione tractandum exhibeam: quasi vel quisquam de eo cōtrouerfetur, vel res non controuerfę pro controuerfis sint agitandę. Ceterum si cogitetis verū articuli sensum quem aperui, scripturę iudicio probatissimum, fidelibus solatio iucundissimum, ab ecclesię Romanę signiferis damnari tanquam erroneum, & anathemate percelli: mirari desinatis.

Nam in Concilio Constantiensi, sessione decima quinta, qua Iohannem Hussum damnarunt vt hæreticum, has

*Conc. Constant.
Sess. 15.*

F.iii,

duas

F.iiii.

1 Artic. 1.

2 Artic. 6.

Clem. Alex.
Strom. l. 7.Ambr. in epi.
ad Eph. 3Greg. in Iob.
l. 28. c. 9.Bern. in Cant.
Serm. 78.De ciui. de l. 1.
c. 1. & 101. op.

duas sententias ut hæreticas cum ipso flammis adiudicarunt; ¹*Unicam esse sanctam uniuersalem ecclesiam, quæ est uniuersitas predestinatorum* : & ² *ecclesiam, ut sumitur hoc sensu, pro cœtu predestinatorum, esse fidei articulum*. Quas eius sententias in impijs numerari, mirabar equidem vehementer : eoque magis , quia patres , quorum verba magni facere videri volunt Romani, quum ipsis suffragantur , eadem prorsus normâ sanctam catholicam ecclesiam esse mensos animaduvertebam. Nam Clemens Alexandrinus expressè vocat eâ, *Cætum electorum, in quem colliguntur fideles & iusti, quos Deus ante conditum orbem predestinavit*. Ambrosius item, quum dixisset honorem Dei patris in Christo esse & ecclesia : definit eam esse *populum quem sibi dignatus est adoptare Deus*. Porro Gregorius, Romanus episcopus affirmat, *omnes electos intra mēsuras eius contineri, extra esse omnes reprobos*. Bernardus autem aperit tanquam arcanum quod à Paulo didicit, idque se pronuntiat audacter loquuturum, *ecclesiam esse cætum omnium electorum predestinatū ante secula*. Augustinus verò, vir acerrimo iudicio, & in opere doctissimo de ciuitate Dei, nullam agnoscit *Dei ciuitatem* nisi electam istam eccle-

ecclesiam : & in alio De rudibus catechi- *De rud. cat. c. 20*

zandis, asserit *omnes homines sanctificatos, qui sunt, qui fuerunt, qui futuri sunt, esse ci-*

ues huius cœlestis Ierosolymæ : & De bap- *De bap. cont.*
Don. l. 5. c. 27.

tismo contra Donatistas, aduersus quos

ecclesiam catholicam vrget maximè, fa-

tetur ea quæ canuntur in Cantico Can-

ticorum, *hortum conclusum, fontem obfig-*

natum, lilium, sororem, Sponsam Iesu Chri-

sti, de solis intelligi sanctis & iustis, qui sunt

Iudei in occulto circumcissione cordis, in qui-

bis est numerus certus sanctorum predesti-

natus ante mundi constitutionem. Quare

si Romanæ Præsules ecclesiæ tacti fuif-

sent vllā reuerentia, non dico Scriptura-

rum, quibus pro libidine quasi domi-

nantur, sed Patrum, quos vt orbos in su-

am tutelam se recepisse præ se ferunt :

nunquam per Hussi latera confixissent,

vel in eo cremassent potius, Clemen-

tem, Ambrosium, Gregorium, Bernar-

dum, Augustinum, qui docuerunt idem

quod in Hussio damnatum est, sanctam

ecclesiam vniuersalem esse cœtum om-

nium electorum Dei. Sed est sine du-

bio verissimum, vt video, quod homo

litterarum luminibus ornatissimus, fa-

uens Pontificæ fidei, non fastui, scrip-

tum reliquit ; *illud axioma esse certissi-*

imum inter Romanos Pontifices &

F.v. *Pon-*

Fran. Duar. de
sacr. eccle. man.
l. 5. c. 11.

Pontificum Romanorum ſimiles, *Si violandum eſt ius, regnandi gratia violandum eſt*. Etenim eccleſiam ſanctam catholicam in Chriſtianæ fidei Symbolo notatam, detorquent a germano ſenſu, ut regnent, & ambitioni velificentur ſuæ: quippe quam referunt, (imperitè, ſi neſcientes; ſi ſcientes, impiè;) non ad Catholicam, ſed ad militantem, nec eam ut electam, ſed ut viſibilem, id eſt, cum hypocritis & impijs permixtam. Quod eo faciunt conſilio, ut cuncti Chriſtiani, credentes ſanctam catholicam eccleſiam, pro catholicâ tenendam eccleſiam viſibilem, & in eccleſia viſibili viſibilem Monarchiam, & viſibilis Monarchiæ Papam eſſe principem, & Papæ tanquam Principi Chriſtianos cunctos oportere ſubijci perſuadeantur. Iſtum enim eſſe ſcopum Pontificium eſt luce clarius, ex ipsis, ut appellant Extrauagantibus Iuris canonici, in illo Bonifacij regio decreto, *Vnam ſanctam catholicam eccleſiam*. Vbi ab vna catholica eccleſia, extra quam nec ſalus eſt nec remiſſio peccatorum, aſſurgit ad caput eccleſiæ, Ieſum Chriſtum: a capite verò Chriſto furtim præcipitat ad eius vicarium, vnum idemque caput, ut ait, cum Chriſto, Romanum Pontificem: quem tamē eſſe caput eccleſiæ

Extra. c. vnam
ſanctā, De Mai.
¶ Obed.

ecclesiæ catholicæ ne ipse quidem diceret, nisi fortè somnians; nam ita caput esset ecclesiæ triumphantis, quæ pars est catholicæ: sed ecclesiæ visibilis caput esse cupit, quam fucat nomine catholicæ, quo facilius in fraudem impellat imperitos; quibus eo nomine captis & attonitis conclusionem nectit fraudis architectus, *Esse omnino de salutis necessitate humanæ omni creatura, subesse Romano Pontifici.* Verùm, ecclesiam sanctam catholicam non significare cœtum visibilem ecclesiæ militantis (qui coagmentatur e duabus partibus inter se permixtis, nempe bonis & malis) vt Romani statuunt, cum suo Bonifacio, gratia regnandi: nisi mihi Pontifex ipse Romanus, & Patres Oecumenici Concilij Tridentini, vi veritatis & Scripturæ victi, contra seipsum attestati fuerint, non postulabo vt credatis. Nam in Catechismo quem Pius Quintus edidit ex Tridentini Concilij Decreto, postquam dixissent, *ecclesiam*, qua de agimus, *significare precipuè multitudinem bonorum simul & malorum*: subiiciunt, *eius caput quasi corporis esse Christum; cuius Spiritus, vt anima corporeis membris vitam, ita fidelibus impertitur gratiam*: eoque Sanctam esse, quia gratiam

Catechism. concil.
Trident. in expos.
Symb.

gratiam sanctitatis, & peccatorum veniam accepit a Christo, a quo sanctificatur, eiusque sanguine abluatur: catholicam autem dici, quoniam unius fidei splendore diffunditur ab ortu solis ad occasum, complectens quosvis homines, siue barbaros siue Scythas, siue liberos, siue seruos, siue masculos, siue fœminas: & continens fideles omnes, qui fuerunt ab Adam in hunc usque diem, quiue sunt futuri, quamdiu mundus extabit, profitentes veram fidem, fundati in Christo, super Apostolorum ac Prophetarum fundamento. Pius ergo Pontifex & Patres Tridentini censent ecclesiam quæ traditur in Symbolo, corpus esse Christi. Docet autem Scriptura, totum corpus Christi, sancto spiritu, tanquam anima, viuificari & augeri. At mali nec augentur nec viuificantur. Non sunt ergo mali pars Christi corporis. Nec igitur ecclesiæ. Pontifex & Patres censent ecclesiam mundatam esse Christi sanguine, sanctitatis imbutam gratia, donatam peccatorum remissione. Beati verò quorum remissa sunt peccata: beati mundo corde, quia Deum videbunt. At mali nec beati sunt, nec Deum videbunt. Ergo nec peccata sunt illis remissa, nec corda purificata. Non sunt igitur pars ecclesiæ. Pontifex & Patres censent

Eph. 4.16.

Rom. 4.7.
Matth. 5.8.

censent ecclesiam dici catholicam, quia comprehendit fideles vniuersos, a primo ad vltimum, profitentes veram fidem, fundatos in Christo. At mali & hypocritæ, vel non sunt fideles, vel si fideles dici possunt, non profitentur veram fidem, vel si veram profitentur, non fundantur in Christo. Nam *in Christo fundati fundantur in petra, nec* *Manh. 7. 24.* *moueantur in æternum.* At mali mouebuntur. Non sunt igitur pars ecclesiæ. Essent autem mali necessario pars ecclesiæ, si nomen ecclesiæ notaret ecclesiam visibilem quam vocamus, e bonis & malis temperatam. Ex quo est consequens, ecclesiam quæ traditur in symbolo fidei, non significare visibilem ecclesiam, id est, multitudinem bonorum & malorum, vt somniant opifices Romanæ Monarchiæ. Ita, quemadmodum Caiaphas in Euangelio, quia fuit Pontifex anni illius, quamuis multa perperam dixit contra Christum, tamen illud vnum bene dixit, malè sensit, expedire vt vnus homo moreretur pro populo: similiter Romanus Pontifex & Patres Tridentini, quia fuerunt Pontifices anni illius, etsi perperam ecclesiam sanctâ catholicam bonorum & malorum cœtum esse statuerunt, tamen diuina quadam vi
ducente

ducente vt dicerent melius quàm sentirent, attexuerunt eam interpretationem, quàm suam ipsorum sententiam euertèrent, errorem Concilij Constātiensis detegerent, & veritatem sacræ Scripturæ stabilirent. Quocirca, licet mihi contra Papistas, ex ipso Papa & Concilio Tridentino concludere: solos & cunctos pios & sanctos efficere sanctam catholicam ecclesiam. Sed quia fides nostra non nititur humanis cuiusquam aut Pontificis aut Concilij decretis, quorum Spiritus est in naribus, & domicilia sunt ex luto, & fundamentum est arena: idcirco fixa maneat conclusio quam præmisi, auctore sancto spiritu, qui nobis est loquutus per Apostolos & Prophetas: Sancta catholica ecclesia, quam credimus, est coetus vniuersus electorum Dei. Ac de prima Thesi dictum sit hætenus.

Sequitur secunda: Romana ecclesia nec est ecclesia catholica, nec sanū membrum catholicæ. Cuius sententiæ vim & veritatē quo cernamus melius: origines ecclesiarum particulariū paulo alti⁹ sunt repetendæ. Deus ecclesiam sanctam catholicam, electam ab æterno hæredem sui regni, vt in cœlesti gloria cum ipso & electis angelis triumphet: primū in terras mittit tanquam in castra, vbi sub vexillo

illo Christi Deo militet, contra carnem, mūdum, Satanam, & potestates tenebrarum; vt victrix a militia veniat ad triumphum, & certet legitimè priusquam coronetur. Ad huius militiæ laborem obendum, quo fiat valentior, aptior, instructior: Deus verbo suo per sanctum Spiritum efficaciter agente, ^a regignit eam, vt ^a 1. Pet. 1. 23. semine; ^b nutrit, vt lacte; ^c confirmat, vt ^b 1. Cor. 3. 2. cibo solido; ^d armat, vt gladio spirituali; ^c Heb. 5. 14. ^d Ephe. 6. 17. & fabricatur ei scutum fidei, quo possit extinguere ignita iacula illius Mali. Atque, quo magis animet ecclesiam aduersus omnes hostium insidias & pericula, notitia rei bellicæ & certa spe victoriæ: Sacramentis eam obligat, vt vinculis obedientiæ, pignoribusq; suæ gratiæ: & suum auxiliū in omnibus ærumnis iubet vt imploret, imploranti pollicetur: & disciplinam militarem quā se contineat in officio, defendatque tutius ab hostibus, præscribit: vniuersam denique militiæ rationem a seipso imperatore summo patefactam ei suo verbo consignatam tradit. Hanc itaque militiam, vt omnes Dei milites qui varijs ætatibus varias in oras mittuntur militatum, discerent & exercerent: coetus, vt ciuiles, huius vitę tuendę, sic ecclesiasticos æternæ vitæ gratiā Deus instituit; in quibus

bus & præfectos esse voluit qui docerent, & milites qui docerentur, utrosque bellatores qui fideliter exercerent & bellum gererent Iehouæ. Isti verò coetus ecclesiastici, vocantur ecclesiæ: sed ecclesiæ particulares, ut a catholica distinguantur: quia sunt nimirum ecclesiæ catholicæ, variæ partes: vnius corporis, varia membra: vnius exercitus, variæ turmae. Quæ pro varietate loci & temporis in quibus obeunt militiam, varijs nominibus insigniuntur. Pro loci varietate, quæ Deum coluit Ierosolymæ, Ierosolymitana: quæ Samariæ, Samaritana: Ephesina, quæ Ephesi: Romana, quæ Romæ: quæ in Britannia, Gallia, Germania, Britannicæ, Gallicanæ, Germanicæ dicuntur. Pro varietate temporis, Iudaica sub Mose, sub Dauide, sub Ezechia: Romana, sub Nerone, Constantino, Bonifacio: Anglicana, sub Henrico, Edoardo, Maria: aut, vtcunque temporum discrimina notentur, solent appellari. Iam, officii quidem ratio postulabat, ut ab ecclesiarum harum vnaquaque diuinitus in eum finem instituta, Dei filij nascerentur, tanquam a matre: Deus coleretur, tanquam a Sponsa: spiritualia Dei bella gererentur, tanquam ab exercitu forti & fideli. Sed *inimicus ille mulieris*

vis electæ, naturâ Satanas, malitia serpens,
immanitate Draco, qui mulierem eius-
que semen furiosè persequitur; *serit in-
ter triticum in agro Domini zizania*, id *Matt. 13. 25.*

est, suos milites Dei militibus, pijs hy-
pocritas permiscet in castris, qui re pro-
ditores, commilitones specie, corrup-
pant exercitum: & ipse cunctis machi-
nis, apertis, clandestinis: per vim, per in-
fidias: modò tyrannorum flammis &
ferro, modò voluptatum illecebris & o-
pium, modò religionis & charitatis lar-
uâ, sollicitat fideles vt a Deo deficient.

Quibus rationibus sæpe consequitur,
partim artificio hypocritarum, præser-
tim quum alicui præficiuntur agmini:
partim electorum infirmitate, quos caro
& sanguis debiliores faciunt: vt ecclesia
quæ Christi militiæ adscripta est, militiæ
doctrinam vel nesciat vel negligat: &
militet fortasse sub signis ducis sui, sed
dissolutius: fortasse a vigilibus aut som-
nolentis aut perfidis hosti prodatur. Itâ-
que ad extremum illud vñ venit, quod
in ecclesia Iudaica lamentantur Prophe-
tæ, & ecclesiæ a Christo nato senserunt
nimis multæ: vt ecclesia quæ mater es-
se debuit, sit nouerca, & Christo despōsa
fiat adultera, & copiæ militares deferen-
tes datam fidem, rupto vinculo sacra-

G.

menti

*Esaï. 1. 21.**Ezech. 16. 15.**Hos. 2. 2. & c.**passim propheta.*

*Gal. 1. 6.**2. Cor. 11. 3.**2. Rev. 2. 15.**b Rev. 3. 15.*** Rev. 3. 2, 4.**a Matth. 3. 12.**b Matth. 13. 27.**c 2. Tim. 2. 20.*

menti rebellent Altissimo. Sic ecclesias Galatarum, quum euangelio credidissent & dedissent nomina militiæ Christi, mutata sententia traductas esse legimus ab ecclesiæ turbatoribus in aliud euangelium. Sic ecclesiæ Corinthiorum metuit Apostolus, ne, ut serpens seduxit Euam calliditate sua, ita mentes eorum corrumperentur & desciscerent a simplicitate Christianæ fidei. Sic ecclesiam ^a Pergamensem pollutam esse tabe Nicolaitarum : ecclesiam ^b Laodiceam, cæcam, nudam, tepidam, nec frigidam, nec feruidam : ecclesiam ^c Sardensem, ex parte mortuam, ex parte moribundam, ex parte fuisse viuam, ab ipso Christo didicimus. Ergo militantium ecclesiarum cœtus quos appellamus ecclesias visibiles, quæ bonos cum malis, electos cum reprobis, fideles cum perfidis, sanctos cum hypocritis, ^a cum frumento paleas, ^b cum tritico zizania, ^c cum vasis aureis & argenteis vasa lignea & testacea, alia ad decus, ad dedecus alia complectuntur : possunt in officio suo languere, possunt ab officio prorsus deficere, possunt exautorari militiæ sacramento : possunt laborare morbis leuioribus, possunt pestilentia lethali cõtabescere, possunt Christi spiri-
tu

tu priuari & emori. Porro, quo facili-
or sit iudicandi ratio, quas ecclesias e-
mortuas, quas ægras, quas sanas, existi-
mare debeamus : considerandum est
nobis, quæ sint mortis, morborum, &
sanitatis causæ . Horum autem causas,
in hominum corporibus, ex semine quo
nascimur, & alimento quo nutrimur, ma-
nare docent medici. Quorum alterum
apparet in morbis hæreditarijs, qui pro-
pagantur a parentibus ad liberos : alte-
rum, vt magnam habet in omnibus, sic in
exercitibus vim habere maximam expe-
rientia demonstrat. Nam & milites An-
tonij refert Appianus, quum inopia fru-
menti radicibus vescerentur, in herbam
incidisse, quæ primum ad furorem eos
perduceret, deinceps ad mortem: & Ve-
getius edicens ne palustribus aquis vta-
tur exercitus, aquæ malæ potum similem
veneno ait pestilentia bibentes inficere.
Nō dissimilis est ratio spiritualis mortis,
morborum, sanitatis, in corporib⁹ eccle-
siarū. Nā ea, vel integrā vigent valetudi-
ne, vel morbis corripiūtur, vel extingui-
tur morte, pro ratione seminis & alimen-
ti sui . Semen autem & alimentum quo
solent & debent regenerari & enutrirī,
est *verbum Dei*, vt testatur Petrus, quod
euangelizatur a ministris Iesu Christi .

*Galen. de sanit.
tuem. l. 1. c. 2.*

*Appian. de Bell.
Parth.*

*Veg. de re militar.
l. 3. c. 2.*

*1. Pet. 1. 23. &
2. 2.*

G. ij.

Qui.

Quibus igitur in ecclesijs purum, sincerum, incorruptum Dei verbum prædicatur a Ministris, ut in succum & sanguinem vi Sancti spiritus a fidelibus conuertatur: eas ecclesias sanas & valentes, saniores quidem alias alijs, ut verbum purius prædicatur, & Spiritus agit efficacius, sed eas omnes sanas agnoscere debemus. Vbi verò Dei verbum aut neutiquam prædicatur, ut inualescat fames, aut adulteratur verbo humano, tanquam seu fermento, seu lolio, seu veneno: quemadmodum qui nullo pabulo vescuntur periclitantur inedia, qui panem edunt e frumento & lolio confectum in leuem incidunt insaniam: ita necesse est illas ecclesias, vel nullo vel impuro pastas alimento, morbis obnoxias & morti finitimas esse iudicemus. Nam inopiam verbi afferre perniciem docet Amos Propheta, quum indicat Israeli, *Deum immissurum famem & sitim audiendi verbum Domini: quod ubi passim quærerent nec usquam inuenerent, futurum ut virgines & iuuenes ea siti deficerent & caderent, nec resurgerent amplius.* Verbi verò corruptelam non minus esse pestiferam, notat Paulus Apostolus, quum monet Timotheum, *eos qui docent aliam doctrinam, nec accedunt*

Amo. 8. 11.

1. Tim. 6. 3.

cedunt sanis Christi sermonibus & doctrina pietatis, agrotare & insanire circa noxias ineptias, quæ Dei fidem non ædificant : usque adeò, ut eorum sermo depascatur tanquam gangrena, quæ, quum vnam partem corporis inuasit, partes sibi proximas exedit gradatim, quoad totum corpus tandem absumatur. Quod quidem si contigerit, (contingit autem necessario nisi corpori maturè medicina fiat opportuno remedio) quæ fuit corpus, fit cadauer, & esset definit ecclesia: deseritur ab anima, id est, a Dei Spiritu, & a Spiritus organo, id est, a Dei verbo. Atque hunc interitum Christus minatus est non solum in ecclesia vetere Iudæis quum ipsum Messiam aspernarentur, *Ideo tolletur a vobis regnum Dei, & dabitur genti quæ ferat eius fructus*: sed etiam in ecclesia noua Ephesijs, ut eorum angelo denuntiatur, *Nisi resipueris veniam contra te citò, & mouebo candelabrum tuum e loco suo*. Quæ duo vaticinia Christi Seruatoris, duarum ecclesiarum interitus comprobauit: ecclesiæ Iudæicæ paucis post annis, quum ab illis euangelium ad gentes transferretur: Ecclesiæ Ephesinæ multis post sæculis, quum morbis variarum hæresium conflictata, Mahometana peste pridem extincta est.

2. Tim. 2. 17.

Matt. 21. 43.

Rev. 2. 5.

Ac ita quàm breuissimè potui declarauì, quo sensu dicantur ecclesiæ particulares membra catholicæ: quemadmodum ad Dei cultum discendum & exercendum sint institutæ: quo pacto mixtos habeant bonos cum malis, pios cum hypocritis: quæ denique sit earum valetudo, qui morbi, quando minus sanæ, quando sanæ sint putandæ. Quibus intellectis leuior erit labor explicandæ Thes-
 sis: cuius duæ stirpes quibus radicibus nitantur, iam videtis. Ecclesia Romana non est ecclesia catholica: non est sanum membrum ecclesiæ catholicæ. Ecclesia Romana non est ecclesia catholica. Quid euidentius? Nam Catholica, vniuersalis est: particularis, Romana. Vt mihi monstra loqui videatur noster Bristous, & populus Pontificius, qui dicunt, idem esse, Romanam ecclesiam, & ecclesiam catholicam. Dicit quispiam fortassis, eos quum Romanam appellant catholicam, significare sanam & orthodoxam, quæ catholicam tenet fidem: quo modo ius Cæsareum catholicos Christianos, & ecclesiam Africanam catholicam nominat Cyprianus. Falsum id quidem. Etenim Romanam appellant catholicam, vt insinuent imperitis, eam esse ecclesiam extra quam sit

Brist. in Mot. 12.

*Cod. de summa
 Trin. & fide ca-
 tholi.
 Cyp. epist. 55.
 edit. Pam.*

sit nulla salus. At extra Romanam ecclesiam seruati sunt & seruabuntur innu-
meri : extra catholicam prorsus nemo.
Sed esto , Catholicâ significant ortho-
doxam. Nego Romanam esse ortho-
doxam : idque parte altera Thesis com-
prehendo , Non est sanum membrum
ecclesiæ catholicæ . Quum autem infi-
cior eam esse sanum membrum catholi-
cæ : non intelligo languere morbo le-
uiculo, aut infirmitate non periculosa :
quæ minuisse potius sanitatem opti-
mam, quàm omnem sanitatem ademisse
videatur. Nam, vt Galenus de sanitate
corporis cōstituit, satis amplam eius esse
latitudinē & quasi quosdā gradus perfe-
ctionis, vt sani sint qui possunt obire vi-
tæ functiones, licet absolutissima sanita-
te non fruantur : sic in ecclesiarum sani-
tate censeo quosdam esse gradus inte-
gritatis, vt eæ sint sanæ, quæ spiritua-
lis vitæ functiones obeunt non incom-
modè, licet exquisitissimam sanitatem
non attingant . Ob eamque causam &
nostras ecclesias , quamuis intemperi-
em habeant nonnullam e reliquijs mor-
borum , quibus ecclesiæ Romanæ con-
tagio vexarat eas ita grauiter, vt plenè
conualescere nondum potuerint : &
ecclesias Germanicas, quas tentat febricula

*Galen. de san. tu-
end. li. 1. c. 4. & 5.*

*Append. apolog.
eccle. Angl.*

*Apolog. eccles.
Angl.*

cula consubstantiationis, modò cætero-
 qui sanę & integrę Christianam fidem
 & charitatem colant, sanas iudicamus.
 Verum enimverò ecclesia Romana, non
 languet febricula, quę vitę functiones
 non admodum impediatur : sed laborat
 gangræna, vel lepra potius, seu peste ve-
 rius, vt eius valetudo sit prorsus despera-
 ta, nisi Christus cœlestis medicus phar-
 macis salutaribus ab humoribus pestife-
 ris eam purgarit. Ac ea re pronuntio Ro-
 manam ecclesiam non esse sanum mem-
 brum ecclesię catholicę. Id autem de-
 monstrabo duabus rationibus, a causis, &
 effectis : quorum ex alteris nascuntur
 morbi; in alteris cernuntur; ex vtrisque
 probantur certò. Vtinam liceret illis
 explicandis fusius insistere, pro eo ac re-
 rum postulat magnitudo. Sed mos ge-
 rendus est tempori. Dabitur itaque mihi,
 spero, veniam, quòd ea libem cursim, vt
 canis Nilum. Ego digitum ad fontes in-
 tendam : vos ex vnguibus leonem æsti-
 mate : Causas efficientes morborum
 ecclesię, manifestò constat, vt prius at-
 tigi, esse verbi Dei vel corruptelam vel
 famem. Vnde Christus qui iubet *oues*
suas pasci, iubet vt *ea seruare doceantur*,
qua mandauit ipse suis Apostolis : & Pe-
 trus, fideles *regenitos e verbo Dei*, horta-
 tur

Iob. 21. 16.

Matth. 28. 20.

1. Pet. 1. 23.

tur vt expetant verbi lac sincerum, nullò-
que dolo vitiatum, quo per illud adolescant:

1. Pet. 2. 2.

& discipuli qui monentur audire Phari-
seos sedentes in Moſis cathedra, monentur

Matt. 23. 2.

vt caueāt a fermento Phariseorum & Sad-
duceorum. Vt igitur ecclesia sanitatem

Matt. 16. 6.

seruet integram: oportet verbi Dei neq;
corruptela, neque fame confluetur. At

^a Conc. Trid.

ecclesia Romana, cū inuehit, tū de-
fendit & tenet mordicus vt salutarē, non

Sess. 4.

modò corruptelam, sed etiam famem

^b 3. Esdr. 4. 43.

verbi. Ergo non solū non satis sana, ve-
rū etiam furiosa & phrenetica iudican-

& 5. 73. & pas-

da est. Nam corruptelā inuehit, vt à prio-
re ordiar, adulterando verbum Dei ver-

Ecclesiastic. 46.

bo humano, non vno modo, sed mul-
tifariam. Primò, quum ^a libris Apocryphis,

23. & 48. 10.

id est humanis, *authoritatem tribuit ca-*

2. Machab. 1. 19.

nonicam, id est, diuinam. Contra veri-

& 2. 1.

tatem sacræ scripturæ, ^b cui quædam in

^c 4. Esdr. 10. 22.

apocryphis liquidò refragantur: contra

& 2. Mach. 2. 4.

perspicuam rerum euidentiam ^c quæ

1. Mach. 6. 8.

mutuā repugnantia produnt homines

& 2. Mach. 1. 16

authores: contra testatissimam vocem

& 9. 5. de An-
niocho.

ecclesiæ, ^d Veteris vniuersæ, & ^e optimæ

^d Iudaicæ. Hier.

partis nouæ. Secundò quum humanas

præf. in Iudish.

traditiones pari pietatis affectu & reue-

cat. libr. apocr.

rentia suscipit cum scriptura. Quasi non ^g

Iosephus contra.

sufficeret ad fidem & mores sacra scrip-

Apion. l. 1.

tura, perfectissima, Dei norma, canon sa-

And. defens. Tri-

pien-

fid. li. 3. Erid. li. 1.

G.v.

^e Concil. Laod.

vide 1. Thesis.

can. 59. Atha-

nas. in synopsi. sa-

cræ scriptur.

Epiphan. libr. de

mensur. & pon-

der. Hieron. præ-

fat. in libros Sa-

lom. Vide Fran-

Iun. in libr. A-

poery.

^f Conc. Trid.

Sess. 4.

^g 2. Tim. 3. 16.

b Basil. de Spir.

Sanct. cap. 27.

c Epiph. cont.

her. l. 2. b. 75.

d Brist in Mot.

9. & 46. &

Andr. defen. fid.

Trid. l. 2.

l Conc. Trid.

Sess. 4.

m Decr. 1.

n Decr. 2.

o Comment. in

prophe. & Nou.

Testam.

p Aug. de doct.

Christ. l. 2. ca. 15.

Hilar. in 2. psal.

q c. qui magis t

proban. 70. in-

terpre. vid. Aug.

de ciu. Dei. lib.

18. cap. 43.

r In epist. ad

element. 7. 11.

s Annot. prior. in

Pandect.

t Defens. fid.

Tria. lib. 4.

u Tom. 8. Bibl.

Reg. in pref.

v Conc. Trid.

Sess. 4. dec. 2.

w Cusan. in epist. 2.

ad Bohem.

pientia, regula iustitia: aut posset Dei
 spiritus sibi contradicere, quod innuunt
 traditiones, quarum alie inter se, cum
 scriptura pugnant alie. Nam magno res
 hæc agitur cum periculo scriptura, quæ
 Romæ non maiore suscipitur reueren-
 tia, quam traditiones: traditiones au-
 tem non omnes ibi coli, è b Basilio & E-
 piphanio, k quos citant ipsi, clarum est.
 Tertiò, quum l *veterem sacrorum Bi-*
bliorum versionem latinam, quã vulgo tri-
 buunt Hieronymo, m *inbet suscipi ubique*
ut sacram & canonicam, n *nec unquam*
ullo pretextu rejici. Quã tamen, vt omit-
 tam o Hieronymi p priscorumque Patrũ
 iudicium: inter ipsos Pontificios lingua-
 rum peritissimi, q Pagninus in vetere, r Bu-
 dæus in nouo; s Iacobus Andradius, &
 Arias Montanus, in vtroq; Testamen-
 to, nonnunquam à sententia Sancti spiri-
 tus, non modò verbis, agnoscunt aberras-
 se. Quartò, quum u *sensum in expositione*
scripturae solum approbat, eum quem ec-
clesia tenet Romana, aut Patrum unanimis
tradit consensus. Quo decreto efficitur
 vt sc̃sus Sancti Spiritus sæpè repudietur,
 humani verò sensus, quamuis sibi con-
 trarij, tamen si pro tempore currant &
 practicentur, vt loquitur Cusanus Car-
 dinalis, sint, authentici: quæ Scholasti-

cū Theologi cū Philosophorum,
 tum e suis lacunis infererunt verbo
 Dei, pro sacris habeantur: quę non-
 nulli patres tractauerunt sanius, sper-
 nantur vt humana, licet consona sint di-
 uinis: in quibus autem humano vel affe-
 ctu vel ratione ducti claudicarunt, illis
 stetur vt diuinis, etsi dicta sint humani-
 tus. Quintò, quum *sacrosanctis Dei man-*
datis adiungit mandata ecclesie, id est ho-
 minum, eaque, quod maius est, non vt
ad id opor, sed vt ad salutem pariter neces-
 saria. Ita, quicquid demum sordium in-
 uerit, nomine deuotio, reuerā super-
 stitio, id omne iudicabitur pura religio:
 & frustra coletur dominus à nobis, velut
 olim à Iudeis, mandatis hominū: & bonę
 intentiones, vt nominantur vulgò, quas
 execratur Deus, præferentur obediē-
 tię: & cultus volūtarij, quos scriptura de-
 testatur, erigentur in ecclesia, vt sanctitas
 sanctitatum. Sextò, quū *imagines statuit*
in Templis, ad populum erudiendum:
 tanquam libros, vt *b* cuidam videntur
 idiotarum. Miseros idiōtas, quibus e-
 rudiendis adhibetur lignum *c* eruditio
 vanitatum: quorum magister est simu-
 lachrū, *d* magister mendacij, si credimus
 Prophetis. Et miramur eos esse discipu-
 los

Conc. Trid. Sess.
 6. cap. 10.

Matt. 15. 9.

1. Sam. 15. 23.

Col. 2. 23.

a Conc. Trid.
 Sess. 25.

b Greg. epist. lib.
 9. cap. 9.

c Jer. 10. 8.

d Abac. 2. 18.

los peruersitatum : quos erudiunt idôla muta, doctores errorum? Corruptelam itaque verbi diuini tantam importauit ecclesia Romana, qua libris apocryphis, quâ traditionibus, quâ vitijs interpretis, quâ sensu pontificio, quâ mandatis ecclesię, quâ magistris idiotarum: vt alimentum vitę non sordibus, sed venenis, & vinum Iehovę non aquâ, sed toxico, & panem Iesu Christi non fermēto, sed a conito permiscuisse videatur. Verbi verò famem, quam morborum alteram causam esse docui, quantā importarit Reipublicę Christianę, maiores nostri senserunt diu, & grandes natu meminisse possunt, & ecclesiasticę testantur historię, & sciunt ecclesię, quas Romanum premit iugum. Nam etsi nō nunquam, alicubi, fortassis partem exiguan verbi Dei, si tamen verbum Dei dicendum est, quod hominum cōmenta magis sapuit quā Deum, permisit apud populum a cuius modicunque præconibus attingi: tamē illam copiam & vberatatem, quam requirit Apostolus in populo Christiano, quum dicit Colossensibus, *Verbū Christi habitet in vobis abundanter cum omni sapientia*: non modò non permisit, sed etiam impediuit tam inhumaniter quā impiē, ac ne adhuc quidē

im-

impedire cessat. Cum enim hæc Vber-
tas fidelibus acquiratur duobus modis
potissimū, audiendo & legendo, quorum
alterius in publicis conuentibus ecclesi-
asticis, alterius cuique domi priuatim
facultatem, & ^a instituit sanctus spiritus
& ^b vsurparunt sancti coetus & ^c appro-
bavit sancta ecclesia: Romani nostri præ-
texentes semina iactum iri confusionis
horrende, & ecclesiā *Babyloni futuram si-*
milem non Ierosolymæ vt ait Hosius Car-
dinalis, *si linguis vernaculis legantur sacra*
litteræ lingua perigrina, quam populus
non intelligit, cum obsignatas eas seruāt,
vt videntes non legant, tum recitant,
in ecclesiis vt audientes non audiant. V-
trum maiore contumelia in Deum, an in-
iuria in populum, difficile est dictu:
cū expressum habeant Dei mandatū,
cuncta esse facienda ad adificationem: non
autem intellecta, credo, non edificent,
ne *Babylonem* quidem. Sed isto modo
fideles non possunt audire publicè Dei
verbum, quia *lingua exotica & peregrino*
sermone loquentem cum audiunt. Quod
influxit Deus Iudeis, vt supplicium:
Isti Christianis obtrudunt, vt beneficiū.
Priuatim verò legere multo possunt mi-
nus: quia neque vernaculas habent
scripturarum interpretationes, & mul-
ti,

^a Deut. 6. 9. &
11. 18. & 31. 11.
Luc. 11. 28.

Reu. 1. 3.

^b Nebem. 8. 9.

Luc. 4. 17

Act. 3. 30. &

13. 15. & 17. 11.

^c Hier. in ep. ad

Letam de inst.

filia, ad Demetr.

de virg. ad Fur.

de vid. seruand.

Chrysost. proem.

in epist. ad Rom.

in ep. ad Collos.

Hom. 9. & pass.

Bernard. ad sor.

de mod. ben. viu.

ser. 50. & vniu.

eccl. prim. Hebr.

Græc. lat.

^d Dial. de sacra

vern. leg.

1. Cor. 14. 26.

Gen. 11. 7.

Esa. 28. 11.

*Act. & monum.
eccle. hist. Ang.
impr. reg. Henr. 8.*

ti parentum nostrorum memoria dam-
nati sunt hæresis, quòd aliquam earum
partem in sermonem patrium transla-
tam lectitarint. Quare, cum vberè ver-
bi Christi copiam, quam Christiano po-
pulo, non procurare facinus est; non
probare, scelus; non permittere, parrici-
dium, ecclesia Romana tantum abest vt
permittat, vt furialibus edictis & flam-
mis impediatur: nihil dicam grauius in e-
ius tyrannidem, sed impudens sit oportet,
qui neget eam inuexisse famem ver-
bi vitæ.

Ergo causæ morborum, cœlestis
alimenti partim impuritas, partim pe-
nuria, id est, & corruptela & fames
verbi Dei, sunt in ecclesia Romana ma-
nifestæ. Qualis autem causa, talis effe-
ctus: & ex amaris fontibus amaræ ma-
nant aquæ. Quo minus est mirandum
in effectis eius atq; functionibus apparê-
re perditam valetudinem, qualem ex
causis talibus gigni consentaneum est.
Ecclesiæ siquidem valentis & sanæ, quæ
facultates non habet læsas, quatuor præ-
cipuè sunt functiones, vt Acta docent A-
postolorum, & epistolæ D. Pauli ad Co-
rinthios & Timotheum: nimirum, vt cõ-
uenienter sacro Dei verbo, doctrina fidei
prædicetur, sacramenta celebrentur,
con-

*Act. 2. 42. &
10. 33. & 20.
7. & c. 1. Cor. 5. 4.
& 11. 20. &
14. 26. & 16. 2.
& c. 1. Tim. 2. 1.
& 3. 25. & 10-
3a epist.*

concipiantur preces, & disciplina exerceatur. At ab ecclesia Romana, neque fides Christi purè prædicatur, neque sacramenta ritè celebrantur, neque religiosè concipiuntur preces, neque disciplina salubriter exercetur. Romana igitur ecclesia non magis sana est, quam fuit eius filia qui dixit Christo, *Filia mea in extremum adducta est.* Nam, ^{Mar. 5. 23.} ut de singulis ordine pauca dicam: Summa doctrinæ Christianæ fidei, est salus fidelium per Iesum Christum agnum Dei: cuius salutis ^a originem petunt à ^a Eph. 2. 4. Dei gratia, ^b substantiam ponunt in Dei ^b Rom. 3. 2. 1. iustitia, ^c finem autem referunt ad Dei ^c Eph. 1. 6. gloriam sacræ scripturæ. Hæc sancta religio, quæ proram & puppim salutis facit Deum, totum ei tribuens, hominibusque detrahens, ut Iehoua solo non carne confidamus: plus satis Christianam sapit modestiam, non satis Romanæ facit superbiam. Eaque propter, quemadmodum Prometheus in fabulis Græcorum, tribuisse fertur è sacrificio partem Ioui, partem sibi: ita Pontificiæ Prometheus, ecclesiæ, in sacris Romanorum, salutis originem partim Dei gratiæ, partim viribus naturæ, salutis substantiam partim Dei iustitiæ, partim meritis humanis; salutis nostræ finem partim Dei

^a Catech. ed. ex.
 decret. Conc. Tri.
 Andr. ad. in or-
 thod. explic.
 Ruard. Tapp. in
 artic. The. Lou.
 Card. Hosius in
 confess. Petric.
 Jus canonicum.
^b Concil. Trident
 sess. 6. cap. 5.

^a Sess. ead. cap. 6.
 Hosius confess.
 Jo. 2. cap. 13.
 Id. Kemme
 in exa. Conc. Tri.

^d 1. Cor. 15. 10.
^e vulgat. anteq.

Dei glorię partim creaturarum cultui as-
 signat . Nec ista facit vnus quispiam
 Prometheus, vel Epimetheus potius,
 sed Epimetheorum vniuersus cœtus &
 concilium Tridenti : subobscurius non-
 nunquam, vt fraudes tegant tenebris,
 ita tamen vt ^a interpretes eorum sensus
 abditos proferant in lucem. Etenim,
 principio, ^b cum Dei gratia coniungunt
 & consociant vires naturales liberi arbi-
 trij & voluntatis sue : tanquam adiuua-
 ret tantum infirmam & excitaret lan-
 guidam, non corruptam renoua-
 ret & repararet perditam volunta-
 tem Deus. Quid, quod & ^c opera præ-
 parationis ab infidelibus volunt fieri,
 quibus, etsi factis sine fide, non delin-
 quant, immò Dei gratiam sibi concilient?
 Ita cum liberi viribus arbitrij, tum suis
 operibus præparationis, efficiunt quan-
 tum possunt, contendunt quidem certè:
 ne totum Dei gratię, quę cum ipsis est,
 vt ^d de seipso dicit Paulus: sed *gratia Dei*
secum, vt ^e interpretis habet error, id est,
 aliquid Dei gratię, aliquid ipsorum me-
 rito, saltem vt merito congrui, tribua-
 tur. Dei verò iustitiam, quę nobis da-
 tur in Christo, dum Christi sacrificio pro
 fidelibus oblato, & Christi obedientia
 fidelibus imputata, mundamur à pecca-

tis & absolui mur vt iusti coram Dei tri-
 buali ,freiiciunt & condemnant tan-
 quā hereticā. Eiq; vel substituūt tanquā
 inani, vel saltem agglutinant tanquā im-
 perfectē, iustitiam hominum ex suis o-
 peribus & meritis condigni: factis Chri-
 sti gratia, dicent, concedo, sed ex suis ta-
 men ipsorum operibus & meritis con-
 digni, quē vocant Scholastici, id est, quo-
 rum dignitas æternā vitam mereatur : vt
 eā, non ex dono, sed ex debito, ex suo
 merito, non ex Christi, *tanquam trium-*
phatores, non tanquam petitores, non tanquā
pauperes, sed tanquam victores, & vt glori-
 atur theologia Louaniensis, potiantur.
 Itaque non solum extenuant dignitatem
 meritorum Christi, vsque adeo vt sup-
 pleant eorum infirmitatem ^h suis meritis
 & alienis, operibus debitis & indebitis,
 sacrificijs, indulgentijs, peregrinationi-
 bus, thesauris ecclesie, precibus Sanctorū,
 satisfactionibus denique, dum viuunt,
 & pœnis post mortem in purgatorio: ve-
 rum etiam extollunt ad fidera dignita-
 tem meritorum suorum, quibus non so-
 lum ⁱ se posse perfectē prestare legem
 Dei, & ^k *Verè promereri vitam æternam:*
 sed etiam ^l plus prestare quā lege Dei
 teneantur, & supererogare, quo iuuent
 alios suis meritis, superbissimē profiten-
 tur.

Trid. Conc. Sess.
 6. cap. 7. & 11.

2 In expl. artic.
 sac. Theol. Lou.
 Ruard. Tapper.
 Tom. 2. Artic. 9

h Cone. Trid. Sess.
 14. cap. 8. & 9.
 Sess. 21. cap. 9.
 Sess. 22. cap. 2.
 & 6. Sess. 25.
 Decr. de Purg.
 & de indulg.

i Sess. 6. cap. 11.
 k Sess. ead. cap. 16
 l Sess. 21. cap. 9.
 Hos. confess. Per.
 Tom. 1. cap. 48.
 Extra. c. vnigeni-
 tus de panis. &
 remiss.

■ Sess. 14. cap. 5.

■ Sess. 25. de reg.
cap. 1. vid. Cle-
ment. ca. Exlvi.

○ Sess. 5. de pecc.
orig. Artic. 5.

■ Sess. 6. cap. 9.
○ 12. & 13. &
16.

■ Sess. 25. Decr.
2.

■ Sess. 5. art. 5.
○ Sess. 6. can. 23

■ Sess. 25. Decr.
2.

Mat. 4. 10.

tur. Vnde fit vt peccata quoque sua non minus deprimant, quàm virtutes exaggerent: neque modò ^m venialia faciant ex mortalibus, & ⁿ præcepta Dei nostri transforment in consilia, sed etiam ^o concupiscentiam peccatum esse negent, & furias cupiditatum, quibus stimulatì legi Dei rebellamus, ab impuritate criminis absoluant. Quam tamen doctrinā, quantumcunque suis, siue meritis adijciant, siue detrahant peccatis, dum ex operibus iustificari volūt: nihil aliud assequuntur, quàm vt incredibili carnificina conscientie, perpetuò diffidant & dubitent de salute, quod ne ipsi quidem negant, p immò docent diffidendum, quia nesciunt an satis meritorum habeant: vt eorū doctrina, nō doctrina fidei, sed diffidētie vocanda iure videatur. Quis autē miretur eos qui tantum detrahunt de Dei iustitia: non minus delibare de Dei gloria? Cuius cultum communicant, non dico q cum sanctis, cum electis Angelis, cum beata virgine, & quā vacuitate ab omnibus peccatis adæquant Iesu Christo: sed, quod est indignius, s cum reliquijs, cū imaginibus, cū quisquilijs quisquiliarum, & sordibus abiectissimis: contra Domini mandatum, *Deo soli seruias*. Distinguunt, fateor istis tribui cultum dulie:

dulie, soli Deo reseruari cultum latræ
Futiliter, & falso. Nam cultum latræ qui
vero Deo debetur, non tantum eucha-
ristiæ deferunt sacramento: in quo se ex-
cusabunt quod ipsam esse Dominum
& Deum suum statuunt: sed etiam cru-
ci Christi, immò crucis effigiei ligneo
simulachro: quemadmodum x Angeli-
cus Doctor, Thomas Aquinas, in sum-
ma Theologica docet & confirmat, ab
vfu ecclesiæ, idque y Caietanus Cardi-
nalis laudat, nec z Andræ diffitetur
sed defendit strenuè. Quare, quum vniuer-
sa doctrina fidei Christianæ, nostram
miseriam & Dei bonitatem, nostram ma-
litiam & Dei misericordiam ob oculos
nobis ponat, vt per cognitionem Dei &
nostri, piè de Deo, sumissè de nobis ipsis
sentientes, à Dei gratia, per Dei iustiti-
am, ad Dei gloriam, salutem nobis dari
in Christo confidamus: ecqua tandem
ei potest esse communio cum Tridenti-
næ fidei doctrina, quæ pro religione su-
perstitionem, pro modestia superbiam,
pro fiducia diffidentiam, pro Christia-
na pietate vanitatem Pharisaicam, id est
vt verbo finiam, pro fide perfidiam se-
minare conatur? Iam, quid ego di-
cam de Sacramentis? vt sacros il-
los ritus, ad obsignandam Dei gratiam

H.ij.

Scholast. in ma-
gistr. sent. lib.
3. distinct. 9.
Concil. trident.
Sess. 13. cap. 5.

u Brist. mor. 26.

x In sum. Theol.
part. 3. quest. 25.
artic. 4.

y Comment. in
Sum. Tho. Aqu.
z In orthodox.
explicat. lib. 2.

Concil. Trid. Sess.
7. de sacram. in
gen. Can. 1. & 8.
& 11. & 13.

a

ſeſſ. 22. cap. 1.
C. 2.

^a Miſſa de Sane-
to Antonio.
^b ſeſſ. 22. cap. 2.

^c Cap. 1. C. 2.

^d ſeſſ. 13. cap. 1.

a Chriſto nobis traditos, amplificarin-
numero, minuerint efficacia, peruerterint
erroribus, polluerint ceremonijs, inuen-
tis hominum inquinarint, & ſpoliarint
ſuo fructu dum lingua celebrant non
intellecta. Quibus detrimentis, vt omit-
tam quam grauiter atque peſtilenter af-
flexerint Baptiſmũ, cuius tamen animam
atque ſubſtantiam diuina miſericordia
conſeruauit integram: ſacroſanctam
coenam Domini tot ac tantis errorum a-
buſuumque corruptelis tam foede con-
taminarunt, vt nullum propemodum
Coenę veſtigium in ea poſſit deprehen-
di. Nam ex ſacramento fecerunt ſacri-
cium, non gratiarum actionis, ſed propi-
tatorium, nec propitiatorium vt adum-
brans Chriſtum, ſed verè & propriè
propitiatorium: quod offerat ſacrificus,
quaſi nouus ſacerdos ſecundum ordi-
nem Melchizedec, non ſolum pro viu-
is, ſed etiam pro defunctis: nec pro viu-
is ſolum & defunctis vt ſeruentur, ſed ^a vt
porcos etiam liberent a morbis, & ^b pro
quibuſcunque neceſſitatibus alijs. Vni-
cam illam hoſtiam, quę ſemel oblata ſan-
ctificauit credentes in æternum, ^c ſacri-
ficant de integro, & exinaniunt mortem
Chriſti. Tollunt humanam Chriſti na-
turam ^d reali præſentia. Tollunt rationẽ
omnem

omnē sacramenti ^e Transubstantiatione. ^e *Seff. ead. ca. 4.*
 Tollunt germanum communionis vsū,
^f Missis priuatis. Tollunt institutum Ser- ^f *Seff. 22. cap. 6.*
 uatoris nostri, tollunt singulare solatium
 fidelium, tollunt dulcissimum salutis te- ^g *Seff. 21. cap. 2.*
 stimonium, ^g Communione mancā
 sub vna tantum specie. Tollunt, propē
 dixerim, religionē ipsam, profanant qui-
 dem certē sacrilegio plus quā ethnicæ
 superstitionis, dum circumgestant panē
 quem Christi vocant corpus, ^h in proces- ^h *Seff. 13. cap. 8.*
 sionibus, vt adoretur tanquam Deus:
 & ⁱ ante Romanum pontificem in equo,
 cum laternis & tintinnabulis, non multo
 secus atq; ^k Persæ gestabant ignem Deū
 suum ante regem Persarū. In precibus
 verò publicis, quę sunt institutæ, vt vni-
 uersus cœtus populi Christiani, quasi
 manu facta, sicut loquitur ^l Tertullianus, ^l *In Apologet.*
 ad Deū precationibus ambient orantes,
 eumq; venerentur: Romani nostri, non
 contenti fraudasse Deū sua gloria, ^m co- ^m *Concil. Trid.*
 lentes precibus creaturas, easque mutas ^{Seff. 25.}
 quod est turpius, oleū, saxa, cruces, idōla, ^{Andr. orthod.}
ⁿ dicentes ligno, pater meus es, & lapidi, Tu ^{expli. lib. 9.}
ⁿ peperisti me, ⁿ vt illi apud Ieremiam: frau- ⁿ *Ierem. 2. 27.*
 dant Dei populum suo cum officio, tum
 subsidio pietatis, ^o precantes linguā pere- ^o *Concil. Trid.*
 grinā, quā neq; potest vnā populus pre- ^{Seff. 22. cap. 8.}
 cari, nec excitari pr̄sus ad studiū pietatis.

H. iij.

Nam.

¶ Sess. 25. in
 Decr. de purgat.
 ¶ Psalteriū Ie-
 su, ut inscribitur
 impress. Antu.
 * Mat. 6. 7.
 * Bapt. Mant.
 Alfonsi lib. 4.
 * Mat. 6. 7.
 * Rom. 10. 17.
 * Rom. 14. 23.

¶ 1. Cor. 14.
 ver. 37. & ver. 19
 * ver. 16. Iustin.
 & Tertull. in
 apolog. & Hist.
 ecclesiast.

* Num 3. 10.
 Heb. 5. 4.
 b Exod. 25. 30
 Matt. 28. 20.
 c 1. Cor. 12. 7.
 Ephe 4. 12.

Cic. Philip. 13.

Nā, illa, leuia sunt in istis vitia, ^p orare pro
 mortuis, ut eruantur e purgatorio: & doce
 re homines ^{Βασιλογαίν}, religionis pretextu,
Qua filo insertis numerat sua murmura
baccis.

Quanquam eorum alterum, sine
 verbo Dei, alterum, *s* contra verbum
 est: ^t eoq; neutrum ex fide est: ^u eoq; v-
 trumque peccatum est. Sed hec in istis
 tolerabilia: colorem saltem habēt aliquē
 seu cōsuetudinis antiquę, seu rationis hu-
 manę, seu zeli sine scientia. Precari verò
 Deum non intellectis sonis, more psitta-
 corum, ratione tam absurdum est, religi-
 one tam impiū, tam contrariū expresso
 & ^x Domini mandato, & ^y Apostoli iudi-
 cio, & ^z exēplo ecclesię, non dico ecclesię
 Iudaicę, nō Syrę, non Gręcę, nō Latine,
 sed ecclesię cuiusvis & cuiusque, ab orbe
 condito, ad superiora tenebricosa secula,
 quibus ecclesiam inundarunt Barbari: ut
 id qui faciant, desipere; qui defendant, in-
 sanire cum ratione velle videantur. Reli-
 quum est, ut agam de disciplinā: cuius ea
 ratio in sacris litteris p̄scripta est, ut ec-
 clesia gubernetur, ^a a Dei ministris, ^b ex
 Dei legibus, ^c ad salutē populi Dei. Quid
 autem horū obseruatur in ecclesia Ro-
 mana? Vbi Dei ministri remouētur a gu-
 bernaculis per Romanū pontificem: qui,
 non Senator voluntarius, ut ait Cicero de
 Asinio,

Afinio, lectus ipse a se, sed volūtarius tyrānus sumit inperiū in vniuersā ecclesiā: qui, vt assequatur quē ambit dominatū, reiecta stultitia ^d Pauli & ^e Petri, nec se nec suos patitur *subijci potestatibus supereminentibus*: qui g potestatē sibi tribuit conferendi & auferendi principatus & regna totius orbis terræ, ius omne regum omnium à se pendere statuēs: qui duos sibi gladios ^h spiritualē & temporalē ausus est vendicare, (quid autē ille nō audeat,) idē ex euangelio, dicentibus Apostolis, *Ecce duo gladij hīc*: qui gladio temporalī, ex parte regibus cōmisso, ex parte sibi reseruato, ^k spiritualē gladiū episcoporum omniū & presbyterorum in suam condidit vaginam: qui ^l Cardinales sibi fecit ex ecclesiæ ministris ^m æquales Regum, custodes principum, protectores gentium, dignum Tarquinio suo senatū: qui ⁿ summos imperatores, qui ^o cunctos episcopos, qui ^p respublicas, ecclesias, Academias christianas iureiurādo adigit in suam obediētiam: qui ^q recipit ad oscula beatorū pedū, nō ^r Corneliū Centurionē, quod tamen nunquā fecisset Petrus, sed dominos centurionū, monarchas & Cæsares, Augustos, & Augustas: qui deniq; ^s regali comitatu & amictu, nō seruis sed nobilibus viris famulantibus, ^t nō vno sed

H.iiij.

tri-

^d Rom. 13. 1.^e 1. Pet. 2. 13.^f c. significasti.^g c. si diligenti.^h de foro compet.ⁱ c. ad apostolicā^j de re. iud. in sex-^k to. Clement. ca.^l Pastoralis de re-^m iudic. Franc. Go-ⁿ mar. in Hist. occ.^o Ind. cap. 101.^p Extra. cap. vnā^q sanctam. de ma-^r ior. & obedi-^s ent.^t Luc. 22. 38.^u Dist. 19. & 21^v & 22. & c.^w significasti. de^x election.^y Ouphr. in voc.^z ecclesiast. interp.^{aa} & de orig. Car-^{ab} din.^{ac} Lib. 1. & 3. sa-^{ad} crar. cerem. eccl.^{ae} Rom.^{af} Clemēte. c. Ro-^{ag} mani. de iur. iur.^{ah} c. Ego N. episco-^{ai} pus. de iur. iur.^{aj} Conc. Tri. Sess.^{ak} 25. de reform. c.^{al} 2. & Bulla. Pii.^{am} 4. de iuran. form.^{an} in appendice Cō-^{ao} cil. Trid.^{ap} 1 Lib. sacra. ce-^{aq} rem. Rom. eccle.^{ar} li. 1. sect. 5.^{as} Act. 10. 26.^{at} Sacr. ceremon.^{au} Rom. eccle. &^{av} Platin. de vit.^{aw} Pont.^{ax} Bapt. Mant. ad^{ay} Innoc. 8.

^a Canonist ex-
tra. Iob. 22. cap.
eum inter. In
Glossa.

^z Thom. Staple-
ton. in princip.
fid. doct. pref. ad
Gregor. 13.

^{Maria}. Victor. in
Tom. 4. operum
D. Hier. pref. ad
Pam. Quint.

⁷ Bapt. Mant.
Alphonfi. lib. 4.

^z. Bernard. l. 4.
de consid. ad Eug.

^a Platin. de vir.
pont. in Paulo 2.

^b Platina in vita
Clementis quint.

^c Fran. Turrian.
de ecclesia &
ord. min. l. 1. c. 2.

Fra. Duar. pref.
De sacr. ecclesi.
minist. ac ben.

triplici redimitus diademate,^a vocatus
à parasitis *Dominus Deus noster*, ^x à gra-
uibus doctoribus *optimus maximus*, y luxu
tumescēs & fastu splendēs Perfico; (*tra*,
^z *Et tunica gēmas, & a habēt redimicula mi-*
Clara micāte auro, flāmasq; imitāte b pyropo,
O vere Phrygia, neq; enim Phryges:
Christi politiam ecclesiasticā, ordinatissimā
vt aciē castrorū, tanquā aliquo Cir-
cēo poculo conuertit in visibilem Mo-
narchiam & ^c *regnum Romanarum*. Atq;
vt illud vetus dictum impleretur, Nouus
rex, noua lex; qualia, labra tales lactucas:
pro legibus diuinis, quibus suam Domi-
nus ecclesiam regi voluit, leges pontifi-
cias; & pro Canonicis scripturis nouum
ius Canonicū, ad gubernandum regnum
suū tulit nouus Pontifex. De cuius iuris
iniustitia, (ne cuiquā videar, vt futor vl-
tra crepidam, ea reprehendere quę forlā
ignoro:) malo sententiā doctissimi pro-
fessoris iurisprudentiæ quā meā audia-
tis. Franciscus Duarenus homo peritissi-
mus vtriusq; iuris, & inrisconsultorū me-
morię nostrę princeps, emisit in lu-
cem opus eruditum *de sacris ecclesie*
ministerijs ac beneficijs, quasi quoddam
compendium iuris Canonici: probatum
iudicio Parisiensis curiē, munitū priuile-
gio regis Gallorū, vt nemo suspectū ha-
bere

bere possit merito vel authorē, vel opus
tāquam hæreticū. In eius ergo libri præ-
fatione, postquam docuisset vniuersum
ius Canonicum contineri *Decretis* col-
lectis a Gratiano, & epistolis *Decretali-
bus* Romanorum Pontificum: adiungit,
*in illis quinque libris decretalium, quos edi-
dit Gregorius nonus, esse multa, quæ multum
degenerent ab illa prisca disciplina, quam
liber continet Decretorum.* Ex eoque na-
tum esse commemorat tritum apud Gal-
los, & vulgo iactatum quasi prouerbiū:
*Malè cum humanis rebus actum esse, ex
quo decretis alæ accesserunt: id est, ex quo
Decretis successere Decretales, quæ vo-
cantur, epistolæ. Siquidem, antiquam sim-
plicitatem ab ecclesiasticis causis auolasse,
quum illæ Decretorum alæ nascerentur:
ut solent res humana labi in deterius; sic
omnia fatis in peius ruere, & retrò sublapsa
referri.* Porro *Decretalium sextum, quem
adiecit Bonifacius octauus, ait Duarenus
nunquam fuisse receptum in Francia: quod
eius pleraque constitutiones in odium Phi-
lippi Francorum regis editæ, & ad Romane
aulæ quæstum excogitatæ crederentur. Ne
Clementinas quidē & Extranagantes, quæ
postremum occupant locum Decretali-
um, similibus vacare vitis & nauis: immò
posteriores Pontificum sanctiones esse ple-*

^a Lancelot. lib. 3.
comment. Instit.
Jur. Can.

^b Distinct. 19.
ca. In Canonis.

^c De doct. Christ.
lib. 2. cap. 8.

^d Alfons. de cast.
adu. ha. l. 1. cap. 2.

^e Andr. Defens.
ſd. Trid. l. 3.

^f De confid. ad
Eugen. lib. 1.

runq³ prioribus peiores. Et hoc est ius canonicū, hæ leges Pontificiæ, quibus licet admodum indignis ecclesia, Duareno iudice, tamen ecclesia Romana gubernatur: atque ita gubernatur, vt ^a *decreta*, quæ puriora sunt, minus habeant authoritatis: *decretales*, quæ minus puræ, magis firmæ sint: & *authentica*. Quid, quod eò res euasit, vt epistolas Romanorum pontificum *Decretales*, ^b Gratianus, in aureo suo fundamento iuris Canonici, voluerit haberi pro sacrosactis, & *inter Canonicas scripturas numerari*? Cuius ad rei fidē faciendā turpissimē corrupit atq; deprauauit sententiam ^c Augustini. Verū, nō successit. Vt ipsos Pontificios ^d Alfonsum & ^e Andradium eius aut flagitij aut errati pudeat. Manent igitur *Decretales*, non in ipso quidem scripturarū canone, quade spe Gigantes, diuisis linguis, sunt deiecti: sed autoritate tamen æquales Canonicis scripturis, & in ecclesiasticis causis decidendis superiores, Romæ. Etenim, quod olim questus est ^f Bernardus apud Eugenium, id apud quem uis Romanum Pontificem, si reuiuisceret, queri posset: *Quotidie perſtrepunt in tuo palatio, leges, nō Domini, sed Iustiniani. Iustēne: tu videris. Nam certē lex Domini immaculata, conuertens animas. Hæ*

autem non tam leges quam lites sunt, & cauillationes subuertentes iudicium. Quin & modus ille qui frequentatur in causis agitantibus, est execrabilis planè, & qui non dico ecclesiam sed nec forum deceret.

Modum autem eum significat Bernardus, quem g Romana Cancellaria, h quâuis nondum adultum ad eam magnitudinem, ad quam excreuit postea, tamen multò prius in lucem ediderat:

nempè i qui teritur in litigiosis aduocatorum disputationibus & verborum pugnis, aptioribus ad subuertendam quam inueniendam veritatem, in actionibus causidicorum, qui struunt calumnias innocentie, obstruunt vias iudicij, destruunt simplicitatem veritatis, in frustratorijs dilationibus, & similibus aucupijs pecuniarum & litium: quæ manarunt e legibus, sed Iustiniani, quemadmodum Bernardo videtur, non Domini. Istis ergo legibus Pontifex Romanus, vt ad finem veniam, non ad Christianæ Reipublicæ salutem procurandam vtitur, sed ad satiandam, si ta-

g Practica.
Cancell. Apost.
h Lud. Gomeff.
proam. regul.
Cancel. Apost.

i Bernard. ibidem. & l. 3.

* Prou. 30. 13.
Affer, Affer.

Cur

^a Regula. 2. Cancell. Apost. & quæ sequuntur.
^f Decret. epi. Rom. Pontif. & Reg. Cancell. Apost.
^Vide Instituit. Iuris canon. & Fran. Duar. de. sacr. ecclesi. minist. ac ben. & Gentian. Heruet. de reparand. ecclesiast. disciplin.
^m Ammian. Marcell. l. 27.
ⁿ Bapt. Mant. lib. 5. Fast. in Urban.
^o Bernar. epist. 42. ad archiep. Sen.
^p Concil. Basil. Sess. 21.
^q Conc. Mileuit. can. 9. & 22. Con. Carthag. 6. c. 105.
^r Conc. African. can. 103. Conc. Basil. can. 27.
^s Cyprian. epist. 55. adit Pam. Augustin. in Conc. Mileu. Bernard. lib. 3. de consid. ad Eug.
^t Conc. Trid. Sess. 14. cap. 7. Extra c. es si dominici, de pœnit. & remiss.
^u Con. Trid. Sess. 24. ca. 20. Pract. Cancell. Apost.
^v Bernard. lib. 3. de consid. ad Eug.

Cur lites auocauit ad curiam Romanam? Cur reseruauit sibi casus? Cur soluit canones pro libito? Cur leges fixit & refixit? & Episcoporum electiones ab illis quorum erant, ad seipsum transtulit: Dei ministros, magistratus, populum, suo iure fraudauit: greges Iesu Christi commisit animalibus importunis & stupidis: collationibus, præuentionibus, prouisionibus, reservationibus, translationibus, permutationibus, expectatiuis gratijs, & commendis, sacerdotia quibus voluit, vt voluit, addixit: Ordinationes instituit sine titulo, ministeria sine munere, beneficia sine cura, sacrilegia sine pœna: ecclesiæ facultates, id est, pastorum victum & bona pauperum, immiuit pensionibus, exhausit Annatis, alienauit vnionibus, iniurijs occupauit, libidinibus profudit, non sine nota publica in superbiæ, in luxuriæ, in rapinæ, in Simonix: ecclesiæ controuersias in illis locis agi, cognosci, decidi, in quibus nascebantur, quod æquitas, quod ratio, quod pax, quod iudicium q Conciliorum & Patrum postulabat, non permisit: sed Romam audiendas & iudicandas abstulit, s quā reservationibus casuum sibi soli, t quā causis auocandis sub annulo piscatoris, u quā personarū exēptionibus,

ut Romano subessent vni,^a qua compro-
 batis appellationibus vndecunque gen-
 tium ad Dominum Apostolicum : Ec-
 clesie Censuram ,^b resecandis impijs a
 Christiani populi coetu destinata, nō in
 impios exeruit, c quorum Lerna Romam
 confluit olim, * inundat semper; non in
 latrones, ^d quorum Roma facta est spe-
 lunca, teste Papa : non in sicarios, ^e quo-
 rum est asylum, in Cardinalibus ipsis,
 Romæ : non in adulteros, ^f quorum sup-
 plicium a pœna capitis redactum est ad
 ludū & iocum : non in meretrices, ^g quæ
 sub lenone Papa publicè quæstum faci-
 unt : non in icortatores, ^h quos in quo-
 dam casu, ut loquitur Canonista, præfert
 coniugatis, & luxuriam castitati : sed in
 Cæsares, in Reges, in gentes integras &
 nationes, ⁱ a quibus non ad nutum ob-
 temperatur ipsi : in quemuis magistra-
 tum, ^k qui vel manum clerico tantum in-
 iecerit : in quosuis fideiū, ^l qui partē de-
 cimæ ^m qui pecuniolam negarint sacrifi-
 co : in totos populos Christianos, ⁿ qui
 cum Apostolo, secundum illam viam,
 quā Pontifex & Seniores Iudeorum vo-
 cant heresin, serviunt Deo patrio, credentes
 omnibus qua sunt scripta in lege & Prophe-
 tis ; quos per immanitatem & perfidi-
 am execrandam, tanquam oues destina-

tas

^a 1. quest. 6. c. ad
 Romanam. c. pla-
 cuit ut presbyteri.
 Conc. Trid. Sess. 24
 cap. 20.

^b 1. Cor. 5. 7.

^c Bernar. l. 1. c. 3
 de consid. ad Eug.

* Bapt. Mant. Sil-
 ua. l. 1. Roma quid
 insans toties?

^d Ene. Siluius Pa-
 pa hist. de Asia
 min. c. 77.

^e Ene. Siluius ibid.
 Bap. Mant. eclog.
 9. & l. 3. de calam.
 temp.

^f Con. Trid. Sess.
 24. can. 12. Dist.

83. c. presbyter. 26

q. 7. c. tempora. 33

q. 2. c. hoc ipsum.

27. q. 1. c. Siquis
 episcopus. In glos-
 sa.

^g Con. delect. Card.

& Surius de re-

format. Pij quinti.

^h c. quia circa. de

bigamis. In glossa.

ⁱ c. ad apostolica.

in Sexto. Henr. 4.

Imper. Johan.

reg. Ang. Anglos.

Germanos, Vene-

tos, quos non?

^k c. Si verò alicu-

ius. de sentent. ex-

comm.

^l c. peruenit. c. num-

mos. de decimis.

^m c. ad abolendam.

de hereticis.

ⁿ Act. 24. 14.

3. Theſis.
 P Hiftor. eccle.
 Ang. Gall. I-
 tal. & inquit.
 Hiſpa.
 1 Ioh. 19. 28.
 2 c. excommuni-
 camus. de here-
 ticiſ.
 3 Comment. de
 ſtat. relig. &
 reip. in Gallia.
 lib. 10.
 4 Episto. 4. Syri.
 Papa. e Ro. 8. 8.
 Conc. Trident.
 Seſſ. 24. can. 9.
 5 Conc. Lateran.
 ſub Innocent. ca.
 21. Conc. Trid.
 Seſſ. 14. cap. 5.
 6 Conc. Tri. Seſſ.
 25. Decr. de de-
 lect. cib. de dieb.
 feſt. de regular.
 cap. 1. Clement.
 cap. exiui.
 7 c. audiuimus.
 de reliq. & ve-
 ner. ſancti. Saer.
 cerem. Rom. ec-
 cle. li. 1. ſect. 6.
 8 c. ex multa. in
 tanta. de voto &
 voti redempt.
 9 Trid. Con. Seſſ.
 25. Decr. de re-
 gularibus. &
 monialibus.
 10 Conc. Trid. Seſſ.
 24. can. 3. 4. 11.
 12.
 11 Durand. Rati-
 on. diuin. officior.
 & ſacr. ceremo.
 Roman. eccle.
 lib. 1. ſect. 7.
 12 ſit. de Agnus
 Dei. & c.
 13 Polyd. vergil.
 de inuentor. rer.

126 *Romana ecclesia nec est ecclesia catholica*

tas mactationi, pabſumpſit equuleis, flam-
 mis, ferro, non ipſe, q *nec enim introibat*
in Pratorium ne pollueretur, r ſed Pilato
 tradidit crucifigendos, & trucidatis ſeni-
 bus, puellis, infantibus, ſine ſexuū, ætatū,
 conditionum discrimine, riuſ mananti-
 bus ſanguine Lutetiæ, ſ Gallicis nup-
 tijs hymenæum cecinit, & facinus Thy-
 eſtêum barbariæ pluſquam Scythicæ
 pompis & tripudijs celebrauit Romæ.
 Quid ego tyrannicas leges commemo-
 rem, quibus eccleſiam intoleranter
 oppreſſit? de cœlibatu miniſtrorū ver-
 bi, de confeſſione auriculari, x de cibo-
 rum, veſtium, dierum delectu, y de noua
 Diuorum canonizatione, z de peregri-
 nationibus ad terram ſanctam, a de votis
 monachorū atq; monacharū, b de matri-
 moniorū legibus & ritibus, c de ceremoni-
 js infinitis, partim otioſis, partim ineptis,
 partim impijs, d quarū aliæ ab Ethnicis,
 alię à Iudejs, ab hereticis manarunt alię.
 Quid loquar de nefarijs diſpenſationi-
 bus, ſi diſpenſationes tamen ſunt vo-
 candæ, ac non potius e cum Bernardo
 diſſipationes: quibus nihil tam ſan-
 ctum eſt, quod non polluerit, nihil tam
 prophanum quod non permiferit: f vt
 ducat frater vxorem fratris, g auuncu-
 lus ſororis filiam, h vt pueris, vt Simonia-
 cis

cis, vt imperitis & ineptis beneficia cōfe-
rantur ecclesiastica: i vt in vnū & eun-
dem coaceruentur plura: k vt benefi-
cio qui fruitur, non fungatur officii odif-
pensator non alat Dei familiam, mini-
ster non obeat Dei negotium, angelus
non nuntiet Dei voluntatem, pastor
commissum sibi gregem non pascit: l vt
subditi soluantur religione sacramen-
ti, quo sunt obstricti principi, vt
negent obsequium, resistant in armis,
violētās manus iniiciant vnctō Domini,
m vt Deo violetur fides & hominibus, vt
scelera patrare liceat non nominanda, vt
omnia diuina peruertantur & humana,
ius iniuriæ, cœlum terræ, fas & nefas
misceantur. An verò dubitandū est, quin
ista legum & disciplinę pestilens & por-
tentosa fœditas & deprauatio, ad explē-
dam auri famem & sitim dominandi, nō
ad ecclesię salutem a Rege Romæ sit
instituta? An non ipsius m Fratres omnia
testatur esse Romæ venalia,

Templa, sacerdotes, altaria, sacra, coronas,
Ignes, thura, preces, cœlūmq̃, solum-
que, Deūmq̃?

Non n Aulici subscribunt eorum iu-
dicio, qui minuendam esse pompam Ec-
clesię, quam Papa detrimento Chri-
stianę

lib. 5. cap. 1. &
deinceps.

e De consil. ad
Eugen. lib. 3.

i Henr. 8. rex
Ang.

§ Philip. rex
Hispa.

h Bernard. epist.

42. ad archiep.

Sen. & libr. 1. &

3. de consil. ad.

Eug.

i Distinct. 70. e.

Sanctorum, c.

de multa. de pra-
bendis.

k c. relatum. de

cleric. non residet

c. licet canon. de

elect. in sexto.

l c. ad Apostolic.

in sexto. Bulla

Pij quint. contr.

Regin. Ang.

m Con. Constant.

Seß. 19. c. c. Non

obstantibus saluis

conductibus.

m Baptist. Man-

ruan. lib. 3. de ca-

lamis. tempor.

n Platin. de vit.

Pont. in Paulo.

3. Theſis.
 P Hiſtor. eccle.
 Ang. Gall. I-
 tal. & inquit.
 Hiſpa.
 q Ioh. 19. 28.
 r c. excommuni-
 camus. de here-
 ticiſ.
 s Comment. de
 ſtat. relig. &
 reip. in Gallia.
 lib. 10.
 t Epiſto. 4. Syri.
 Papa. e Ro. 8. 8.
 Conc. Trident.
 Seſſ. 24. can. 9.
 u Conc. Lateran.
 ſub Innocent. ca.
 21. Conc. Trid.
 Seſſ. 14. cap. 5.
 z Conc. Tri. Seſſ.
 25. Decr. de de-
 lect. cib. de dieb.
 feſt. de regular.
 cap. 1. Clement.
 cap. exiui.
 3 c. audiuimus.
 de reliq. & ve-
 ner. ſanct. Sacr.
 cerem. Rom. ec-
 cle. li. 1. ſect. 6.
 z c. ex multa. in
 tanta. de voto &
 voti redempt.
 a Trid. Con. Seſſ.
 25. Decr. de re-
 gularibus. &
 monialibus.
 b Conc. Trid. Seſſ.
 24. can. 3. 4. 11.
 12.
 c Durand. Rati-
 on. diuin. officior.
 & ſacr. ceremo.
 Roman. eccle.
 lib. 1. ſect. 7.
 ſit. de Agnus
 Dei, &c.
 d Polyd. vergil.
 de inuentor. rer.

126 *Romana ecclesia nec est ecclesia catholica*
tas mactationi, pabſumpſit equuleis, flam-
 mis, ferro, non ipſe, q *nec enim introibat*
in Pratorium ne pollueretur, r ſed Pilato
 tradidit crucifigendos, & trucidatis ſeni-
 bus, puellis, infantibus, ſine ſexuū, ætatū,
 conditionum discrimine, riuſ mananti-
 bus ſanguine Lutetiæ, ſ Gallicis nup-
 tijs hymenæum cecinit, & facinus Thy-
 eſtêum barbariæ pluſquam Scythicæ
 pompis & tripudijs celebrauit Romæ.
 Quid ego tyrannicas leges commemo-
 rem, quibus eccleſiam intoleranter
 oppreſſit? de cœlibatu miniſtrorū ver-
 bi, u de confeſſione auriculari, x de cibo-
 rum, veſtium, dierum delectu, y de noua
 Diuorum canonizatione, z de peregri-
 nationibus ad terram ſanctam, a de votis
 monachorū atq; monacharū, b de matri-
 moniorū legibus & ritibus, c de ceremoni-
 js infinitis, partim otioſis, partim ineptis,
 partim impijs, d quarū aliæ ab Ethnicis,
 alię à Iudejs, ab hereticis manarunt alię.
 Quid loquar de nefarijs diſpenſationi-
 bus, ſi diſpenſationes tamen ſunt vo-
 candæ, ac non potius e cum Bernardo
 diſſipationes: quibus nihil tam ſan-
 ctum eſt, quod non polluerit, nihil tam
 prophanum quod non permiferit: f vt
 ducat frater vxorem fratris, g auuncu-
 lus ſororis filiam, h vt pueris, vt Simonia-
 cis

cis, ut imperitis & ineptis beneficia cōferantur ecclesiastica: i ut in vnū & eundem coaceruentur plura: k ut beneficio qui fruitur, non fungatur officii odispensator non alat Dei familiam, minister non obeat Dei negotium, angelus non nuntiet Dei voluntatem, pastor commissum sibi gregem non pascat: l ut subditi soluantur religione sacramenti, quo sunt obstricti principi, ut negent obsequium, resistant in armis, violētās manus inijciant vnctō Domini, m ut Deo violetur fides & hominibus, ut scelera patrare liceat non nominanda, ut omnia diuina peruertantur & humana, ius iniuriæ, cœlum terræ, fas & nefas misceantur. An verò dubitandū est, quin ista legum & disciplinæ pestilens & portentosa fœditas & deprauatio, ad explendam auri famem & sitim dominandi, nō ad ecclesię salutem a Rege Romæ sit instituta? An non ipsius m Fratres omnia testatur esse *Roma venalia*,

Templa, sacerdotes, altaria, sacra, coronas, Ignes, thura, preces, cœlūque, solumque, Deūque?

Non n Aulici subscribunt eorum iudicio, qui minuendam esse pompam Ecclesię, quam Papa detrimento Christianę

lib. 5. cap. 1. & deinceps.

e De consil. ad

Eugen. lib. 3.

t Henr. 8. rex

Ang.

8 Philip. rex

Hispa.

h Bernard. epist.

42. ad archiep.

Sen. & libr. 1. &

3. de consil. ad.

Eug.

i Distinct. 70. &

Sanctorum, c.

de multa. de pra-

bendis.

k c. relatum. de

cleric. non residet

c. licet canon. de

elect. in sexto.

l c. ad Apostolic.

in sexto. Bulla

Pij quint. contr.

Regin. Ang.

m Con. Constant.

sess. 19. c. Non

obstantibus salu-

conductibus.

m Bapt. Man-

ruan. lib. 3. de ca-

lamis. tempor.

n Platin. de vit.

Pont. in Paulo.

• Aeneas Siluius
Card. in epiſt. de
morib. Germaniæ.

Matth. 26. 15.

• ad Ludovicum
undecimum. pro
libertate eccleſiæ
Gallicæ aduerſus
Rom. aulam defen-
ſio Pariſienſis cu-
riæ. Anneſcitur
Duaren. de ſacr.
eccleſ. miniſt.

• Bernay. in Cant.
Cant. In epiſt. De
conſid. ad Eug. &
paſſim. Franc. Pe-
trarch. in Cant. &
epiſt. Bapt. Mant.
in Faſt. Silu. Eclo.
De calam. temp. &
cet. Marſil.
Patauin. in De-
fenſ. pacis. Vide
Jlyricum in teſti-
bus Verit.

• Conc. Trid. Seſſ.
6. De reform. c. 1.

• Conc. Conſtant.
Seſſ. 4 & 5.

ſtianæ religionis augere ſtuduſit, prædi-
cabant? Non agnoſcunt ° Cardinales au-
rum Annatis, & alijs artibus Pontificijs
a Chriſtianiis emungi, vt Romanus Pon-
tifex eiùſque Curiales ſint opibus ditio-
res, ornatu ſplendidiores, ſublimiores
maieſtate? Non orbis Chriſtianus inſati-
abilis ambitionis & auaritiæ Romanæ,
clamitantis inſtar Iudæ, *Quid vultis mihi
dare*, iugum ſenſit & ingemuit? Extat A-
pologia eccleſiæ Anglicanæ, quæ recen-
tes notas Romanæ tyrannidis inuſtas
popularibus noſtris oſtendit. Extat
p libellus ſupplex Pariſienſis curiæ, quo
deprecatur Galli ſacrilegas rapinas, iniu-
rias, impoſturas, curiæ Romanæ. Extant
Grauamina centum Germaniæ, cuius
querimonix ſuo quaſi ſanguine ſcriptæ
loquuntur quàm impotenter Romana
ſedes nobiliſſimam illam gentem euerte-
rit, oppreſſerit, obtriuerit, ſpoliarit. Ex-
tant infinitæ q doctiſſimorum hominum,
e cunctis populis & oris, lamentationes
ſub ipſo Papatu, qui *diſciplinam eccleſi-
aſticam eſſe collapsam admodum*, vna voce
fatentur omnes: ⁊ ipſi Patres Tridentini
non ſolum id fatentur, ſed etiam teſtan-
tur monumento publico. Coactum eſt
Concilium, ſuperiore ſæculo, Conſtan-
tiæ, ſut eccleſia reformaretur in capite &
membris.

membris. Res Constantiæ non perfecta,
 • suscepta rursus est Basileæ. Sed refor-
 mationem non tulit Eugenius Pontifex
 Romanus: eoque Synodum Basileensem
 • & reuocauit verbis, & armis dissipauit.
 Sanctionem Pragmaticam ex eius Sy-
 nodi decretis in Gallia stabilitam, & nun-
 quam quieuerunt Eugenij successores
 antequam euertissent. De concilio Tri-
 dentino spes restabat vltima: & sanè cō-
 plura, prudenter & præclare, de refor-
 matione sunt ibi decreta. Sed ille malo-
 rum labes, de quibus & Gentianus Her-
 uetus conqueritur, (homo Pontificius,
 quo grauius censendum est contra Pon-
 tificios eius testimonium,) antiquas re-
 nouant corruptelas: prima, quòd ea quæ
 præclare decreta fuerant, *nondum serua-*
rentur: altera, quòd etsi decreta seruaren-
 tur, *non tamen sint eiusmodi quæ priscos re-*
stituunt mores in integrum: postrema,
 quòd vt priscos mores restituerent, ta-
 men *Parum prosint, quia pontifex Roma-*
nus & soluitur ipse legibus, & quos libet so-
luit; vt remedijs non sanentur, sed incru-
 descant vulnera, quum sedi Apostolicæ
 concilij decreta rescindere, corrumpere,
 peruertere, perfringere dispensationibus
 referuetur integrum. Ac illa sine dubio
 flagitiosa clausula, & quæ reformationis

Conc. Basil.
 Sess. 2. & 3.

Platin. & O-
 nuphr. de vit.
 Pont. in Euge. 4.

Fran. Duar. de
 sacr. eccles. mi-
 nist. l. 5. c. 11.

Sess. 5. cap. 1.
 & 21. c. 2. & 22.
 c. 11. & 23. c. 16.
 23. & 24. c. 17.
 18. 19. & 25.

cap. 3.
 Libr. de repa-
 randa ecclesiast.
 disciplina.

Cone. Trid. de
 reform. in Sess. 7.
 proæm. & Sess.
 25. De reform.
 cap. 21.

I.

decre-

decretis annectitur, *Saluâ, semper, in omnibus, auctoritate sedis Apostolica*: non solum ostendit ægrum esse corpus ecclesię Romanę, sed etiam præcidit omnem spem salutis recuperandæ. Etenim, quemadmodum liene augescente, corporis artus reliqui feruntur tabescere: ita, quo magis salua est auctoritas sedis Apostolicę, eò minus singulę partes ecclesię saluæ sunt futuræ.

Baptist. Alant.
Festor. isbr. 4. ad
Æonem decimū.

*Romana graui maculata veneno
Curia, quæ terras cõtagia spargit in omnes.*
Quamobrem, vt summam rationis meæ verbo cõcludam, quum liqueat ex ipsarum rerum euidentiâ, neque fidem Christi purè doceri, neque Sacramenta ritè celebrari, neque preces Deo religiosè fundi, neque disciplinam exerceri salutariter in ecclesia Romana: si minus ex causis nobis est persuasum, saltem ex effectis euictum est, spero, Romanam ecclesiam non esse sanum membrum ecclesię catholicę. Quanto est absurdus eam arbitrari esse catholicam? Romana igitur ecclesia, nec est ecclesia catholica, nec sanum membrum catholicę. Longius in ista Thesi declaranda sum prouectus, quàm statueram: sed eo celerius licebit sicco pede pertransire tertiam. Nam, intellectis ecclesiæ Romanæ
mor-

morbis pestiferis, quorum contagio, quasi *plaga lepræ*, quoniam habitantibus vnà, *Leu. 13. 46.* periculosa est: idcirco fidelium è *castris exterminanda est*: dubitari non potest quin Ecclesiæ reformatæ in Anglia, Scotia, Gallia, Germania, cæterisque regnis & rebus publicis, seipfas à Romana, iure, segregarint. Id enim iure fieri statuimus, quod fit ex præscripto verbi diuini: nam *omnia præcepta Dei sunt iustitia*, vt *Psal. 119. 172.* canit vates regius. At ecclesiæ reformatæ præcepto Dei paruerunt, in eo, quod seipfas à Romana segregarunt. Seipfas igitur à Romana segregarunt iure, & iure quidem optimo. Siquidem, cum cætus ecclesiastici fuerint in eum finem instituti, vt *requiramus Iehouam, eiusque nomen celebremus*, id est, vt Deum cognoscamus, & cognitum colamus: quacunque demum in ecclesia, siue pura Dei cognitio non traditur, siue purus Dei cultus non exercetur; ab ea, Sanctus Spiritus, vt secedamus, iubet. Nam secedendum ab ecclesia, quæ non tradit puram Dei cognitionem, scriptum est ad Timotheum: quem Apostolus præ-

*1. Chron. 16. 8,**11, 23, 34.**Psal. 63. 3.**Act. 2. 42.**1. Tim. 6. vers. 1.*

Ibid. verse. 5.

Αφίστασθ ἀπὸ

τῶν τοιούτων.

Act. 19. vers. 7.

Vers. 8. Ἀποστάς

ἐκ αὐτῶν.

1. Cor. 10. 14.

2. Cor. 6. vers. 14.

Vers. 17.

Hos. 4. 15.

a Id est, domus
Dei. Hos. 10. 15.b Domus vanita-
tis. Hos. 10. 5.

c Hos. 10. 8.

xit, quibus eiusmodi lupi dignoscan-
tur, concludit hoc præcepto, *Ab ijs
qui sunt eiusmodi secede.* Secede, inquit
Paulus, *ab ijs qui sunt eiusmodi*: ab eorum
coetu & ecclesia secede. Talē quippe se-
cessionem ab eo designari, satis suo prius
exemplo docuerat Timotheum Ephesi:
vbi, quum de regno Dei differeret in syna-
goga Iudæorum, & quidam indurati malè
loquerentur apud multitudinem de via Do-
mini: *secedens ab illis separavit discipulos,*
Christianos segregans ab ea synagoga,
quæ puram Iesu Christi doctrinam non
ferebat. Ab ea verò secedendum, quæ nō
exercet purum Dei cultum, scriptum est
ad Corinthios: quibus admonitis, vt ab
omni fugerent idololatria, porro præcipi-
tur, ne se consocient cum infidelibus in
externo cultus idolorum ritu; quid enim
luci cum tenebris? iustitie cum iniustitia?
Christo cum Belial? fidei cum infidei? tem-
plo Dei cum simulachris? Quapropter exite
e medio eorum, & separamini, dicit Domi-
nus. Separamini, dicit Dominus: non ego
dico, sed dicit Dominus. Dicit Dominus
Iudæis, *ne ascendatis Beth-anenem*: non
dicit Hoseas, sed dicit Dominus. Vocatur
quidem a Beth-el, sed est b Beth-auen:
c *Auēnis excelsa, peccatum Israelis*: itaque,
ne ascendatis Bethanēnem, dicit Dominus.

Qua-

Quare, secedendum ab illis ecclesiis, in quibus pura Dei, vel cognoscendi via, vel colendi ratio, contaminatur impijs superstitionibus: expresse mandatum est ab Altissimo. Multo magis ab illis, in quibus vtrunque, & cultus & cognitio Dei, profanatur. At in utroque horum turpissime peccari, (siqua vnquam ab, ecclesia) ab ecclesia Romana: Thesi proxima demonstratum est. Reformatas igitur ecclesias Iesu Christi seipsas ab ecclesia Romana segregasse, iustissime concludendum est. Quo mihi videtur improbior & impudentior ^d Louanien-
 sum Theologorum ^e & Papistarum nostratum, malitia dicam, an ignorantia? qui nostram a Romana separationem ut rapiant in odium tanquam schismaticam, obijciunt nobis crebro, *quod imitemur Donatistas*, & eorum perfido cum Ecclesia catholica dissidio communemus. Iurène, an iniuria: iudicent Christiani. Cum præsertim liquidum sit ex ^f Augustino, Donatistas non vertisse vitio Catholicæ quicquam aut in sacris, quibus Deum colebat; aut in verbo fidei, quod populo prædicabat: ^g nos autem Ecclesiam pseudocatholicam impietatis manifestæ, tum in sacris quibus colit idola cum Deo, tum in verbo, quo miscet

I. iij.

per-

^d Theolo. Louan.
 annot. in Tom. 7.
 Aug. contr. Donatistas.

^e Brist. Quæst.
 1. Motiu. 10.

Thom. Stapler.
 de princip. fid. doctrin. li. 4. c. 10.

Nicol. Sander.
 de visib. monach. eccl. præf. ad Lect.

^f Breuic. collat. cum Donatist. & cont. Crescom. Parmenian. & cat.

^g Confess. Aug. Wittenb. Heluet. Apolog. eccles. Ang.

a Annot. in Au-
gust. Brevic.
Collat. cum Do-
natist. Collat. di-
ei 3. cap. 9.
i Annot. in Au-
post collation. ad
Donatist. cap. 20
k Brist. Mor. 32.

l Aduers. hares.
di. 3. cap. 4.

Feb. 19. 5.


perfidiam cum fide, ream peregerimus? ipsi verò nostri correctores doceant, cō-
munionem eius ecclesiæ deferendam,
cuius sacra polluantur idololatriâ, cuius
verbi prædicatio doctrinam tradit impi-
am: ideoque, tūm *b* Theologi Louanien-
ses reprehendant, idque merito, catholi-
cos episcopos, *i* & D. Augustinum, quod
asseruerint *Prophetas, Eliam, Elisaum, cōs*
municasse sacris Israëlitarum, quum ea fœ-
darentur cultibus idolorum; tūm *k* Dua-
censis Doctor, quamuis immerito, con-
demnet eos omnes, vt *orbos sensibus, im-*
mò vitâ, qui nostras solummodò conciones
audiunt, quoniam docentur in ijs, vt ait,
blasphemia; laudantur autem ab l Irenæo,
qui blasphemum colloquium ne audire qui-
dem sustinent. Quocirca, si principes Pon-
tificiorum federent in iudicio de crimi-
ne schismatis, quod nobis intentatur, at-
que Donatismi; sperarem eos, (nisi te-
nebræ haberent Aegyptias, instar Pha-
raonis, oculis offusas) absoluturos esse
nostras ecclesias, neque minus iustam
sententiam laturos de membris Iesu
Christi, quàm de Christo Iesu tulit Pila-
tus, *Ego non inuenio crimen in eo.* Nam,
quid tandem fecimus in nostra relictio-
ne Romanæ synagoge, non dico Iudicis
litrâ, sed vel Censoris notâ dignum? ni-
si

Aliquod, ut in Fimbria questus est de Scē- ^{m Cicer. pro}
 uola, non totum telum corpore recepi- ^{S. Roscio.}
 mus. Fuit officium ministrorum Christi,
 n predicare verbum Dei. predicarunt. ^{n 2. Tim. 4. 2.}
 • Redarguere peccata populi. redargue- ^{• Tit. 1. 13.}
 runt. p Afflictiones ferre, etiam ad san- ^{P 2. Tim. 2. 3.}
 guinem vsque, pro ecclesia. tulerunt. Fuit
 officium Christiani populi, q pastoris au- ^{q Job. 10. 27.}
 dire vocē audiuerunt. & Servire soli Deo. ^{r Mat. 4. 10.}
 seruierūt. s Professionē fidei corā homi- ^{f Luc. 12. 8.}
 nibus facere. fecerūt. Si magistratibus in-
 uitis, quod vsu venit Gallia: & fuit obtem- ^{r Act. 5. 29.}
 perandum Deo potius quā hominibus, ut
 dixerunt Apolloli Principibus Israēlis.
 Si magistratibus iubentibus, quod An-
 glie concessit Deus, & in æternum con-
 cedat quæsumus: erat obsequendum il-
 lis in Domino, u vt obsequuntur sunt Iosia, ^{u 2. Reg. 23. 2. 3.}
 propheta, sacerdotes, populus Iudeorum. ^{& 1010 cap.}
 Quamobrem, cum omnes Ecclesiæ Re-
 formate, sequutæ normam eandem quā
 Anglia & Gallia, (ne singulis insistamus)
 suam ab ecclesia Romana secessionem ad
 diuini iuris canonem conformarint: non
 quia secesserunt, ideò seditiosæ, sed ef-
 sent sacrilegæ, nisi secessissēt; nec ipsæ dis-
 cordiam excitarunt schismaticam, sed a-
 liæ cum Romana concordiam fouent im-
 piam; quibus utinam vox Christi potius
 & aures & animos personaret, de Baby-
 lone

lone dicentis suis, *Exite ex ea popule mī,
ne participes sitis peccatorum eius, & ex
plagis eius accipiatis.* Habes, vir reueren-
de, meum iudicium, de tribus Thesis, quas
proposuisti. In quorum explicatu tametsi
fui longior, partim grauitate rerum commo-
tus, partim auditorum fretus patientia, quàm
istius loci consuetudo pateretur : tamen per-
multa prudens prætermisi, quæ contra veritatem
singularum Thesium ab aduersarijs pos-
sunt obijci : quòd ea commodius in ipso
quasi stadio disputationis percurri & superari
posse iudica-
rem.

PSAL. 51. 20.

*Benefac, ô Deus, pro beneuolentia tua
Sioni : ædifica muros Ierusalem.*



Christiano Lectori,

salutem.

137

O Peram dedi, quantam quidem potui, Christiane lector, uti Theses meae, non ab alijs erratis solum, sed etiam à typographicis quàm emendatissimae, in lucem ederentur. Verùm operarum incuria (nequid dicam grauius) effectum est: ut varijs erratis, non sine magno meo dolore, sint deformatae. Ceterùm, quia corrigi possunt prae terita, reuocari non possunt: idcirco mihi rogandus es, primum, ut ignoscas; deinde, ut corrigas, vel calamo, si videbitur, vel animo, quum leges. Errata leuiuscula, in orthographia, & interpunctionibus, & ceteris id genus, quae nimis sunt crebra: tuae prudentiae corrigenda reliqui. E reliquis, grauiora, quae per insignem habebant sententiae deprauationem: à typographi amanuensi corrigenda curavi. Quaedam, minus graua, quae tamen aut morari possent lectorem, aut ansam aduersario dare cauillandi: hic, in erratis, corrigenda subieci. Si quis iterum typographus Theses has committere prelo voluerit: peto, ut exemplar à me correctum & emendatum petat; accipiet. Nam in his erratis praetermisi varia, quae correctae cuperem: etsi minoris sint momenti, neque magno lectori molestiae futura. Vale.
Londini. 2. Mart.

Tuus, Io. Rainoldus.

Pagina	Versu	Erratum	Correctio.
14	ad sa-	sempiternum	sempiternam
28	eorum	cui	qui
42	legis	deest in marg.	Esa. 1. 12. & 8. 30
48	illu	sic	Sicut
49	& ea	sunt	sint
52	cari	electi: de	electi. De
	aut	gratia.	gratia,
54	mecum	Labano	Libano
65	tes,	authoritate	authoritati
68	rali	-politano	-politano,
69	clesia	, quaedam	quedam,
73	Phæbus	equo	equos.
76	ficijs	ornâret	ornâris
82	in marg.	Reu. 15.	Reu. 20. 15.
89	uens	Pontifica	Pontificia
105	in marg.	Erid. l. 1.	Deleatur
106	in marg.	clement. 7. 11.	Clement. Sept.
109	milem	Hofius	d Hofius
	in ec-	, in ecclesijs	in ecclesijs,
111	in marg.	Eph. 24.	Eph. 2. 4.
		Rom. 3. 2. 1.	Rom. 3. 21.
114	absol-	quâ doctrinam	Quâ doctrinâ
118	Qua	Que	r Qua
125	cume	m qui	qui
	co:	n qui	m qui
	cum	secundum	n secundum
133	clesia	, iustissime	iustissime,
136	quas	quorum	quarum.

